



میرنا المهدی

قضیۃ  
مشت  
الدریسون

تحقیقات نوح الالفی

رواية

ميرنا المهدي

قضية  
ست  
الحسن  
رواية  
تحقيق نوح الألفي



## إهداء

إلى أمي التي أمسكت يدي وعبرت بي الطريق.

وإلى مايا شقيقة روحي ورفقة دربي.

وإلى كل من علمني حرفًا، وكل من أحبطني يوماً.

ليس كل ما هو حقيقي منطقياً،

وليس كل ما هو منطقياً حقيقياً.

# القضية الأولى

## الفتيل

١

سأخبرك ثلاث حقائق عن نفسي:

أولاها أني أدعى «نوح».

والثانية أني أصبحت ضابطاً في المباحث الجنائية تائزاً بالمحقق كونان.

أما الثالثة، حسناً، فسأعلمك بها في الوقت المناسب.

\* \* \*

بحلول الساعة الخامسة صباحاً، بدأت أتناءب وأفرك عيني في محاولة يائسة لصرف شبح النوم الذي تسلل إلي، حتى دخل قطز المكتب، بقامته الطويلة وشعره الكثيف وأنفه البارز وقميصه الأبيض الذي لا يعرف له الغبار طريقاً.

اقرب من مكتبي بضججه المعهودة، متلهفاً للانقضاض على الفطور الساخن الذي فاحت رائحته من الأكياس البلاستيكية المتخصمة بالخبز، والمخللات، والفول، والطعمية المتكونة في أوراق مشبعة بزيت لا يعلم مصدره سوى الخالق.

نحيت الملفات والدفاتر جانباً، ثم نشرت صفحة من جريدة الأمس على المكتب لتبقى عازلاً بين أي يقع تخلفها مجزرتنا الصباحية والخشب الداكن، وأنا أقول متملماً:

- سنة عشان تجيب الفطار يا قطز؟!

فك الأكياس، وبدأ رصها بعناية، وأجابني من دون أن يرفع عينيه عن الطعمية:

- الرائد زفت عطلي!

- صلاح؟

- هو فيه غيره!

انكب على الطعام، وطارت أصابعه بين الأكياس كالصقر، متقططاً قطعة من هنا وأخرى من هناك، بينما ركزت أنا على الفول بالكمون والاليون، إلى أن مر الفراش الفسن في الطرقة، فناداه قطز بحماس:

- عم حمدي، الكاكاو بداعي والنبي.

- عيوني يا باشا.

أكمل الفراش طريقه محينا باقي الضباط المتفاقدين على القسم والمتوجهين إلى مكاتبهم، بينما قلت:

- كفایة كاكاو بقى!

- مش إنت وأبويها عليا كلكم باصينلي في كوبابية الكاكاو!

دخل الفراش واضغا الكاكاو والماء، فالتحقق قطز الكوب قائلاً:

- الله ينورنا.

- بالهنا والشفا يا باشوات. أي خدمة تانية؟

- شكزا يا عم حمدي.



مع رحيل الفراش دخل الرائد صلاح الشبكي، برائحة عطره الرخيص، وقميصه الفاقع لونه، وببطوله القماشي الذي ورثه عن أجداده، وشاربه الذي انتهت صيحته بانتهاء الثورة العراقية. وقف عند الباب قائلاً بصوته المبحوح من المعسل المغشوش:

- الباشوات متزفلطين في الفول والطعمية وسايبين الناس تتدبح في الشارع!

أكملت طعامي ولم ألتقط إليه، لكن قطز أجابه معتبراً:

- ناس مين؟ إحنا مرزوقيين طول الليل وما جالاش بلاغ واحداً

- أومال إيه البت اللي اتقتللت في ميدان طلعت حرب دي؟!

أخيراً انتبهت إليه كي أسأله بيرود:

- بت مين؟

- اتفضوا قدامي وإحنا نعرف بت مين.

أكمل قطز طعامه قائلاً:

- زوج إنت، إحنا نبطشتنا خلصت.

عقد ذراعيه القصيرتين، وقال يايقاع سريع:

- المادة ٤١ من القانون ١٠٩ تنص على أنه يجوز تكليف الضابط بالعمل في غير أوقات

العمل الرسمية، علاوة على الأوقات الرسمية، إذا اقتنصت مصلحة العمل ذلك. طبعاً، ما سيداتك ابن اللوا وداخلها كوسة، لا ذاكرت ولا مقفت عيبيك في الكتب، جاي تأكل طعمية وتشرب كاكاو!

أخذ قطز نفساً عميقاً محاولاً أن يتعالك أعصابه، ثم همس لي قائلاً:

- هاضرية في شنبه!

نفخت يدي قائلاً:

- اتكى ع الصبر.

\* \* \*

يمكن أن تعرف الكبير عن القاتل من خلال الطريقة التي اختارها لقتل ضحيته، فمثلاً من يستخدم الرصاص، فهو صاحب شخصية درامية مغروزة، وغالباً ضحيته ابتزته أو استفزته.

من يستخدم الحقن، فهو شخص يحمل الكبير من الضيقنة والاستياء المترافق تجاه ضحيته، وفي الأغلب دافعه هو الانتقام، وفي معظم الأحيان يتندم لاحقاً على فعلته. بينما من يختار السم، هو شخص جبان، لكنه ذكي ولا يقوى على مواجهة ضحيته! أما أسوأ نوع من القتلة، فهو الذي يختار الذبح!

أشعر بالإهانة الشديدة عند رؤية شخص منحور كالمواعش، كما حدث لهذه الشابة! كانت جثتها في وضع الجلوس في المقعد الأمامي لسيارتها خلف المقود، وقد تجلطت الدماء حول عنقها الرقيقة، ومال رأسها إلى اليمين، وارتخت يداها بجوارها، وعيناها الخضراوان مفتوحتان خلف نظارتها الكبيرة، وشعرها البني معقوض إلى أعلى، وتبدو على ملامح وجهها علامات الصدمة.

لقد باختها القاتل وذبحها من المقعد الخلفي، لكن يبدو أنه كان متعملاً، فقد خرج وترك بابه مفتوحاً، كما أنه لم يتم الذبح إلى آخره، فالجرح يبدأ عند شريانها السباتي يسازاً ثم يتوقف بعد منتصف العنق بقليل.

جرح غير مكتمل، لكنه كان كفيلاً بإنهاء حياتها!

وقفت أنفه منظر الجثة داخل السيارة الحمراء، وأنا أداعب تلك الليونة - التي أحافظ

بها عادة في جيبي - وأحرکها بين أصابعی متخيلاً مشهد الجريمة، بينما انشغل قطز بتأمل  
البنيات الأثرية المحيطة بميدان طلعت حرب، وخاصة عمارة جروبي.

أما صلاح فقد بصر على الأرض بصورة مقرّزة، ثم حك أذنه بظفر إصبعه الصغيرة الذي  
ينطليه، ثم تكلم مع عسكري المرور بتعالٍ:

- ها يا ابني، مين اللي شاف القتيلة؟

- أنا لا مواخذه، استلمت النبطشية الساعة خمسة، ولاقيت باب عربية القتيلة، لا مواخذه،  
مفتوح، وفضل ييجي ساعة على ديلك الحال، ولما قرّبت عشان أشوفه، لا مواخذه، مفتوح  
ليه، لاقيت البت مدبوحة جوه العربية.

علا صوت صلاح بلا داعٍ:

- وإنْت إِذَايْ مَا أَخْدِتُشْ بِالْكِ إِنَّ الْبَنْتَ مَقْتُولَةَ مِنَ الْأَوْلَىْ يَا ابْنِي؟!

- ما إِذَازَ الْعَرَبِيَّةَ، لَا مَوَاخِذَةَ، مَفِيمِ، أَشْوَفَ إِذَايْ؟!

- إنْت هَتَفْدِلَكَ بِرُوحِ أَمْكَ؟!

أعلم أن العسكري لعن أجداد صلاح في سره، لكنه وقف جانباً ملتزماً الصمت، بينما لم  
ينزل قطز عينيه عن عمارة جروبي واضغاً يديه على خصره، فسألته بفضولٍ:

- فيه حاجة لفت نظرك في العمارة؟

- تعرف إن العمارة دي اتبنت سنة ١٩٢٤!

تطلعت بنظري إلى العمارة الكلاسيكية ذات اللون الرملي، والتواقد الخشبية الخضراء،  
والشرفات الواسعة، وأعمدة الإضاءة الباريسية المحيطة بها، ومقهى جروبي المغلق بواجهته  
 ذات الفسيفساء الزرقاء.

ظل قطز ينظر إلى العمارة بتعظيم وهيبة، وأكمل مشيراً إلى المقهى:

- في تمانينات القرن التسعين، ياكومو جروبي جه مصر مع ابنه، وفتحوا الكافية ده على  
الطراز الفرنساوي عشان...

- سؤال بس، إيه دخل تاريخ العمارة بالبنت مدبوحة في العربية؟

التفت إليّ قائلاً بضجرٍ:

- ما صلاح يعيصر العسكري أسئلة، وإنْت عَمَالْ تلف حوالين العربية ذي التحلة، قلت أبصـ

على العماير العربية التي الزحمة بتهلينا عنها.

\* \* \*

قطز واحد من الكثيرين الذين أجبرهم أهلهم على اختيار وظيفة تخالف طموحاتهم، فهو ابن اللواء أنور المحمدي، والدته ميس نجوى علوى معلمة التاريخ بمدرسة بورسعيد الدولية التي تخرج كلانا منها.

وبينما كنت أطمح أن أصبح ضابطا مثل والدي الذي اشتهر وأنا في العاشرة من عمري، قرر قطز أن يصير زاهي حواس الثاني، بعد أن سقنه أبوه عشقها للتاريخ، والذي تحلى في اختيارها لاسمه «قطز»!

أعجب سيادة اللواء بهذا الاسم المنتقى، وتخيّل ابنه قائدا وزعيقا مثل سيف الدين قطز الذي حزّر مصر من التيار. وعاش قطز بين سخرية الطلاب وتهكمهم، لكنه كان يقول إن كل العظماء يحملون أسماء تدعوا إلى السخرية!

وهكذا، ظل قطز يحلم باليوم الذي يكتشف فيه مقبرة عظيمة كإنديانا جونز في أفلامه، وإذ بالأمر ينتهي به طالبا في أكاديمية الشرطة، منتصرا إلى تسلط أبيه الذي حرمه من طموحه لكنه لم ينزع عشق التاريخ من قلبه.

على الرغم من أن قطز أصبح ضابطا بالإكراه، فإنه تفوق في الأكاديمية. وهكذا هو دانقا، يجيد في أي مجال يدخله، ويتقن عمله ويفديه على أكمل وجه حتى إن لم يحبه. هو شخصية لن تجد الإهمال أو الاستسلام أثرا في قاموسها.

\* \* \*

فُلت زافزا:

- وحياة أبوك يا قطز، ركّز عشان نخلص من صلاح!

الافت صلاح إلينا قائلأ ببرته التهكمية اللعينة:

- ها يا عسل منك له؟ تفكروا مين اللي عملها؟

أعلم جيدا أن صلاح لم يجلبنا معه حتى نشهد على الجريمة ونتعلم من عبقريته وعقليته اللامعة، فالابله بالكاف يقوى على تخمين من سرق ساندوبيتش الفول من فوق مكتبه؛ لقد أحضرنا إلى مسرح الجريمة كي نقوم بعمله ونعطيه استنتاجاتنا وأفكارنا.

لقد اعتاد التسلط على أكتاف من هم أقل منه رتبة، وبكيفيك أن تعادر ذلك الوغد أياما

لتعرف أن مبدأه في الحياة هو: «إن جالك الطوفان حط ابنك تحت رجليك». لكنني أذكر من أن أحل واجبات غيري، يعكس قطاع السائق الذي أجابه مندفعاً كالطالب النجيب:

- معظم اللي بيختاروا طريقة الدبح بيكونوا جزاحين أو جزارين أو قتلة مأجورين. وأنا بارجح إن حد غني دفع فلوس لمجرم عشان يخلص من حد مضايقه. لأن مفيش إنسان عادي يعمل جريمة زي دي في العلن وسط ميدان طلا...

قاطعه صلاح بضحكه ساخرة جعلتني أرحب في لكمه بشكل متكرر حتى أسقط عنه أساناه الصفراء:

- بالعكس، ده مكان مناسب جدًا. الدنيا ضلماً وهس هس، وال العسكري نايم على روحه، وعربية مقيمة. دخل دبح وخرج ومحدش خد باله. السؤال هنا بقى يا مبتدئ متك له: ليه الهانم المحترمة كانت في عريتها المقيمة في نص الليل تحت بيتها؟ بباب العمارة بيقول إن دي أول مزة يشوفها، وإنها بخت على المغرب وطلعت العمارة، وهو دخل بيتم على نص الليل وكانت عريتها لسه راكنة. كانت بتعمل إيه الهانم كل الوقت ده وبعدين نزلت بعد نص الليل؟

ووجهت إليه الحديث لأول مزة، سائلًا إيهاه ببرود:

- إنت رأيك إيه؟

ثبتت نظارة الشمس المضروبة على أرندة أنفه، وقال بفخر لا يليق بهيته:

-رأيي إنكم هواة! لو خدت بالك يا مبتدئ، هتلacci إن العمارة فيها بنسيون في الدور الثالث. أكيد الهانم طلعت لعشيقها وقضت معاه ليلة ظريفة ما خلصتش غير بعد نص الليل، جه بقى عيل مرفع من بتوع سرقة السيارات وتبيتها عشان يسرق العربية الغالية الحلوة دي، فقاومته ورقطت بالصوت، قام دبها وجري. أنا هالم كل العمال المسجلين وأنفخ أحهم لحد ما يعترفوا.

لم أز تحليلاً أفشل من هذا!

ذاك الأحمق الذي يظننا هواة، لم يتبه إلى حقيقة الظاهر الملقة على المقعد الأمامي للسيارة، والتي يبرز من شبابها الجاني طرف مسطرة هندسية كبيرة، ولا يحتاج الأمر أن تكون شارلوك هولمز عصرك لتستنتاج أن القتيلة طالبة بكلية الهندسة، ربما أنت إلى منزل صديقتها لذاكرا معاً طوال الليل، تم حدث أمر ما جعلها ترحل.

لا أعلم ماهية السبب الذي دفعها للرحيل، ولا يهمني معرفته، لكن ما لا شك فيه أن القاتل

لم يكن غرضه السرقة، لأنه اختار المقعد الخلفي وراء قائد السيارة مباشرة، مما يعني أنه يقصد الفتاة، ولو كان يقصد الحصول على السيارة تحت التهديد، لاختار المقعد الأمامي بجوارها أو لقتلاها خارج السيارة لتسهل عملية التخلص من جثتها وقيادة السيارة فرازاً، خاصة أن المفتاح بالكونتاك特 وأن الضحية ضعيفة البنية ومن السهل تهديدها أو ضربها أو التخلص منها بأي طريقة غير الذبح.

المجرم لم يرغب في فعل أي شيء سوى قتلها.

أُوْبِد نظرية قطر جزئياً؛ أن الفاعل قاتل مأجور. ولكن ما الذي يجعل طالبة جامعية ترتدي «كروكس» أحمر وكبيرة مرسومة عليها «ميكي ماوس» مصدر خطر لأحد هم حتى يدفع لقاتل مأجور ليتهي حياتها بهذه الطريقة الشنيعة؟!

قاطع قطر تدفق أفكاري قائلًا بحماس:

- ما أظنني إن الغرض هو السرقة، اللي قتلاها كان راصدها من ساعة ما طلعت العماره، وأول ما نزلت هووووب، دبّحها. أقولك؟ ممكن تبقى مثلاً مرتبطة بوحدة غني أوّي وأهله حايين يجوزوه لواحدة غنية زيّه أو لبنت من قرائيه، بس هو رافض عشان بيحب القتيلة ومتمسك بيها، فالعليلة قالت تخلص منها عشان...

صاح به صلاح قائلًا:

- إيه يا ابني فيلم «زد قلبي» ده؟!

علق قطر تفسيره الأفلاطوني بين شفتيه، فهو يميل دائمًا إلى تفسير جرائم القتل بطريقة درامية تليق بشخصيته الرومانسية النابعة من أفلام المستويات التي يحفظها عن ظهر قلب. وعلى الرغم من اتفاقي مع نظرية القاتل المأجور، فإبني بالطبع لا أُوْبِد فكرة أنها قاتلت لأنها فقيرة، فسيارتها الـ«ميسي كوبور» تدحض تلك الفكرة العشوائية.

لم أتوقف عن تدقيق النظر في أركان السيارة، بينما أمارس عادتي التي اكتسبتها منذ كنت طفلًا في الشامنة، وهي مداعبة حبة من الليمون الأصفر التضر وتحريكها بين أصابعي بمنتهى دائري يساعدني على التفكير بصفاء ذهن.

- سيادة النقيب لمونة.

التفت إلى صلاح السمج الذي نبهته مرات عديدة لا يشادي بي بذلك الاسم اللزج، وزرفت ولم أجبه فأعاد التدام:

- إنت يا ابني.

توقفت عن مداعبة الليمونة، ثم سأله بجدية:

- إنت عندك كام سنة يا صلاح؟

تعجب من السؤال، وأجاب بابتسامة صفراء:

- جاييل عروسة ولا إيه؟!

ثم ضحك كالكلب العاوي، وأكمل بسخافته المعهودة:

- أربعة وتلاتين سنة يا ابني.

- طول ما إنت تحت الخمسين سنة، ما تقوليش «يا ابني» دي تاني!

- اتضاعيق عشان باقولك يا ابني؟!

وصاح بأداء مسرحي منادياً شخصاً غير موجود:

- هات ياض بوكيه ورد ودبوب أحمر نصالح بيه سيادة النقيب لمونة عشان انقمص.

عاد إلى الضحك بسخرية، فتمتّمت ضاغطة على ضروري:

- عيل ممشش!

همس قطّن:

- هييجي يوم أظرفه بوكس يوّقع شبه ده!

قلت بفون:

- طب يا صلاح باشا، حضرتك مسيطر وحاطط إيدك على خيوط القضية كلها ومش

محاج اتنين هوارة زينا، نتكل إحنا على الله بقى. صباحك مربى.

- اتكلوا، إنتو مفيش منكم رجا.

كمارد خرج بفتة من مصباحه، ظهر أمامنا بباب عمارة خمسيني، بجلباب رمادي، يركض

مذعوراً تجاه سيارة الشرطة الزرقاء صارخًا:

- يا باشا! يا باشا! الحقنا يا باشا!

زعق فيه صلاح بعصبية:

- إيه يا ابني إنت؟! بتصرخ زي البقرة كده ليه؟!



- مصيبة! مصيبة يا باشا!

أشار لنا صلاح بعجرفة قائلاً:

- شوفوا الزفت ده عايز إيه.

اعتعرض قطز:

- نشوف إيه؟ إحنا خلاص ماشيين، أبعت معاه الأمين.

رد صلاح بحزن:

- مش سيادتكم عايزين تترقو وتبقوا باشوات؟ اتفضلوا شوفوا شغلكم!

تدمر قطرز:

- بس إحنا من إمبارح ما...

قاطعه صلاح تالياً ما يحفظه من قانون هيئة الشرطة كالبيغاء الأجرب:

- يلتزم ضابط الشرطة بتنفيذ ما يصدر إليه من أوامر بدقة وأمانة.

زفر قطرز وتمتن منهزاً:

- الله يحرقك إنت والسطرين اللي مش حافظ غيرهم!

التفت إلى البؤاب المذعور وسألته بفتور:

- موضوعك إيه على الصبح؟

- أستاذ طه عبد الطيف، ربنا نزل عليه لعنته!

قال قطرز وقد نفد صبره:

- إنت لسه هتشوّقنا؟! أخلص! طه زفت ده ماله؟

- اتبحري يا باشا!

لقد خانه التعبير، طه عبد اللطيف لم يت弟兄، بل هو...

حسناً، أنا عاجز عن وصف ما أراه بعيوني، فلو حكاها لي أحدهم لسخرت منه، ولو رأيته في فيلم لوصفته بالخيال العلمي الرخيص.

\* \* \*

صعدنا مع البواب إلى عمارة جروبي التي ظل قطر يتأمل سلامتها وأبواب شققها متهدّة عن فن «الارت ديكو» المعماري، فيما كان الجيران ينزلون إلى أشغالهم والطلاب إلى مدارسهم، بينما البواب يقص علينا ما اكتشفه بأنفاس لاهنة:

ـ الاستاذ يبصحي كل يوم الساعة ستة، يسحب الجرنال، وينزل يفطر، بس النهارده الساعة جت سبعة والجرنال لسه على عتبة الباب. خبطة عليه ما فتحش. خفت ليكون جاتله غيبة السكر تاني، ففتحت الباب و...

قاطعت حكايته متسائلاً بجفاف:

ـ فتحت الباب إزاى؟

ـ بالمفتاح يا باشا. أصل من ساعة الاستاذ ما جاتله غيبة سكر، إداني مفتاح شقته عشان يعني لو حصله حاجة أدخل الحقة، أصل التوبة اللي فاتت كان...

اعترض قطر حديثه مستوضحاً:

ـ هو عايش لوحده؟

ـ طليقته عايشة في فرنسا مع ابنه بقالها ييجي تلاتين سنة، وعمرها ما زارتة. وصلنا إلى شقته في الدور الثاني في آخر الطرفة، لنجد الجرنال ملقى عند عتبة الباب فوق الدواسة الخشنة الصفيرة.

دخلنا الصالة الواسعة التي تعج بالانتيكات الموضوعة بعشوانية. لو رأت جدتي ذلك المنظر الفوضوي لاشتاطت غضباً من هذا الإهمال. وفور أن دخلت غرفة النوم في آخر الممر الطويل، نسيت كل الانتيكات والتحف المبعثرة؛ فما رأيتها كفيل بأن ينسني اسمياً

فاحت رائحة مميّة من هذه الغرفة التي يغلب عليها اللون الأبيض، ذات التوافذ الكبيرة المفلقة، والستائر الحريرية المسدلة، والسجاد الإيراني دقيق الضبع الذي يغطي أرضيتها،

و فوقه سرير غطاءه أبيض بجواره كرسى محترق.

فوق مسند ذلك الكرسى كف متحركة، في إحدى أصبعها خاتم ذهبي مميز، وعلى مقعدة الكرسى المبطنة رماد متثور، وعلى طرف ظهر الكرسى رأس رجل مقطوع أكل اللهب تفاصيله، ويستند هذا الرأس، الذي تلاشت ملامحه، إلى خاتط كتب عليه بدهان أحمر وبخط اليد جملة واحدة: «الله أكبر!»

\* \* \*

أتى فريق البحث الجنائي فضمموا مثلنا.

كيف يمكن لأحد هم أن يحرق إلى درجة أن يتحول إلى رماد . عدا كفه ورأسه . ولا يهم شيء في شنته سوى كرسيه الذي طالته حروق جانبية؟! ليس هنا فحسب، لا توجد أي آثار لاقتحام المنزل، فالنوافذ كلها مغلقة، والباب لم يصبه خدش، والبواپ دخل بالمفتاح، أي أن من ارتكب هذه الجريمة يملك مفتاحا!

كثرت علامات التعجب وتصاعدت في عقلِي، لكن أكثر ما أثار تعجبِي واستفساري، بخلاف من ارتكب الجريمة، هو كيف ارتكبها؟!

\* \* \*

- ده غضب ربنا!

هكذا أجاب الجار المسن القاطن بالشقة المقابلة لشقة المجنى عليه، لاقابل جملته باستنكار:

- يعني إيه؟!

- يعني واحد ملحد عقال يتتطسط على القهاوي والصالونات الثقافية، ومخصص الجنال بتاعه للكفر، قال إيه مفيش حاجة اسمها ربنا والكون ماشي بالفيزيَا والكميَا! طب تقدروا بقى يا باشوات تفهموت بالفيزيَا والكميَا، الرجال ده اتحرق واتتحول لرماد إزاى؟ الجسم يحتاج حرارة ما تقلش عن ١٥٠٠ درجة مئوية عشان يوصل للحالة دي، أنا كنت دكتور في كلية علوم وباقولك درجة حرارة دي دي كانت فجرت العمارة كلها مش جسمه بس وبباقي البيت مفيهوش خدش! دي قدرة القادر

لم تختلف أقوال المسن عن غيره، جميعهم أكدوا أن طه عبد اللطيف صاحب جريدة «المعارف» اعتاد نشر أفكاره الملحدة في لقاءاته بالقنوات التلفزيونية، بل إنه ألف كتاباً نشره في لبنان وبعض الدول الأوروبية ينفي وجود الله، ويؤكد أن الاديان ما هي إلا كذبة اخترعها

الأولون لحكم الأمم وتفييب الشعوب.

لذا، لم أتعجب حين أقسم الجميع، من بؤب العماره حتى أستاذ الجامعة المقيم فيها، أن ما حدث لطه ما هو إلا انتقام الله العزيز الجبار.

انتهى كلانا من استجواب الجيران، ليوضح قطز تطابق أقوالهم معلقاً:

- محدث سمع صريرخ، ولا شم ربيحة شياط، ولا شاف دخان، ولا لمح حد غريب داخل أو خارج!

\* \* \*

وضعت يدي عند خصري ناظراً إلى غرفة نوم القتيل، وقد أخذنا الكرسي بما عليه من رماد ورأس محروق وكف متتحمة، ولا يزال رجال البحث الجنائي يململون أي أدلة، حتى أتني حسني المستكاوي - أمهير رجال البحث الجنائي - قائلاً بتور:

- مفيش أي مسببات للحريق، لا تسريب غاز، ولا ماس كهربائي، ولا بنزين مدلوق، ولا غقب سيجارة، ولا شمعة، ولا حتى مركبات فسفور في الحيطان أو الدهان تسبب الحرائق المتبلي

ده!

- طب وال بصمات؟

- لسه بترفعها، بس...

حك رأسه الكبير ثم قال:

- الموضوع فيزيائياً مستحيل! درجة حرارة الأوضة عادية جداً، الإزار معليهوش بخار، مفيش أثر لهاب الحرائق على أي حاجة من الحاجات البيضا اللي في الأوضة، الأوضة مليانة حاجات معدنية كانت المفترض تسيبح! الرجل ده اتعزّز لدار ما تقلش حرارتها عن ١٥٠٠ درجة عشان يتحول لرماد كده. حرارة زي دي المفترض تخلي جمجمته تتتمدد أو تنفجر، لكن جمجمته سليمة! ملامحه اتحرقت، لكن لحمه ما وقعش! وحتى الخاتم الذهب اللي في صباعه ما انصرهش! إزاي يتحول لرماد وما يتباشاش منه غير كف وراس؟! من الواضح كده إن ده...

قاطعه بضجر:

- إوعي تقولي إنت كمان إنه غضب ربنا.

- ليه لا؟ ما سمعتش عن البنت اللي حرق القرآن فربنا لعنها واتحولت لمعزّة؟ ولأ الواد...

- هو إنت من النوع اللي بيدخل يعمل لايكات لبوستات مكتوب فيها «تحدى يهودي أن  
أجمع مليون لايك»، و«لن تصدق منظر قطة تؤذن»، و«ديك يوم المصلين»، والجو ده؟  
- إنت بتتريق؟ هو ربنا مش قادر يولع في حد أهانه؟ إنت مش مؤمن بقدرة ربنا؟  
- يا عم إنت هتكفّرنا؟ أنا مؤمن بقدرة ربنا وعقابه، بس زمان المعجزات انتهى، والكلام ده  
يحصل في الآخرة.

- وفي الدنيا كمان، عشان نبقى عبرة لغيرنا.

قاطعه قطر متفلسفًا:

- لا مؤاخذة يعني، ما أوروبا كلها ملحدين، إشمعنى طه بالذات اللي ببقى عبرة؟!  
توقف حسني قليلاً ثم كاد أن يجيب لكنه تدخلت:

- هو ربنا يوم ما يعاقب حد هيكتب على الحيطه الله أكبر؟ الموضوع فيه لعبة.  
- طب اتفضل يا سيادة النقيب فسرهالي!

نظرت حولي ثم سالت قطر:

- البوّاب لسه بره؟

- في الصالة، والمسكري عينه عليه.

خرجنا من الغرفة فهمست لقطر مستعجلاً:  
- لما أذكي واحد في فريق البحث الجنائي بيفكّر كده، الناس اللي على قدها هتقول إيه؟!  
- إحنا لبسنا قضية حلزونية، منك له يا صلاح!

\* \* \*

اتجهنا إلى البوّاب المتوتر الذي انقض من مقعده فور أن رأنا نقترب منه، لكنه جلس  
أمامه عاقداً أصابعه، وقاتلأ بببرة جافة حازمة:

- مين اللي عملها؟  
- ربنا يا باشا، ده عقاب.

- ماشي، ماشي، ده عقاب ربنا، مين بقى اللي طبق عقاب ربنا على طه؟  
- والله ما أعرف يا باشا. الناس كلها شايفين إن أستاذ طه كافر ولازم يتطبع عليه الحد. لو

كان مات مدبوح ولا مقتول كنت هاقولك تلاقيه عيل متشدد، لكن الموتة دي مش من فعل  
بشر.

فرد كفيه في وجهي مقسماً:

- والغشة دول، دي قدرة الله وحده.

زفرت، ثم فركت عيني قافلاً بقلل:

- طه ده بيعمل إيه في يومه؟ بيروح فين؟ يقابل مين؟

- بيصحى الساعة ستة، ياخد الجنال وينزل يفطر في جروبي، بس لما جروبي قفل بقى  
بيروح المطعم القديم ده اللي كله إجاز اللي في الشارع هنا و...

قاطعه قطرز:

- مطعم ريش؟

- أيوه يا باشا. بيفطر ويروح مكتبه في شارع التحرير، بعدها يتغدى ويرجع ينام من  
الساعة ستة للساعة تمانية، وعلى تسعه كده بينزل يقعد على القهوة اللي ورا مطعم ريش أو  
يروح صالون المتنقفين وما يرجعش قبل الساعة حداشر أو اناشر بالليل عشان ينام على  
طول.

- فيه حد بيتردد هنا على بيته؟

- عمري ما شفته قريب ولا حبيب، ما كانش فيه غير أخوه وده مات من بيجي عشر  
ستين.

سأله قطرز متناهياً بطريقة لا تليق بهيبة التحقيق في قضية تفحص شخصية عامة:

- فيه أي حاجة غريبة حصلت إمبارح؟

- أبداً يا باشا. أنا قمت من مكانى الساعة اتناشر، والاستاذ وصل على حداشر وكان شكله  
مبسط أوي، ده حتى كان ماشي ينددن للست.

- فيه حد تاني معاه مفتاح الشقة دي غيرك؟

- الله أعلم، بس...

صمت مفكزاً، ثم اضطرب فقال:

- هو سعادتك شاكك في يا باشا عشان معايا المفتاح؟ طلاق ثلاثة ما عملت حاجة، وربنا

المعبود أنا في العمارة دي بقالي خمسة وأربعين سنة ما حد شاف مني حاجة وحشة، وحتى الاستاذ نفسه بالرغم من كفره كنت حاطه فوق راسي، أنا باعامل الناس كلها واحد...  
.

- ما خلاص يا عم! سد ينكل ده!

نهضت قائلًا، وقد رافقني قطر:

- تعالَ نص على الأماكن اللي بيروحها، يمكن نطلع بأي معلومة حزينة!

\* \* \*

بدأنا كما اعتاد طه أن يبدأ يومه، فاتجهنا إلى مطعم ريش سيزا على الأقدام.

كان مطعماً عتيقاً يشبه صندوقاً زجاجياً كبيراً موضوعاً في إطار خشبي عملاق تنسدل على جوانبه ستائر بيضاء. فور أن تدخله، سللت نظرك تلك الملصقات القديمة، وعبارة «اللي اختشوا ماتوا» المكتوبة بالاحمر بجوار مجموعة كبيرة من الإعلانات عن ندوات وجلسات ثقافية متعددة.

وقف قطر عند الباب متأنلاً السلم النحاسي الجاني، ثم تتمم لي قائلًا:

- تعرف إن أيام ثورة ١٩١٩ كانوا عاملين مطبعة هنا بتطبع المنشورات اللي...

قطاعته بنفاذ صبر:

- تعرف تسكت!

استقبلنا عند الباب جرسون داكن البشرة، يرتدي قميضاً أبيض وصديريةً أسود و«بايبون» أبيضاً.

اقترب منا قائلًا بلامتح متحفظة:

- صباح الخير.

قلت بهدوء:

- التقىب نوح الألفي من المباحث الجنائية.

ارتبك الجرسون وقال:

- خير سعادتك؟

- أنا بأسأل عن الاستاذ طه عبد اللطيف و...

- هو لسه ما جاش بس...

قاطعه قطر:

- مش هبيجي. طه اتقتل.

انقضت ملامح الجرسون الكهل، وتحفظت عيناه وسط هذا الكم المهول من التجاعيد حولهما، وقال:

- يا حول الله، الله يرحم... ولا بلاش.

- ما تجوزش عليه الرحمة ولا إيه؟

- آديه قابل ربنا اللي كان بيذكره. مين اللي عمل فيه العملة دي؟

- هنعرف. هو جه هنا إمبارح؟

- أيوه، كان متعدود بييجي كل يوم يقطر مع ضيوفه.

- يطلعوا مين ضيوفه دول؟

- بهوات من اللي بيطلعوا يزعقوا في البرامج.

- يعني بييجوا يقطروا سوا وبس؟ ما بيتكلمواش في حاجة؟

- مش بيكلموا كبير. بيسلمهم ويستلم منهم جوابات، وبعدها يقطروا ويمشوا.

سؤال قطر:

- جوابات إيه؟

- ما أعرفش. أظن حاجات تخص الجنال بتاعه. هو صاحب جرنال كبير ورثه عن أبوه. أنا كنت تعلق أقرابه بس بعد ما بقى بيخوض في دين الله بطلت أجبيه. حاكم أنا أعرف الاستاذ من أيام ما كان بييجي مع أيوه، كان راجل يتحفظ على الجرح يطيب، والعيبة ما تطلعش منه، لكن نقول إيه، يخلق من ضهر العالم فاسد!

استفهم منه قطر:

- إنت شايفه وحش أوي كده؟

- الاستاذ طه كان كوييس لحد ما سافر فرنسا، حاله اتغير، ولما رجع بقى يقول حاجات غريبة اتعلمتها من بلاد بره، ومشي في خط الكفر لحد ما غاص في الوحل، وبقى كل ليلة

يدب خناقة على القهوة اللي ورانيا بسبب أفكاره دي.

- اتخانق إمبارح مع حد معين؟

- ما أعرفش، أنا ما باقعدش على قهاوي.

- طب إمبارح كان معاه حد على الفطار؟

- آه، الرجل اللي اتخانق معاه ده في التلفزيون.

- راجل مين؟

- رجل الأعمال ده اللي اسمه منصور الباز. طه كان طالع أستغفر الله العظيم يدافع عن حقوق الشواذ، وقال إيه من حقهم يتتجوزوا رسمي زي ما بيعملوا في أمريكا. جه الاستاذ المحترم منصور الباز متصل على الهوا ومسح بكلماته الأرض، وقاله إنت بتبوّط الشباب، مش كفاية بتندعوا للإلحاد؟ كمان اللشندود؟ ساعتها أنا اتبسطت أووي منه، بس لما لاقيتهم مكتبة بيت الحضرات تاني يوم سمعت على سلسلي وبيفطروا مع بعض وبيضحكوا، عرفت إنها تمثيلية، ولعنتهم هم الاثنين.

- كانوا بيتكلموا عن إيه؟

- أنا سمعي على قدي، بس الظاهر في الأول كانوا شائين في الكلام، والاستاذ منصور بيكلمه من تحت ضرسه، بعدها اتصالحوا وهزروا واتعازموا كمان على مين اللي هيدفع.

حكت ذقي قائلًا:

- وطه سلمه أو استسلم منه أي ظرف؟

- لا، فطروا ومشدوا.

\* \* \*

قررنا أن نقسم أنفسنا.

ذهب قطز إلى مكتب طه في شارع التحرير ليتحقق من أمر الأظرف التي اعتاد أن يسلّمها ويستلمها، بينما ذهب إلى المقهى الذي كان يوفقاً ما حديقة شاء القادر أن تتحول إلى شارع ضيق مبلط تعرّض فيه الكراسي والطاولات البلاستيكية الزرقاء التي توضع عليها المشروبات.

تحدّثت مع صبي المقهى عن طه، ولم يقل ما يخالف كلام الجرسون في مطعم ريش،

لكنه أضاف أمراً مهفاً:

- إمبارح الاستاذ عزت اتعصب عليه و...

- عزت مين؟

- شاب ملتزم بتاع ربنا ساكن في العمارة دي.

وأشار إلى العمارة الموجودة في آخر الممر.

- شد إمبارح مع الاستاذ عشان هو زودها حبتين. عزت جادله بالتي هي أحسن، بس هو رد عليه بيرود وفضل يستفزه، فكان هيمد إيده عليه وبقى يقوله هتحل عليك لعنة الله، لكن إحنا طبعاً فرقنا بينهم يعني والموضوع خلص على خير.

- عزت ده اتخانق مع حد قبل كده؟

- لا يا باشا، ده في حالة. دي حتى أول مزة أشوفه متتعصب كده. بس يا بيه ما تدقش، استاذ طه كل ليلة يدب خناققة مع حد، بيقعد معاه خمس ست عيال أستغفر الله العظيم ذيه كده، والباقي مش راضيين عن كلامه. أنا قلت لصاحب القهوة ديك النهار ما يخليش الاستاذ بيجي يقعد هنا تاني عشان المشاكل اللي بيعطلاها وعشان بركة المكان ما تقفلش، بس هو قال يا واد يا كنكة ما دام يدفع حسابه بيقى كل واحد حر.

صمت ناظرها في اتجاه العمارة التي أشار إليها قائلًا إن عزت يسكن فيها، فعلق الصبي:

- بتفكير إنت في عزت يا باشا، صح؟

لم أعلق، فأردف هو:

- مستحيل. مش بس عشان هو شاب عاقل ووحيد أبوه وأمه، لكن كمان عشان إمبارح قبل حتى ما الاستاذ طه يرجع بيته، عزت وقع على الرصيف فرجله اكسرت وإحنا نقلناه على المستشفى.

\* \* \*

لم يكن يكذب، لقد كسرت ساق عزت بالفعل.

استقبلتني والدته وهي تظن أنني زميل له أتى ليطمئن عليه.

لم أكن زائره الوحيد، ففي هذه الشقة الواسعة التي تراصت على حوائطها آيات قرآنية ومسابح عملاقة، وتتوسطت طاولة طعامها مبخرة أنيقة تفوح منها رائحة بخور خانقة،

ووجدت ثلاثة شباب آخرين تقترب أعمارهم من الثلاثين. كانوا على وشك المغادرة بعد أن اطمأنوا على صديقهم السمين الراقد في سريره وبجواره منضدة عليها مصحف ومسبحة إلكترونية.

قدمتني والدته إليه على أنني صديقه، على الرغم من أنني لم أقل ذلك، لكنه رحب بي بابتسامة قائلًا:

- أهلاً وسهلاً، شرفت. تشرب إيه؟

- شكراً.

- لا، لازم تشرب حاجة لحد ما والدتي تحضر الغدا.

- ألف شكر.

انتظرت حتى غادرت والدته، ثم أكملت:

- في الحقيقة أنا جاي أسألك سؤالين.

- سؤالين إيه يا أخ...؟ اعذرني وجهك مش مألف، حضرتك معانا في الجامعة؟

برتبة بيت الحصريات

- لا، أنا النقيب نوح الألفي من المباحث الجنائية.

تغيرت ملامحه واضطرب قائلًا:

- مباحث؟! خير؟!

- أنا جاي أسألك عن اللي حصل مع طه عبد اللطيف.

- قصدك على الخناقة؟ أنا ما مديش إيدي عليه، مسكت نفسي على آخر لحظة وقلت والكاظمين الفيظ وده برضو من سن أبوك وما يصحش. بس الراجل ده قادر على بث الفتنة زي ما الحية بتبيخ سمها!

- عشان ملحد؟

- أنا مش معرض على إنه ملحد، ده شيء بينه وبين ريه، أنا معرض على إنه بيدعوا الجميع للإلحاد علينا. هي العقول ناقصة ضياع وتشتت أكثر من اللي هي فيه؟!

- وطبعاً ده دافع كافي لقتله.

انتفض متاؤها مستنكراً الخبر الذي أعلنته له:

- قتله؟! هو مات؟

- طه مات محروق في شقته، وعشان...

- وعشان أنا متدين ولتحي سيادتك استنرجت إني ورا قتله وجاي تلبسني التهمة في  
بيتي!

- أنا مش جاي ألبسك حاجة. إنت اللي اخانت معااه وهددته والكل يشهد بده.

- والكل برضو يشهد إن رجلي اتكسرت واتنقلت للمستشفى قبل ما الأستاذ يروح

- جايز إنت تروح المستشفى، وتحرض غيرك على إنه ينفذ و...

قطاععني بنيرة متعالية لا تتناسب مع خديه الممتلئين بشكل طفولي:

- باشا! لما يبقى معاك دليل ضد غير دقني، ابقى تعال اقبض علي، آديك عرفت المكان!

سحب مصحفه المجاور وفتحه، وهو ليقرأ فيه وهو يتضمن:

- حسيبي الله ونعم الوكيل.

\* \* \*

لم أعد قادرًا على القاء مستيقظًا أكثر من هذا.  
لِمَنْ بَدَأَ بِيَنْ الْحَصَنِيَّاتِ

حل العصر علينا، فجلسنا في سيارتي «التوير» الحمراء كثيرة الاعطال، نجمع كل ما  
توصلت إليه أنا وقطز من معلومات، نافشين دخان سجائتنا.

قال قطز:

- كل اللي شغالين في جرناه نفس دماغه، شايفين إننا عايشين في مجتمع جاهم  
ومختلف ومتطرف، وإن نابغة زي طه كان مستهدف بسبب أفكاره المستنيرة، وإن شهيد  
الافتتاح الفكري.

نفت دخاني مقططفًا فقرات عنقي المتيسسة وأنا أسأل قطز:

- ما لقيتش حاجة مهمة في مكتبه؟

- كلها كتب فلسفة عن الإلحاد وأفكار سياسية ومسودات مقالات.

- مفيش خزنة ولا درج مقول ولا...

- مفيش غير لابتوب عليه باسورد بعنه للشباب عندنا يفتحوه. بس عايز أقولك الصحافة

شغالة على ودنه، مفيش حد في مصر دلوقت مش بيعمل شير للخبر ويقول الله أكبرا

- إحنا وصلنا لإيه لحد دلوقت؟

- طه له بدل العدو ألف، بسبب...

- بسبب إنه ملحد. يعني دائرة البحث بتاعتنا في المتطرفين اللي عندهم القدرة إنهم يدخلوا شفته ويطلعوا منها من غير ما يقتسموها. بس إزاي فحموه كده؟ وبعدين، إيه حوار الجوابات اللي قال عليها الجرسون دي؟

- ما أنا سألت البت السكرتيرة قالتلي إن هي دي طريقة طه في استلام المصور أو الأخبار من اللي شغالين معاه، وإنه دايما بيدي فلوس في الأظرف.

- مش راكب في دماغي الهرى ده.

- ولا أنا، العملية مقللة من كل حاجة يا نوح. البيت مفيهوش غير بصمات البؤاب وطه نفسه.

- بيقى البؤاب اللي عملها.

- الناس شهدت إنه فضل على القهوة اللي في شاميليون من ساعة ما ساب العمارة في نص الليل لحد أذان الفجر، وبعدها صلى جماعة ونام على روحه في المسجد بعد الصلاة لحد ما الناس صحواه، وراح العمارة وزع الجرائد ونضف العreibيات ومسح السلم، وبعدها اكتشف الجريمة. أنا عصرته أسللة و...

- أومال مين يعني اللي عملها يا قطز؟! أبويا طلع من قبره ولع في سي طه ورجع تاني؟!

- هدي أصايلك، مش ناقصين توتر، بتوع المعمل شغالين شفل من نار، وأكيد النتائج اللي هتطلع هتوصلنا لحاجة. بس عارف إيه اللي هييجتنى؟

- انجز.

- أنا سمعت عن موتة زي دي قبل كده، كونتيسته إيطالية جسمها اتحول لرماد وما اتبقاش منها غير تلات صوایع، وبرضو مفيش حاجة ولعت في قصرها.

- قطز، انزل من العربية!

- باتكلم بجد. ماما حكيتلي الموضوع ده قبل كده، بس مش فاكر كان اسمها إيه.

- طرقع قطز أصابعه قائلأ:

- هو أنا واجع يماغي ليه؟ ما تسألنا أختك، أكيد تعرف عن تاريخ إيطاليا أكثر مني.

وهتفيدنا.

- عارف إيه اللي هييفيدني بجد؟

أحمدت سيجارتي مردفاً:

- ساعتين نوم.

- نوم إيه دلوقت يا نوح؟ إحنا ماسكين قضية بنت ستين في سبعين والعيون كلها علينا  
وإنت تقولي أنام؟!

- فكك، أنا مطبق من أول إمبارح.

- براحتك، أنا مش هانام غير لما على الأقل لأقي خيط نمشي وراه.

- هنلاقي الخيط، وهنمسك القاتل، وهيحل السلام العالمي، بس أنام الأول.

صعدت سالم العماره رقم ٦٠ المطلة على النيل في جاردن سيتي، حيث أسكن مع جدتي منذ أن تزوجت أمي من ذلك الطبيب النفسي اللزج.

فتحت الباب الخشبي التقليل ذا الشراعه الزجاجية، فأثنى صوت الكلبين يبحان في المدخل.

دخلت فشمت رائحة الفراولة التي تعصرها جدتي إحسان الدمرداش البالغة من العمر سبعين عاماً، والتي لا تسمع سوى أغاني «إديت بياف» التي تبعث موسيقاها الباريسية من أسطواناتها السوداء الدائرية في «الجراماфон» النحاسي الذي أهداه لها جدي الراحل أيام خطبتهما، وقد اشتربت باقي الأسطوانات من فرنسا في أثناء بعثة التفوق التي حصلت عليها مع مجموعة من دارسي الحقوق إلى جامعة «السوربون»، لتعود بعدها وقد صارت أستاذ القانون الجنائي بجامعة القاهرة، إلى أن ثوّقى جدي وتركنا مع كلب «جييرمن شيرز» يطلق عليه «روي» وكلبة «جريفون» فرنسيّة بيضاء تشبه علبة المندليل، سقطها جدتي «لولو».

كانت «لولو» الفرنسيّة تناسب شخصية جدتي الفرانكوفونية بشدة، فإحسان لا تتم جملة دون أن تستخدم مصطلحات فرنسيّة لا أفهمها، وتتعطر دائمًا بزجاجة «شانيل<sup>٥</sup>»، وتقدس تصفيقة شعرها الفرنسيّة وصبغتها بدرجة الأحمر الكرزى.

لا ترتدي جدتي سوى الأثواب والبلوزات من الشيفون والتنانير الراقية، ولن تجد في خزانتها ببطولها واحدًا، بل هناك مجموعة من القبعات الأوروبيّة المتنمية إلى حقبة الخمسينيات المنصرمة، ومعظم ملابسها - إن لم تكون كلها - مزركشة بطبيعة التمر البنية.

أخذت «لولو» تقفز أمامي وتستند بقدميها الأماميّتين على ساقي كالملبوسة، وهي تنبّح فور أن دخلت صالة البيت كأنها تعلن لجدتي عن وصولي.

- إنت جيت يا نوح؟

- آه يا تبتة.

تخطيت الصالة ذات الصالون الفرنسي الأنique والتحف المرصوصة بنظام، التي انشغلت الخادمة فكيهة بتنظيفها بالماء والليمون بحرص.

اتجهت إلى المطبخ حيث كانت جدتي تقف أمام الخلاط تمارس هوايتها المفضلة في جمع الفاكهة وعصيرها وتعبئتها في أكياس بلاستيكية ثم إلقائها في المجمد لتتساها لشهور، فتلتفت رائحة الشوم والبقدونس واللحام النين، ثم تراها مصادفة فتخرجها وتعمل على فك

تجميدها كي أشربها أنا بما تحمله من عبق روائح متداخلة غصباً وافتراط.

أسندت رأسي على الثلاجة التي امتلأت بمجسمات ممفوطة لبرج إيفل وقوس النصر وعلم فرنسا وبعض كلمات فرنسية، وقلت:

- فيه إيه يتكلل يا سونة؟

استدارت بوجهه أسود متفحّم جعلني أحفل متممّقاً:

- بسم الله الرحمن الرحيم!

- إيه يا ولد؟! شفت عفريت؟!

- إيه اللي على وشك ده؟

- ماسك القهوة.

صبت الفراولة من الدورق في كوب زجاجي وناولته لي، فقلت معترضاً:

- مش عايزة عصير، أنا جعان.

- الأكل بيجهز.

نظرت حولي متفحّضاً المطبخ السيراميكي الذي تلمع زواياه، وقلت:

- أكل إيه اللي بيجهز؟ أنا مش شايف حلة واحدة على النار.

- هيجهز دلوقت، خد دش ونام شويتين هتصحي تلاقي الأكل جاهز.

- أنا عايزة أكل دلوقت!

- «Chéri»، ده مش بنسيون عشان تأكل وتنام فيه وبس.

- هو أنا نسيت أقولك؟ مش هم اخترعوا البيوت عشان نأكل ونشرب ونرتاح فيها، مش عشان نخترع الذرة.

زفرت لتذكّرني ممن ورثت قلة صبري، ثم أخذت تتممّ وتسبّني بالفرنسية.

نظرت في ساعتها الذهبية الرقيقة التي لا تخالها إلا عند الاستحمام، ثم اتجهت صوب الحمام وبدأت تفرك وجهها بشكل دائري لتزيل ماسك القهوة وهي تصفر ببال رائق.

استسلمت متوجهاً إلى غرفتي التي نظفتها فكيفه وفاحت منها رائحة الليمون.

وفور أن خلعت حذائي وسترتني، وجدت نفسي أغوص في نوم لا سلطان لي عليه.

\* \* \*

هي ذكرى أكثر من كونها حلماً:

أقف في كهف مظلم، في سقفه فجوات يتخالها على استحياء ضوء خافت، ثم أجد مجموعة من البدو متکورين في زاوية قصبة يرتعشون.

أرى ملكاً فرعونيا يطوف حولهم، وفارشاً محارباً على حصانه الأسود يتتجول في دهاليز الكهف.

أشاهد نفسي طفلاً في الثامنة من عمره، أمامي شابة بدوية آية في الجمال، ذات بشرة رائقة، وعيينين واسعتين، وأنف دقيق، وشفتين مكثنتين، وشعر أسود طويل ينسدل حتى خصر دقيق يعلوه ثوب مطرز.

تجشو البدوية الحسناء على زكتيها، وتفتح لي قبضتها لتربني ليمونة صفراء كبيرة نضرة، ثم تهمس لي بابتسامة مشجعة:

- لو رايد الأمان، شق اللمونة يا إنسان، وانطق اسمك، بعد ذكر السلام.

أخذ منها الليمونة وأشقاها نصفين، فيلفتت إلي فجأة كل الموجودين، فأقول لهم بفخر:  
السلام عليكم، أنا نوح الألفي.

فيبتسمون جميعاً ويهزون رؤوسهم مجبيين في صوت واحد:

- وعليكم السلام!

\* \* \*

شعرت بيدين توضعن على عيني بغشامة، وإصبع ثدس في فمي بشقاوة، فاستيقظت من حلمي متضفراً لأجد التوأميين العفريتين ابئي شقيقتي الكبرى نادية يلعبان في فمي وعيئي التي تتخل مفتوحة في أثناء نومي.

- يا ولاد الـ...

ركضاً مقهقحين خارج الغرفة، فجلست على الفراش المقابل للنافذة المطلة على البيل، وقد خيم الظلام على الأفق وترافقست أنوار الباخر العائمة في الهر.

فركت عيني، ومسحت لعابي، ثم تفقدت هاتفي. قطز لم يتصل بعدها خرجت من الغرفة على نباح «لولو» المزعج، فصحت في اتجاه المطبخ:

- ما تسكي علة المناديل دي يا تيطة!

اصطدمت في الصالة بأختي نادية التي لا تشبهني في شيء سوى العينين العسليتين والفمazتين الواضحتين، فيما عدا ذلك فهي شخصية مسلطة، قليلة الصبر، حادة المزاج، على التقيض من زوجها طارق عثمان الذي ولد وترى في الكويت ثم عاد إلى مصر لدراسة الصيدلة في جامعة عين شمس، بينما درست اختي في كلية الألسن قبل أن تعيّن مُعيبة تدرّس مادة «تاريخ الأدب الإيطالي» في قسم اللغة الإيطالية، وقد تزوجا فور أن أنهيا دراستهما ليكونا زوجين مختلفين كل الاختلاف، لكنهما منسجمان كل الانسجام!

الاختلاف بينهما لا يتوقف عند حد أنه فارع الطول وهي شديدة القصر، أو أنه صاحب بشرة داكنة وهي ذات بشرة فاتحة، بل يتجلّى اختلافهما الكبير في كونه شديد الصبر، طويل البال، بارد الأعصاب، دبلوماسي الردود، مبدأه هو «حاضر بتعريج»؛ ويظهر ذلك حين ينفذ تعليمات وأوامر نادية متوجّباً سورات غضبها القادر على جعل حياته أسود من أيام النكسة، ويتجلى الاختلاف أكثر في طريقة تربية أطفالهما الثلاثة: تala، ذات الأعوام الخمسة، والتّوأمرين يحيى (على اسم والدي الشهيد) وباسمر، ذئبي الأعوام الثلاثة؛ فنادية تضمّن كل الأمور فيما يتعلق بصحة الأطفال وتفوقهم وتميزهم، وتتصحّر بهم كالمحظوظة إذا أخفقوها في أمر أو تعدوا حدود اللياقة التي لا يفهمونها بعد، بينما طارق يظل يتابع الأفلام الوثائقية على «ناشيونال جيوغرافيك» و«نتفليكس» بباب رائق.

مررت سبعة أعوام على زواج نادية وطارق، وما زلت لا أرى قاسفاً مشتركاً بينهما سوى أن كلاًّ منهما يرتدي نظارة كبيرة، ويحب صوت «بافاروتي» الأوبرالي، ويدمن القرفة بالحليب، وأنهما معاً يؤلفان روايات بوليسية مشتركة حازت نجاحاً لا بأس به.

. كنت لسه ها صحيحك.

قالتها نادية وهي تخرج من المطبخ بأطباق الكسكسي بالخضار، ولحم الضأن.

. عيالك الشياطين كانوا بيعبوا في خلقتني!

جحظت عيناها، وتتطاير منها الشرر في اتجاه الطفليين اللذين يحاولان امتناعه «روي» المستسلم لهما وكأنه حسان، ثم صرخت فيهما:

. بتعلموا إيسبيسيه؟ أنا مش قلت نقدر محترمبليس؟! تعالوا هنا!!!!!!

خرجت تala، التي ورثت من أمها عمازتها ومن أبيها بشرته الداكنة وشعره الكثيف، من المطبخ، وركضت نحوه بحماس طفولي يحرك في داخلي غربزة أبوية لا تصحو إلا في

وجودها الملائكي:

- نووووووووووووووح!

حملتها عن الأرض وقبلتها مداعبها ضفيرتها المشدودتين:

- حبيبة قلبي، مربى بالتوت يا ناس!

ضحكـت ثم همسـت في أذنـي:

- چـبتـليـ الـحـلوـيـاتـ الـليـ قـلتـكـ عـلـيـهـ؟

أجبـتهاـ هـامـشـاـ كـفـهـزـيـ الجـمـارـكـ:

- چـبـتهاـ الجـوـ أـمـانـ عـنـدـكـ إـنـتـ؟

. أـمـانـ.

قالـتهاـ غـامـرـةـ،ـ بـيـنـماـ صـاحـتـ نـادـيـةـ:

- بـتـتوـشـوـشـواـ عـلـىـ إـيـهـ؟

قـبـلـتـ تـالـاـ ثـمـ أـنـزلـتـهاـ عـلـىـ الـأـرـضـ قـائـلـاـ:

- خـلـيـكـ فـيـ حـالـكـ!

لو عـلـمـتـ نـادـيـ أـنـتـيـ أـشـتـرـيـ لـأـطـفـالـهـ الـحـلوـيـ الـتـيـ تـمـنـعـهـ عـنـهـمـ لـشـنـقـتـيـ فـيـ مـيدـانـ عـامـ!

خرـجـتـ جـدـتـيـ حـامـلـةـ صـحـنـاـ كـبـيـزاـ مـنـ لـحـمـ الـضـأنـ،ـ وـقـالـتـ نـادـيـةـ:

- مـاـ تـنـادـيـ عـلـىـ جـوـزـكـ الـبـرـطـةـ دـهـ يـشـيلـ مـعـانـاـ!

صـاحـتـ نـادـيـ بـصـوـتـهـ الحـادـ:

- طـارـاـ|||||اـقـ.

- حـاضـرـ.

خرجـ طـارـقـ مـنـ غـرـفـةـ الـمـعـيـشـةـ فـيـ تـوانـ،ـ بـاـتـسـامـتـهـ الـبـلـاهـاءـ،ـ وـالـتـيشـيرـتـ الـبـولـوـ الـأـسـوـدـ الـذـيـ لاـ يـرـتـديـ غـيرـهـ،ـ وـالـكـروـكـسـ الرـمـاديـ وـتـحـتـهـ الشـرـابـ الصـوـفـيـ الـأـيـضـ،ـ فـنـظـرـتـ جـدـتـيـ «ـفـاـشـونـيـسـتاـ»ـ إـلـىـ قـدـمـيـهـ قـائـلـةـ باـسـتـكـارـ:

- الـبـاتـاعـ الـبـلاـسـتـيـكـ الـلـيـ يـتـلـبـسـوـهـ دـهـ يـبـحـرـقـلـيـ دـمـيـ!

- يا تيحة ده حاجة في الإنجاز، أنا ساكن في الشارع اللي قدامك، هاجيلك بتوكسيدو يعني؟!

قالت من تحت ضرسها:

- أهو ده اللي إنت فالح فيه، الاستظراف، هات باقي الأطباق، نوح على لحم بطنه من الصبح.

\* \* \*

تجقعننا حول السفرة، ولم يتوقف التوأمان عن تبادل الفرص والذكاء تحت ستار المفرش، وتلا تسالني كل دقيقة عن موعد تسليم البضاعة المهرية، وجدتي تأكل من طرف الشوكة بأناقة، بينما طارق يلتهم الكسكسي بنهم، «فتزعده» نادية بموقفها وتقول بصوت يشبه الفحيح:

- بالراحة! مش آخر زادك!

التفتت إلى نادية بمحامين لا تراه يلمع في عينيها إلا حين تتحدث عن جرائم القتل، وقالت:

- شفت يا نوح خبر موت طه عبد اللطيف؟

- شفته؟! دا أنا اللي متدينس في القضية!

أمسكت نادية وطارق عن الطعام، وتبادل النظرات كالمتأمرين، وإذا بطارق يقول لي باسم التغر متحمسا حماس الدهاء:

- قول والله!

- إنت عبيط ولا إيه؟!

قالت نادية بحماس مشابه:

- إنت مش فاهم، دي عالمة من عند ربنا. أنا وطارق كنا بنفكرون كتب روایة عن الموت بالـ«SHC».

- الموت بيأيه؟!

أجابني طارق بطريقة علمية:

- الاحتراق الذاتي البشري، دي حالة نادرة جداً. في خلال القرنين اللي فاتوا، ما اتسجلش

غير حوالي ميتين حالة بس ماتوا بسببها، زي طه كده.

تركت الطعام، وقلت بفضول:

- وضحلبي.

- الموضوع ببساطة إن واحد يموت محروق بدون ما المكان المحيط به يتأثر، الإنسان بيكون هو مصدر الحرقة، هو الفتيل، بيفضل يتحرق بشكل عمودي لحد ما يبقى رماد، وده بسبب إن الدهون المتخزنة في جسمه بتبقى عاملة زي البنزين اللي مستني شارة صغيرة تولعه، ومفيش شيء بيتحرق غير الإنسان نفسه أو أي شيء يلمسه وهو...

- اللي إنت بتنقوله ده كلام علمي يا طارق، ولا فانتازيا بتالفوها؟!

أسرعت نادية مدافعة:

- طبعاً كلام علمي. لو دورت على النت عن ظاهرة الاحتراق الذاتي البشري، هتلقي قصص ناس حقيقة، زي الفارس بولونوس فورستيروس لما شرب كمية كبيرة من النبيذ وبعدها ولع سيجارة واحدة فاتحرق، والأرملة ماري ريزر، والكونتيسة الإيطالية كورتيليا دي باندي اللي اتحولت لرماد وما اتبلاش منها غير...

أسرعت بمقاطعتها قائلاً:

- تلات صواريخ! قطر حكالي عن الحوار ده!

. الموضوع مثير أوي للاهتمام، ومحدثش كتب عنه قبل كده.

- لأنه حاجة ما يستوعبهاش العقل!

. عندك حق. في العصور الوسطى كانوا بيفسروا الموضوع ده على إنه سحر أسود من كثر

غرابته، ودلوقت...

مقاطعتها ساخزاً:

- دلوقت بيقولوا إنه غضب ربنا على طه الملحد الزنديق!

علق طارق:

- اللي يشوف الموضوع من بعيد هيتفكر كده، خصوصاً إنه قبلها بيبجي أسبوع طلع في التلفزيون مع شيخ وقاله لو ربنا يتعاك ده متضايق من اللي باقوله خلية يرد على بنفسه!

قالت جدتي بعد صمت طويل كانت تتابع فيه الحديث بترفع:

- وأهـو ربنا دـا

الـفت إلـيـها مـسـتـغـرـبـاـ

- إـنـتـ فـعـلـاـ مـصـدـقـةـ يـاـ سـوـنـةـ إـنـ دـهـ غـضـبـ رـبـنـاـ؟ـ

- واحد يموت موته بشعة زي دي، وما يلاقيش اللي يتعاطف معاه، ولا اللي يدعيله بالرحمة، أطن إن ده أكبر غضب من ربنا ممكن ينزل على حد!

فكـرـتـ فـيـ كـلـامـهـمـ،ـ تـمـ وـجـهـتـ مـسـؤـالـيـ إـلـىـ نـادـيـهـ وـطـارـقـ:

- لو افترضنا إن الكلام ده صـحـ،ـ وإنـ الجـسـمـ هوـ الليـ يـتـحـرـقـ وـيـعـمـلـ الـحرـارـةـ ديـ،ـ فـإـزاـيـ إـيـدـهـ وـرـاسـهـ يـفـضـلـواـ سـلامـ؟ـ

أـجـابـنـيـ طـارـقـ:

- غالـبـاـ الـاـيـدـ وـالـزـجـلـ يـيـتصـابـوـ بـحـرـوقـ وـيـنـفـصـلـوـ عـنـ باـقـيـ الجـسـمـ،ـ لكنـ مشـ يـتـحـولـواـ لـرمـادـ عـشـانـ دـولـ أقلـ منـطـقـيـنـ فـيـهـمـ دـهـونـ.

- يعنيـ الـدـهـونـ وـالـشـخـنـ شـرـطـ أـسـاسـيـ لـلـمـوـتـةـ ديـ؟ـ

- مـعـظـمـ الـلـيـ يـيـمـوتـواـ بـالـطـرـيـقـةـ ديـ يـيـبـقـواـ ثـخـانـ،ـ وـكـبـارـ فـيـ السـنـ،ـ وـيـشـرـبـواـ كـحـولـ كـتـيرـ،ـ ومـدـخـنـيـنـ،ـ وـنـامـواـ وـتـسـيـيـواـ السـيـجـارـةـ فـيـ إـيـدـهـمـ أوـ مـثـلـاـ كـاتـتـ فـيـهـ شـمـعـةـ جـنـهـمـ فـوـلـعـواـ.

- طـبـ لوـ مـفـيشـ دـهـ وـلـاـ دـهـ؟ـ

- أـكـيدـ فـيـهـ حـاجـةـ تـانـيـةـ.ـ لـازـمـ يـكـونـ فـيـهـ شـيءـ،ـ حتـىـ لوـ شـزارـةـ مـنـ أـيـ جـهـازـ كـهـرـيـانـيـ أوـ مـوـبـاـيـلـ مـثـلـاـ،ـ سـبـبـ حـرـقـ الـدـهـونـ وـالـأـعـضـاءـ الدـاخـلـيـةـ وـمـنـ بـعـدـهـ يـدـوبـ الـلـحـمـ وـ...

صـاحـتـ جـدـتـيـ مـفـتـعـضـةـ:

- إـيـهـ الـقـرـفـ الـلـيـ بـتـقـولـهـ عـلـىـ الـ«table»ـ دـهـ!ـ كـلـواـ وـإـنـتـوـ سـاكـنـينـ!

\* \* \*

جلستـ معـ نـادـيـهـ وـزـوجـهـاـ اللـذـيـنـ أـسـهـبـاـ فـيـ الـحـدـيـثـ عـنـ هـذـهـ الـظـاهـرـةـ،ـ ثـمـ أـسـرعـ طـارـقـ إـلـىـ شـقـتـهـ لـيـحـضـرـ الـلـاـبـتـوبـ،ـ وـجـلـسـتـاـ نـحنـ التـلـاثـةـ نـتـنـاقـشـ فـيـ الـأـمـرـ.

عـرـضاـ عـلـىـ كـلـ ماـ جـمـعـاهـ مـنـ مـعـلومـاتـ وـأـخـبـارـ عـنـ حـوـادـثـ مـشـابـهـةـ،ـ ثـمـ وـضـعـنـاـ مـعـاـ قـائـمةـ بـالـعـلـامـاتـ المـشـترـكـةـ بـيـنـهـاـ وـأـسـبـابـ حـدـوثـهـاـ.

بعـدـ مـضـيـ بـعـضـ سـاعـاتـ مـنـ الـبـحـثـ الـموـشـعـ،ـ اـتـصلـتـ بـقطـرـ الـذـيـ أـجـابـنـيـ بـصـوـتـ يـمـتلـئـ نـعـساـ

وارهاقا، فسألته:

- إنت ما روحتش كل ده؟!

- لا، مستني حد يعبرتني من البحث الجنائي.

- طب أنا تقرينا حطيت إيدي على خيط كده، فيه حاجة اسمها «أثر الفتيل».

- مش فاهم!

- الكونتيست اللي إنت قلت عليها دي ماتت بحاجة اسمها «الاحتراق الذاتي البشري»!

ظاهرة بتخلّي الإنسان عامل زي الفتيل، يتحرق بشكل عمودي لكن ما يحرقش اللي...

تناءب كالذب قائلًا:

- أنا مش فاهم حاجة!

- ما إنت بقالك يومين صاحي فأكيد مش هتفهم حاجة. بص، هاديك كام حاجة تسأل عنها

بتوع البحث الجنائي وروح نام وأنا هاكم.

أملشه بضعة أسئلة وهو ينصل ويدين حتى تناءب مجددًا بطريقة كادت تفقدني سمعي،

وقال:

- ماشي. وإنتم هتعمل إيه؟

- هاروح أقابل طه نفسه!

أظن أنه قد حان الوقت لأخبارك بالحقيقة الثالثة عن نفسي، شريطة أن تعدني بالألا تتعجل بالحكم على باني مخزف مخبول، وأن تكون صبوزاً وتنصت إلى حدسك، فعلى الأقل إن لم تكون قصتي منطقية فهي حقيقة بلا شك.

في الثامنة من عمري، وهبني الله الحاسة السادسة.

أتذكر أن الأمر حدث خلال إجازة متتصف العام، عندما سافرنا إلى واحة سيوة، وقرر أبي أن نشاهد الشروق من فوق «جبل الموتى»، الذي تشاءمت أمي من اسمه، بينما تحمسن نادية لرؤيتها ودخول المقابر الفرعونية المتراصة عمودياً في باطنها على شكل خلية نحل مرعية.

كان فجزاً يارداً، لكن الملابس الثقيلة التي حشستني أمي بداخلها كانت كفيلة بتحصيني ضد تلك النسمات الخبيثة المتسللة إلى صدري.

وصلنا عند هذه الهضبة العالية التي شميست جبلًا مجازاً، واقترينا من الدرجات الحجرية لنبدأ صعود الجبل المدهش، وبينما راح المرشد البدوي يقتum بمعلومات عن اكتشاف هذه الجبانة الأنثوية مصادفةً في أثناء الحرب العالمية الثانية، حيث احتمى فيها سكان الواحة من غارات الألمان، وعن الأسرات الفرعونية المدفونة بالمقابر، سمعت همساً!

صوت أنتوبي ناعم يناديني باسمي!

نظرت حولي فلم أجد سوى مجموعة من الأجانب المسئين يتمتعون بمنظر الواحة السحري من أعلى الجبل الصخري، فشعرت بالارتياح.

المكان يبدو مخيفاً؛ فتحات المقابر التي تخترق شكله المخروطي تشبه أفواها متلهفة لابتلاع أجساد الموتى المحنطة! ازداد خوفي عندما قال المرشد إنه يُشاع أن جيوش قمبيز ملك الفرس، قد ابتلعتها رمال هذا الجبل ولم يظهر لها أثراً!

انشغلت أمي متمتمة بآية الكرسي كلما سمعت كلمة «موتى» أو «سحر» أو «مقبرة»، بينما كان أبي يشاهد المباني والبيوت البدوية الدقيقة المرصوصة أسفل الواحة ملتقطاً بعض الصور. وكانت شقيقتي تدون كل معلومة يقيها المرشد ذو الجلباب الأبيض، وتقابلها بسيل من الأسئلة الدقيقة المفصلة. وحين تأكدت أنه ما من أحد يراقبني، تسالت من بينهم متبعاً الصوت الأنثوي الذي يناديني.

كان مصدر النداء فتحة مقبرة قريبة من السالم، وقفـت عند طرفها بينما أكمل أهلي

صعود الدرجات ظالمنين أنتي من خلفهم، لكنني بقيت أنظر إلى فتحة المقبرة التي لم أر فيها سوى ظلام يتخلله ضوء خافت يترافق في زاوية قاعها القريب.

ملت لاستوضح مصدر الضوء، فانقلبت ساقى إلى داخل فتحة المقبرة، وكدت أسقط على وجهي لو لا يد خفية تلقطتني، فسقطت على مؤخرتي عوضاً عن وجهي.

و فوق أرضية المقبرة المنخفضة تلفت حولي فلم أجده أحداً، ولم أغادر على مصدر الضوء الحافت الذي كان في الزاوية!

لا أحد سواي في هذه المقبرة الفرعونية ذات السقف المنخفض! نهضت ونفضت الرمال، عني ثم بدأت أمعن نظري.

كانت المقبرة تشبه الكهف الصخري في أفلام الكارتون، خصوصاً أن جدرانها امتلأت بنقوش وصور لبشر برؤوس حيوانات أسفل شجرة مخيفة متشابكة الأغصان أذكر أن أمي أخبرتني أنها تدعى شجرة «الجميز».

فكرت في كيفية التسلق نحو الفتحة كي أخرج من تلك المقبرة العجيبة، لكنني سمعت اسمي ثانية، فاتبعته ذاك الصوت العذب.

مشيت في دهليز مستطيل ضيق، وعلى الرغم من أنني وحيد في جوف ذلك الجبل الموحش فإن روح المغامرة دفعتني إلى الأمام، كأني في أحد أفلام إنديانا جونز التي يجريني قطز على مشاهدتها.

بهذا الحماس الصبياني، سرث وضوء الفجر الخافت يتسلل من فجوات سقف الجبل فيضيء أجزاء من طريفي، حتى سمعت بكاء أطفال وهمسات خاففة، ثم شعرت ببرودة مbagatة، وشممت رائحة مالحة غريبة، ورأيت منتظراً أكثر غرابة جعلني أتوقف وأراقب في صفت: مجموعة كبيرة من الأشخاص يرتدون جلابيب بدوية، يجلسون أرضاً متكونين في الزوايا، ملتصقين بالجدران الصخرية، يرتعشون ويحتضنون أبناءهم ونسائهم في هلع، يططلعون إلى أعلى مسترقين النظر إلى فجوات السقف الصخري التي تخترقها أصوات مخيفة تشبه أصوات الطائرات الحرارية في الأفلام التي أشاهدها مع أبي عن حرب أكتوبر!

نهض من عنف الدوي المقترب، وكان الطائرات ستسقط فوق الجبل، لكن ضجيج المحركات قطعه صهيل خيل، فالتفت لأجد حصاناً أسود، ذيله مجدهل، وشعره مقصوص، وعلى ظهره سرج أنيق دقيق التطريز، يمتطيه فارس يرتدي زياً حربياً معدنياً، وفي يده اليسرى راية مرفقة عليها قرص شمس ذهبي، وفي اليمنى سيف صارم، وعلى رأسه خوذة ثقيلة تنتهي بريشة نعام بيضاء كبيرة.

شق الفارس المحارب الدهليز بحصانه، وعبر من خلال أجساد البدو الخائفين من الطائرات، فاهتزت صورتهم كصفحة بحيرة مضطربة ألقى عليها حجر رشيق، ثم ثبتت الصورة ثانية دون أن يظهروا أي تعبير أو ردة فعل.

لم يلتقطوا إلى الفارس وكأنه لم يعبر من خلالهم منذ لحظة، بل ظلوا يرتدون وينظرون إلى فتحات الجبل كمن يتضرر الموت.

أخذت أرaque ممتطي الحصان الأسود الراکض بالجوار حتى أربعين صباح غاضب، فاستدررت لأجد نفسي على مقربة من باب مقبرة أكثر أناقة ونظافة من تلك التي سقطت فيها.

وقفت عند مدخلها ونظرت إلى جدرانها المزينة برموز ملونة باللون الأحمر، لكنني لم أهتم للنقوش الفرعونية، فقد تعلقت عيناي بالأرض حيث يرقد تابوت حجري مغلق، خرج منه ملك فرعوني عاري الصدر يرتدي حلباً ذهبية من رأسه حتى قدميه.

لا، إنه لم يخرج من التابوت، لم يفتح غطاءه الموصد، بل عبر من خلال بابه الحجري؛ نفذ منه إلى الخارج، ثم وقف على مقربة مني ولم ينظر نحوي وكأني غير موجود بالمرة، ثم نظر حوله بعجرفة ورفع رأسه بغرور ومر من خالي.

شعرت ببرودة مخيفة انتصب لها كل شعرة في جسدي، وتضاعف خفقان قلبي، وتمكن الخوف من بسط سلطانه عليّ، فور أن عبر الملك من خالي، لكنني شعرت فجأة بيد فوق كتفي.

الثالث لأجد شابة بدوية ترتدي ثوباً أبيض ذا كمین وأسعيين، مطرزاً تطريز ملابس بدو الواحة. كانت تحمل في يدها مصباحاً زيتياً تراقص فيه شعلة تعكس جمال ملامحها: بشرتها الرائقة، وعيتها الواسعةين، وأنفها الدقيق، وشفتيها المكتنزيتين، ووجنتيها التفاحيتين، وشعرها الأسود المنسدل حتى خصرها.

اهتزت الخلية الفضية التي تقطن كفها، وراحـت هي تبتسم لي بحنان أذهب عن جسدي القشعريرة والبرودة اللتين خلفهما الملك المغدور. وعندما كلامتني أدركت أنها صاحبة الصوت الذي يناديـني منذ الـبداـية.

- ما تـخافـشـ.

قالـتها وهي تـنـظـرـ حولـهاـ حيثـ الـبـدوـ الـخـائـفـينـ منـ أـصـوـاتـ الطـائـراتـ،ـ والمـالـكـ الـذـيـ يـمـشيـ مـزـهـواـ،ـ وـالـفـارـسـ الـذـيـ يـطـوـفـ بـحـصـانـهـ،ـ تمـ جـهـتـ عـلـىـ زـكـبـيـهـاـ،ـ لـتـهـيمـنـ عـلـىـ أـنـفـيـ رـائـحةـ

الليمون النضر التي فاحت منها حين اقتربت مني هامسة برفق:

- لو رايد الأمان، شق اللمونة يا إنسان، وانطق اسمك، بعد ذكر السلام.

لم أفهم شيئاً مما نطقته، لكنها فتحت قبضتها فرأيت فيها ليمونة صفراء كبيرة نضرة قدمتها لي بابتسامة مشجعة، ففِيلث هديتها ببلاهة الأطفال، وحاولت أن أشقةها كما أرشدتها.

قضمت جزءاً منها بأستاني، لأسهل عملية شقها نصفين، وفور أن شقت نصفين، انبعثت رائحة الليمون اللاذعة، فالتفت كل الموجودين إلى وكأنهم أدركوا وجودي للتّو.

الملك والفارس المحارب والبدو الخائفون، جميعهم ثبتوا أنظارهم نحو، فبدأت عصارة الليمونة تجف كأن روخاً خفيّة تتصها، حتى تغير لونها من الأصفر إلى النبي في ثوانٍ معدودة.

ربت البدوية الجميلة على كفٍي وهزت رأسها في رضا، فاكملت تفاصيل إرشاداتها، واتجهت بشجاعة صوب كل الموجودين، ورفعت رأسي قائلاً بفخر كالمنشدين في كورال المدرسة:

- السلام عليكم، أنا نوح الألهي.

ابتسموا جميعاً وهزوا رؤوسهم مجبيين في صوت واحد:

- عليكم السلام!

غزا المكان ضوء كشاف قوي جعل أرواح المقبرة كلها تتلاشى تدريجياً، حتى صاحبة الليمونة، تم سمعت وقع أقدام يصاحبها صوت أمي تصرخ باكية، وأبي ينادي هلغاً:

- إنت قين يا نوح؟! يا نوووووووووووووووووووووووووو!

اختفى كل شيء عدا الليمونة التي ظلت في يدي، وعرفت يومها أن الليمون له فوائد أخرى غير محاربة «الإنفلونزا» ومعالجة داء «الإسقربوط»؛ إن رائحته تجذب الأرواح، لذلك أبقي واحدة في جيبي كلما أردت الاستعانته بروح هائمة.

منذ ذلك اليوم وأنا أشق الليمون، وألقي السلام، ثم أنطق اسمي كلما رأيت روخاً!

\* \* \*

بعد منتصف الليل اتجهت إلى ميدان طلعت حرب أمام العمارة رقم ٦، فاستوقفتني رؤية روح الطالبة التي ظهرت في سيارتها وتولى قضيتها صلاح الشبكي.

كانت شفافة كسائل الأرواح، ويمكّنك الرؤية من خلالها، ترتدي الملابس نفسها التي قُتلت بها، وتظهر بعد يوم كامل من موتها في المكان نفسه الذي ماتت فيه.

كانت كمعظم الأرواح، لا تعلم أنها ميتة، فقد كانت تقف مكان سيارتها - التي تحفظ عليها فريق البحث الجنائي - وتتلفت حولها في توتر، وكلما مر أحد هم بجوارها تذهب صوبه قائلاً:

لو سمحت، ما شفتش عريبي؟

لكنها لم تجد إجابة، لأنه ما من أحد يراها أو يسمعها، حتى إن شاباً متوجلاً عبر من خلالها دون أن يتبه، فووقة مشدوهة تنظر إلى جسدها الشفاف في هلع.

قد يشعر بعض الأحياء بوجود روح تطوف من حولهم، حيث يশمون رائحة مفاجئة لا مصدر لها، كرائحة الدخان القوي أو العطر النفاذ، أو يحسون بتغير مفاجئ وغير مبرر في درجة الحرارة، لكن أن يروا الأرواح بوضوح، فهذا أمر يحتاج إلى عين أنييرة كالمي حصلت عليها في جبل الموت.

فيها يخص التعامل مع الأرواح، لدى بضع قواعد:

#### القاعدة الأولى

لا تتعامل إلا مع الروح التي يهمك أمرها، لأن الأرواح الأخرى ستظل ملتصقة بك لكونك الوحيـد القادر على رؤيتها، فهي تعاني الوحـدة، ولن تدعك وشأنك، بل ربما طـلبـت منك طـلـبات سخـيفة،

كـأن توصل رسـائل إـلى ذـويـها من الـأـحـيـاءـ، أوـ أن تـنتـقمـ لـهـاـ منـ قـاتـلـيهـاـ.

ولـإـيمـانـيـ المـطلـقـ بـتـلـكـ القـاعـدـةـ، صـفـفتـ سـيـارـتـيـ عـلـىـ جـانـبـ الطـرـيقـ وـتـجـاهـلـتـ رـوـحـ الطـالـبـةـ

المـذـعـورـةـ الـهـامـنـةـ عـلـىـ وجـهـهـاـ.

\* \* \*

صعدت داخل عمارة جروبي، فوقف عسكري يؤدي لي التحية، ثم طـلـبتـ منهـ أـنـ يـسـتـدـعـيـ الـبـؤـابـ.

أتـ الـبـؤـابـ لـاهـتاـ، فـسـأـلـهـ:

ـ طـهـ كانـ ثـخـانـ فـيـ الفـتـرـةـ الـلـيـ فـاتـتـ؟ـ

ـ لـأـ يـاـ باـشـاـ، طـولـ عمرـهـ رـياـضـيـ، وجـسـمهـ ولاـ أـجـدـعـهـ شـابـ.

- طب كان بيشرب؟

- قصدك منكر يعني؟ تصدق بالله، مع إنه كان كافر بس لا كاس ولا سيجارة.

ازدادت الأمور تعقيداً، فالكحول والتدخين وزيادة الوزن هي الأسباب الرئيسية للاحتراق الذاتي.

- يعني عمرك ما شفته ييدخن، ولا حتى تقارير؟

- عمري يا ياشا، أصل أبوه مات بالمرض الوحش من نثر السجائر، فكان خايف يموت زيه.

- طب كان بيأخذ متؤم؟

- والله ما أعرف يا ياشا. إنتو لقيتوا اللي قتله؟

- وإنـتـ مـالـكـ! أـخـفـي دـلـوقـتـ وـماـ تـطـلـعـشـ غـيـرـ لـمـ أـنـدـهـلـكـ!

رجل المؤاب، ودخلت الشقة بحذر حتى وصلت إلى غرفة النوم، وقد ترك فريق البحث الجنائي علامات في الغرفة، أهمها علامة على مكان الكرسي الذي ثُغَر عليه رماده.

ارتدت القفاز الطبي حتى لا أفسد موقع الجريمة، ثم نظرت إلى مكان الكرسي الذي كان يبعد عن السرير ببضعة متيمترات.

لو مد طه يده أو حتى رفع ساقه وهو يحترق للمس السرير وأحرقه بالكامل!

لم لم ينهض عن كرسيه وبصرخ ويطلب التجدة عندما أدرك أنه يحترق؟

لو تحرك أو ترتجح لاحتراقت أجزاء من الأثاث، إن لم تكون الغرفة كلها!

في قضية ماري ريز، كان سبب عدم طلبها التجدة من أحد أنها تناولت متوفماً آخر إدراها أنها تحترق، حتى اختفت بفعل الأدخنة السامة وماتت قبل أن تحول إلى رماد منتشر. لكن ماذا عن طه الذي لم يجد فريق البحث الجنائي دواء متوفماً أو مخدراً بين أدويته الخاصة؟!

أخرجت الليمونة الصفراء من جيبي وداعيتها مقركزاً.

إذا كانت ظاهرة الاحتراق الذاتي البشري حقيقة، وتأثير الفتيل الذي يصيب الفتيل يعني أنه يحترق عمودياً، فأدخنة التيران المتقدة ستترك آثاراً على السقف فوق موقع الضحية، لكن السقف كان ناصع البياض تماماً كباقي أثاث وجدران الغرفة!

الأمر لا يتوقف فقط عند كون الغرفة بأكملها لم تمس، بل إن سطح الكرسي نفسه أصبح بحراق طفيف، ولكن ما أسفله وما فوقه لم يمسا بسوء!

إضافة إلى أن لحم وجه طه لم يذب، بل احترق جلده وظمست معالمه فحسب، وهذا عكس ما يجب أن يحدث لمصابي هذه الظاهرة التي يبدو أنها لا تتماشى مع قضية طه ولا تناسب حاله، فكل من ثوّفوا بتأثير الفتيل ماتوا مصادفة، وليس بفعل فاعل ولا انتقاما منهم!

طه لم يتم مصادفه!

هناك من دبر له هذه الميّة الفحّمة، أحدهم أراد أن يجعل منه عبرة.

\* \* \*

أخذت نفشا عميقاً، وأخرجت السكين الصغير الذي أحضرته معي وشققت الليمونة بعنابة، ثم أبقيت نصفها بيدي، ولفت الآخر في منديل وأعدته إلى جيبي ومعه السكين.

خففت إضاءة الغرفة القوية، واكتفيت بضوء مصباح المنضدة، فالأرواح لا تحضن في الضوء الساطع أو الظلام القاتم. ولو كانت روح طه في شقته - وهي المكان الذي قُتل فيه - فستجذبها رائحة الليمون، وستعطيوني الأمان وتسمح لي بمخاطبتها.

من المفترض أن تحل روحه على الأرض في اليوم التالي، في الساعة نفسها التي قُتل فيها، لكن متى ستظهر تحدیداً؟

توقفت عن الإفراط في التفكير، لأنه عند استقبال روح أحد الموتى يجب أن يكون الذهن صافياً حتى لا تشتبّه الروح التي تود العواصل معها وتخيفها فتهرب منه.

شعرت ببرودة خفيفة حين بدأت الليمونة تجف تدريجياً، فتنظرت حولي ببطء منتظرًا أن أرى طه. واحتدّت البرودة مع تغيير لون الليمونة، ثم فاحت رائحة عطر قوي.

استحضرت ذهني، ولم أبعد عيني عن النقطة التي أنظر إليها، وتجاهلت تلك القشريرة والرجفة الداخلية التي تعزّيز حدتها، على الرغم من رؤيتي لمنات الأرواح سابقاً، لكنه الطيف الذي كلما اقترب مني، زادت نبضات قلبي.

بعد كل هذا المجهود البدني والذهني، وجدت روحًا غير التي انتظرتها! إنها روح الطالبة الصالحة! وقفّت في منتصف الغرفة وعلى وجهها علامات الذهول والتعجب، وأخذت تنظر إلى نصف الليمونة ثم إلى ثم إلى الغرفة كلها.

بلغت ريقى وكتمت غضبى، ربما يجب أن أتظاهر بأنى لا أراها لكي ترحل، لكن أعيننا التقت فقالت:

- إنت شاييفني؟

لم أجدها، وظاهرةرت بأني أتفحص السرير، فاقتربت مني قائلة يا الحاج:

- يا أستاذ، حضرتك شاييفني؟ يا أخيها، إنت سامعني؟

يا لحماقتي! لقد جذبت الروح الخطأ! لم لم أفك في أنها تطوف في المكان وستجذب  
كغيرها إلى رائحة الليمون؟!

تجاهلتها، لكنها مدت يدها إلى ذراعي، فشعرت بكهرباء تسري في عروقي، فصحت بها:

- لا، لا.

#### القاعدة الثانية

إياك أن تجعل روحًا تلمسك!

ابتسمت:

- يعني إنت شاييفني!

#### القاعدة الثالثة

تحدث مع الأرواح باحترام، كأنهم أشخاص أحياء، وابداً دائمًا بالسلام.

زفرت قائلة:

- السلام عليكم، أنا نوح الألفي.

- وعليكم السلام، أنا بشرى. كنت بادور على عربتي وبعدها شممت حاجة و...

- شممت ريحه الليمون.

- أنا عمري ما حبيت ريحته، بس مش عارفة ليه لقيت حاجة بتشدني إني أطلع العمارة  
وأدخل الشقة.

ثم نظرت حولها قائلة:

- أنا إزاي دخلت الشقة وبابها مقفل؟

خرجت إلى الصالة، وتأكدت أن الباب مغلق.

#### القاعدة الرابعة

أخبرهم بأنهم موتى بطريقة تدريجية حتى لا تربكهم.

- عديت من الباب وهو مقفل.

ضحكـت وظلت أـنـي أمازـحـها، ثم قـالـت:

- إـزاـيـ يعني؟ أـكـيدـ دـهـ حـلـمـ. أـنـاـ كـنـتـ بـاـيـتـهـ عـنـدـ صـاحـبـتـيـ بـنـذـاـكـرـ، وـحـلـمـتـ إـنـيـ رـكـبـتـ عـرـبـيـتـيـ، وـكـانـ فـيـهـ حـدـ قـاعـدـ وـرـاـ دـبـحـنـيـ، وـبـعـدـهـاـ صـحـيـتـ مـنـ الكـابـوـسـ الفـظـيـعـ دـهـ. كـانـ كـاـبـوـسـ مـرـعـبـ أـويـ، كـأـنـهـ...

- كـأـنـهـ حـقـيـقـيـ.

هزـتـ رـأـسـهـ مـوـافـقـةـ فـأـضـفـتـ:

- لـلـأـسـفـ، هـوـ فـعـلـاـ حـقـيـقـيـ.

ضـحـكـتـ بـالـطـرـيـقـةـ نـفـسـهـاـ، وـقـالـتـ:

- هـوـ إـيـهـ اللـيـ حـقـيـقـيـ؟!

- اللـيـ شـفـتـيـهـ مـاـ كـانـشـ كـاـبـوـسـ. دـهـ وـاقـعـ.

صـمـتـ لـوـهـلـهـ وـكـأـنـهـ تـرـنـ كـلـامـيـ، ثـمـ عـلـقـتـ مـرـتبـكـةـ:

- وـاقـعـ إـزاـيـ يـعـنـيـ؟ إـيـهـ الـهـزـارـ السـخـيـفـ دـهـ؟! إـنـتـ...

- أـنـاـ النـقـيـبـ نـوـحـ الـأـلـفـيـ، وـأـنـاـ بـنـفـسـيـ شـفـتـ جـمـتـكـ.

صـاحـتـ بـكـلـمـاتـ مـتـقـطـعـةـ:

- جـثـةـ؟! يـعـنـيـ أـنـاـ... أـنـاـ مـيـتـةـ؟ طـبـ إـزاـيـ وـإـنـتـ شـايـفـنـيـ وـبـتـكـلـمـنـيـ أـهـوـ؟!

- مـحـدـدـشـ غـيرـيـ يـقـدـرـ يـسـمـعـكـ وـيـكـلـمـكـ.

- بـسـ...

أـخـرـجـتـ النـصـفـ الـآـخـرـ مـنـ الـلـيـمـوـنـةـ وـبـدـلـتـهـ بـالـنـصـفـ الـذـيـ جـفـ مـتـنـظـرـاـ ظـهـورـ رـوحـ طـهـ فـيـ أـيـ لـحـظـةـ، لـكـنـ بـشـرـىـ لـمـ تـتوـقـفـ عـنـ الـهـذـيـانـ:

- يـعـنـيـ أـنـاـ عـفـرـيـتـةـ؟

- إـنـتـ رـوحـ، طـيفـ، لـكـنـ مـشـ عـفـرـيـتـةـ، الـعـفـارـيـتـ كـانـتـ تـانـيـةـ مـسـتـقـلـةـ بـذـاتـهـاـ.

ظـلـتـ تـحـدـقـ فـيـ وـكـأـنـيـ مـخـبـولـ، ثـمـ خـرـجـتـ مـنـ الـغـرـفـةـ كـمـاـ دـخـلـتـهـاـ، فـزـفـرـتـ بـأـرـتـيـاـحـ.

جلست على طرف السرير متظطرًا ظهور روح طه، لكن من الواضح أن السويفات التي نمتها في بيتي لم تكن كافية، فقد انتابني النعاس ثانية، تم أتاني شعور بارد بأن هناك من يراقبني، ففتحت عيّمي بفترة لأجد روح بشرى جالسة بجواري، وعلى وجهها أمارات الكمد.

اعترفت لي منكسرة دون أن أسأله:

- محدش شاييفني، الناس بتعدي مني فعلًا كانى طيف.

فركت عيّمي، وعدلت جلستي، ثم تفقدت ساعتي، إنها الثالثة فجرًا.

تابعت بشرى كلامها متقدرة:

- هو أنا اتدبحت فعلًا زي ما شافت في الحلم؟

نظرت إلى نصف الليمونة، لم يتغير لونه ولم يجف، وروح طه لم تظهر بعد.

- آه.

- ليه؟

- وأنا إيه اللي عرفني؟!

- مش بتقول إنك ظابط؟!

- أيوه، بس مش أنا اللي شغال على قضيتك.

- أومال مين؟ أنا عايزه أتكلم معاه دلوقت حاًلا.

- محدش هيسمعك ولا هيشفوك.

- إشمعنى إنت؟

- عشان ربنا مدیني حاسة مش عند غيري.

- الحاسة السادسة يعني؟ سوبر هيلو إنت؟!

- لا سوبر ولا زفت، أنا بس...

زفرت ثم أكملت على مضض:

- وقعت في المقابر وأنا صغير فطلعت باعترف أشوف الأرواح وباتكلم معها و...

- اتبليست زي مسلسل «ساحرة الجنوب» كده؟

- أنا مش ملبوس! أنا باشوف وباسمع وباتكلم مع أرواح الميتين طول ما هما على الأرض  
وبس. معنديش تفسير علمي أو منطقي للموضوع.

- قصدك إيه بطول ما هما على الأرض؟

- قصدي طول الأربعين يوم اللي بتقعدوهم على الأرض.

- وبعد كده بروح فين؟

- بيقولوا بتطلعوا السما أو بتنزلوا القبر أو بتنقلوا للبرزخ. ما أعرفش.

- والناس عارفين إنك بتشوف الأرواح وبيتعاملوا معاك عادي كده؟

- أسيب بقى القضية اللي ورايا وأقدر أحكي لك قصة حياتي! أنا عندي شغل، وجودك  
مشتمني. فرصة سعيدة.

- فرصة سعيدة؟ هو أنا قابلتك صدفة في ستاربكس يا عم إنت؟ أنا اتدبحث وبقيت  
روح، ومحدش شاييفني غيرك. رجلي على رجالك لحد ما أفهم أنا وضعني إيه.

تمتّمت زافزا:

- بدأنا في شغل الستاكر الأميركي. يا ستي أنا مش هافيدك في حاجة.

- لا، هتفيدني. أنا عايزه أتطعن على مامي وأخويها، وأعرف مين اللي قتلني، وقتلني ليه،  
...و.

- إنت جايالي أحمقلك أحلامك؟! أنا عندي قضية رأي عام معقدة أكثر من قضيتك ميت  
مرة.

- يعني أنا دمي يروح هدر عشان حضرتك ماسك قضية رأي عام؟!

- معاليكي مش أنا اللي ماسك قضيتك. اتكللي على الله بقى.

- طب والله لو ما عملت اللي باقولك عليه لاعفرتك.

سألتها ساخراً:

- هتعفريتني إزاي يعني يا ستر الكنكوتة؟

- هالبسنك.

- الجن والعفاريت بس هما اللي يلبسوا الإنسان.

طب حاجتیک ه...

- خليني أو ضحلك إنك روح ملهاش أي قوة فيزيائية. إنك ما تقدریش تشيلی حتى ورقة من عل. الأرض.. ففُكك خالص. من جو الـ «paranormal activity» ده.

ارتبک و تراجعت، ثم همست:

- يعني أنا مليش أي قوة خارقة؟

- كبرك تعدي من الباب وهو مقفوا.

ظلت واقفة في مكانها وقد ثبتت نظارتها على أنفها، ثم أعادت خصلة شعر بنية خلف  
أذنها وهي تفكّر، بينما حاولت أنا الاتصال بقطّر لكن هاتفه كان مغلقاً، حتى قالت هذه الروح  
اللحوحة:

- يمكن ما أقدرش أذيك كروح، بس أقدر أبهدلك كبت، وأفضل أزن في ودانك لحد ما تکه حباتك.

لم أجدها، فجلست بجواري على السرير، وصاحت بصوت حاد:

- مين اللي قتلني؟ ها؟ مين اللي قتلني؟ مين؟ مين؟ مين؟

البنات حتى وإن متن، لا يتخلى عن أعز ما يملكون؛ قدرتهم الخارقة على الزن.

أجيال حكيم الصوتية الخارقة غطت على صوت بشرى الطنان، وقد رأيت الضيق على ملامحها، وبدأت تطوح بيديها في الهواء غاضبة، وتحاول أن تجذب السمعاءات أو تفلق الهاتف، لكن أصابعها الطيفية تمر من خلال الأشياء كالهواء دون أن تستطيع إمساك أي منها، حتى أعادت فعلتها الأولى ووَضَعَتْ كفها على كثفي، فغمرتني رجفة نتجت عنها برودة وعشيررة داخلية ماغة، فافتفضت صانحاً بعنف:

- ایاک تعمیل کده تانی!

لو كنت في المنزل لأشعلت البخور وجعلتها تختنق وتفر بعيداً من دخانه، لكن السخيفه ايتسمت ظافرة، فقلت لها:

- أنا باقولك بكل أدب، أمشي، ورايا شغل.

ـ شغل إيه وإنت مريح على السرير وبتلعب بلمونة بايظة و...  
ـ مش موضوعك أنا باعمل إيه. أقولك على حاجة؟ روحي اتطمنى على أمك.  
ـ اسمها مامتك.  
ـ الست الوالدة، روحي شوفيها.  
ـ ما هي مش هتشوفني.  
ـ بس إنت هتشفيفها وتطمئن عليها. يلا انصرفي.  
ـ طب أروح إزاي؟ مش هاقدر أمشي كل ده.  
ـ ما إنت لو بطلت زن وصفيت دماغك وفكرت فيها بوضوح، هتلaci نفسك واقفة قدامها.  
ـ مش كتب بتسائليني عن قوتك الخارقة؟ يلا يا ستن السوبر هيلو روحي لهاامي.  
ـ نظرت إلني بشك، لكنها أغمضت عينيها وظللت هكذا لبعض دقائق حتى اختفت.  
ـ أتمنى من كل قلبي ألا تعود مجددا.

\* \* \*

أذن الفجر، وتخللت السماء الداكنة بضعة خيوط من التور الباهت، ولم تظهر روح طه بعد، على الرغم من أن الساعة تحطت الخامسة صباحاً.  
كيف لم تظهر روحه بعد وقد تلقينا في تمام الساعة السابعة بلاغ بباب العمارة بأن طه ميت؟ من المفترض أن روحه رحلت عن جسده بعد منتصف الليل وفتقا لترتيب خط سيره وشهادة من رأوه في تلك الليلة الملعونة!  
ـ أين طيفك يا طه؟  
ـ أنا شفتها.

الافت لاجد يشرى جالسة على طرف السرير حزينة ومهمومة:  
ـ إيه اللي رجعك؟  
ـ مامي جاتلها جلطة!  
ـ بدأت تبكي مرتعشة:  
ـ أنا طول عمري في حالتي. مفيش في حياتي غير المذاكرة والجامعة. مين اللي يخلني حد

يدبخي ويقهر مامي كده؟!

اللعنة على ضعفي أمام دموع النساء!

- ما تعطيش طيب.

- ساعدني، وأنا أوعدك إني هاصل عنك ومش هتشوفني تاني أول ما أعرف مين اللي قتلني.

زفرت مستسلماً للاحاجها ونبرة الحاجة المستحبطة في صوتها:

- ليكي أعداء؟

- لا طبعاً، ده أنا آخر أتخانق عشان درجة زيادة، ولا مع حد مش شفال كويس في «البروجكت»، ما توصلش لأن حد يقتلني كده.

- اللي قتلك ما يعرفكيش، أعتقد إنه قاتل مأجور.

- ومين اللي هيدفع فلوس لحد عشان يدبخي؟

- يمكن عدو لأبوك، مش لازم يبقى عدوك إنك.

- بابي مات ومامي حامل في، مين العدو اللي هيقتلني بعد عشرين سنة من موته؟

- طب وماما؟

- مامي غلابة وملهاش في أي حاجة.

- يمكن حاجة حصلت مثلاً أو...

- استحالة حد يكره مامي لدرجة إنه يقتلني بالطريقة البشعه دي.

- وأخواه؟

- متجوز روسية، وعايش في الفردقة، وفاتح أوتيل هناك من سنتين.

صمت مفكزاً حتى سألهما:

- ليكي في السياسة أو المظاهرات أو...

- مش بافهم فيها.

- طب احكيلي اللي حصل قبل ما تموتي بالتفصيل يمكن نلاقي خيط ونخلص

- أنا كنت بذاكر عندي وفاء، وكنت هابات عندها عشان نخلص «البروجيكت»، بعدها اتصلت  
بمامي أطمئن عليها لكن ما ردتش لا على الموبايل ولا التلفون الأرضي، افكرة حصلها حاجة  
فاترعت ونزلت بسرعة للعربية و... .

- كانت الساعة كام لما نزلت؟

- حوالي واحدة ونص بالليل. جيت أفتح العربية لقيت المفتاح مش راضي يدخل والإندار  
اشتعل، بصيت على اللوحة لقيتها عربية تانية راكبة قدام عربتي شبهها أووي، ومن لهوجتي  
ما أخدتش بالي إنها مش بتاعتي. ركبت عربتي، وخلعت الشنطة ورميتها جنبي، وفجأة  
لقيت الباب الخلفي بيتفتح وحد بيركب ورابيا، كان لابس بدلة نايلون بيضا زي بقوع المناحل.  
شد رقبتي وأنا باحط المفتاح في الكوناكت، وكم بقى عشان ما أصرخش، ودبيحي بسكينة  
غريبة زي اللي في الأفلام الأميركياني.

شبكت أصابعي قائلة، وكان أذئي لم تلتقطا سوى جملة واحدة مما أسهبت في وصفه:

- عربية نفس عربتك بالظبط؟

- أيوه، نفس اللون والموديل.

- خدتني بالك من رقمها؟

- آه، كان أمي ٢٠١.

- أملك؟!

- قصدي أمي ٢٠١. أنا ذاكرتي فوتوفغرافية ويحافظ الحاجة من أول بصة.

أخرجت هاتفي وبحثت عن رقم ضابط بالمرور كان في دفعتي، فقالت:

- بتعمل إيه؟

رفعت يدي في وجهها كي تصمت عندما أجابني زميلي:

- نوح باشا.

- وليد بييه، إيه أخبار السيطرة؟

- الأمن مستتب.

- باقولك، عايز أسأل عن عربية أمي ٢٠١، محتاج اسم صاحبها وعنوانه.

- عيوني يا غالى. حبة وأكلمك.

- أنا كنت بذاكر عند وفاء، وكنت هابات عندها عشان نخلص «البروجيكت»، بعدها اتصلت بمامي أطمئن عليها لكن ما ردتش لا على الموبايل ولا التلفون الأرضي، افتكرت حصلها حاجة فاترعت ونزلت بسرعة للعربية و... .

- كانت الساعة كام لما نزلت؟

- حوالي واحدة ونص بالليل. جيت أفتح العربية لقيت المفتاح مش راضي يدخل والإنذار اشتغل، بصيت على اللوحة لقيتها عربية تانية راكنة قدام عربتي شبهها أووي، ومن لهوجتي ما أخذتني بالي إنها مش بتاعتي. ركبت عربتي، وخلعت الشطة ورميتها جنبي، وفجأة لقيت الباب الخلفي بيتفتح وحد ييركب ورايا، كان لايس بدلة نايلون بيضا زي بتوع المناحل. شد رقبتي وأنا باحط المفتاح في الكونتاكت، وكم نقى عشان ما أصرخش، ودبحي بسكينة عربية زي اللي في الأفلام الأمريكية.

شبكت أصابعي قائلًا، وكان أذئي لم تلتقطا سوى جملة واحدة مما أسلحت في وصفه:

- عربية نفس عربتك بالظبط؟

- أيوه، نفس اللون والموديل.

- خدي بالك من رقمها؟

- آه، كان أمي ٣٠١.

- أملك؟!

- قصدي أمي ٣٠١. أنا ذاكرتي فوتografie وباحفظ الحاجة من أول بصمة.

أخرجت هاتفي وبحثت عن رقم ضابط بالمرور كان في دفعتي، فقالت:

- بتعمل إيه؟

رفعت يدي في وجهها كي تصمت عندما أجابني زميلي:

- نوح باشا.

- وليد بيه، إيه أخبار السيطرة؟

- الأمن مستتب.

- باقولك، عايز أسأل عن عربية أمي ٣٠١، محتاج اسم صاحبها وعنوانه.

- عيوني يا غالى. جبة وأكلمك.

أنهيت المكالمة ثم جربت الاتصال بقطز ثانية، لكن هاتفه ما زال مغلقاً.

قالت بشرى:

- صاحب العربية له علاقة بموتي؟

- غالباً هو اللي كان مستهدف مش إنت. تلاقيها واحدة في حجمك وستك وبتسوق نفس العربية، ومن حظك المهيب إنكم ركتتوا في نفس الحلة وفي نفس التوقيت، عشان كده اللي قتلك بعد ما دبحك ركز في وشك لقا مش هو فهرب بسرعة ونسى الباب مفتوح و...

صاحت ببررة كادت تقب طباعي أذئي:

- يعني إيه؟ أنا اتقتل بالقلط! أنا...

- هتفرق معاك غلط ولاً صح؟ إنت في الحالتين ميته!

- طبعاً تفرق، لما أتدبح زي الخروف بدون ذنب يبقى حرام، إنت لازم تقض على اللي عمل كده، لازم!

رن الهاتف برقم وليد عطية، فأجبته سريعاً:

- باشا.

- العربية بتعاة واحدة اسمها «شهرزاد محمد أحمد زكي»، ساكنة في ٦ ميدان طلعت حرب.

- شكلها إيه الست دي؟ صورتها عاملة إزاي؟

- رفيعة وشعرها ناعم وعينيها خضرة، مزة صغيرة كده.

- ألف شكري يا وليد.

التفت إلى بشرى موضحاً:

- صاحبة العربية شبهك. خيط القضية عندها.

- يبقى نروح لها و...

- إنت كتب عايزه تعرفي مين اللي قتلك، وخلاص آدينا عرفنا. صباحك مربى.

نظرت في اتجاه النافذة وقد عم ضوء الصباح بعد أن دقت الساعة السادسة والنصف، ثم التفت إلى نصف الليمونة الذي لم يمس.

- خلاص، لو مش إنت اللي هتكلم القضية بيقى على الأقل عزف الظابط اللي ماسك قضيتي المعلومات اللي عرفتها دي و...

- ده على جتنى إنى أساعد صلاح الشبكي عشان يحل قضية!

- حرام عليك! لو عندك أخت مدبوبة ترضى إنها...

- قبل ما تكملى الأسطوانة اللي كلكم حافظينها دي، هاروح أقوله إيه؟ روح القتيلة اللي بتحقق فى قضيتها طلعتلي وقالتلي فيه عربية بنفس...

- خليه يسأل البواپ، هو أول ما شافني جري يلمعلي العربية، ولما نزلت منها قالى لا مؤاخذة افتكركت مدام شهرزاد، قول للظابط ي...

رن هاتفى ثانية، ولكن هذه المرة باسم قطر، فأجبت سريعاً عليها تتوقف عن التريرة:

- إنت فين كل ده؟!

- أنا لسه داخل المكتب. تعال عشان فيه مستجدات مش هتصدقها.

- أنجز يا قطر.

- كل اللي خلتني أسأل عنه في البحث الجنائي مش ملائم لموقع وظروف الجريمة. مفيش عضم للعمود الفقري، والجمجمة ما اتمددتش من أثر الحرارة، ومفيش آثار دهنية على الكرسي، وخد عندك المفاجأة...

- ها؟

- اللي على الكرسي ما كانش رماد طه، طلع أسمنت مخلوط بشوية حاجات.

\* \* \*

لم تظهر روح طه، وظللت روح بشرى تتبعني مثيرة عن ضرورة مساعدتها لإيجاد قاتلها، لكنني تجاهلتها حتى وصلت إلى القسم، حيث كان قطر في غرفة مكتبنا وسط مجموعة من الملفات والتقارير يشرب الكاكاو متبايناً بصوت كالزئير.

دخلت وبصحتي روح بشرى التي ظلت واقفة أمامي واضعة يديها على خصرها معترضة على تجاهلي لها، لكنني وجهت كلامي لقطر على أي حال:

- أسمنت؟!

أعطاني ملفاً كان مفتوحاً أمامه قائلاً:

- آدي نتایج المعمل. الراس والصوابع يخصوا طه، الباقي كله أسمنت.

فركت عيئي المرهقين:

- يعني جنة طه عبد اللطيف منش كاملة؟

علقت بشرى مستفهمة:

- طه عبد اللطيف بناء جرنال «المعارف» مات؟

هززت وأسي قائلًا:

- مات في نفس الليلة اللي انت اقتلبت فيها.

نظر قطر حيث أنظر، لكنه لم يز روح بشرى، فهمس لي بمحفظ:

- إنت معاك ضيوف؟

أجبته غير مبال وأنا أقلب في ملف الأوراق المعملية:

- البت اللي اتدبحت إمبارح.

نظر نحوها، وقال مبتسما كالابله:

- السلام عليكم.

سألتني بشرى بحماس:

- هو كمان شاييفني؟

أجبتها بفتور مغلقا الملف:

- لا. إنت تعرفي طه عبد اللطيف متبين؟

- من التلفزيون، وعمري ما شفه في الحقيقة غير إمبارح.

أخيراً نطقـتـ الثرثـارةـ بـمـعـلـوـمـةـ مـفـيـدةـ!

انتبهـتـ لهاـ كـلـيـاـ،ـ وـسـأـلـهـ بـتـرـكـيزـ:

- شفـتـيهـ إـمـبارـحـ إـمـتـىـ بـالـظـبـطـ؟ـ وـقـيـنـ؟ـ

- شـفـتـهـ لـمـاـ...

صـمـتـ قـلـيلـاـ ثـمـ اـبـسـمـتـ بـخـبـتـ:

- أنا ممكِن أقولك كل حاجة بالتفصيل لو زحت للظابط اللي ماسك قضيتي وخليته يبدور  
ورا شهزاد دي ويقبض على اللي قتلني.

زفت متضايقاً:

- اللهم طؤلک يا روح.

تدخل قطر الذي لم يكن يسمع إلا جانباً واحداً من محادثي مع بشرى - أي جانبي أنا - ثم  
همس لي بأدب لا أراه منه في غير حضرة الأرواح:

- هي المرحومة محتاجة حاجة؟

- بتقول إنها شافت طه قبل ما يموت، ومش هت Hickila شافت إيه غير لما أساعدتها في  
قضيتها.

- عرفتها إن المحرق صلاح هو اللي ماسك قضيتها مش إحنا؟

- اتنيلت قلتله! الهانم مصممة نديله المعلومات اللي عندنا عشان...

- معلومات إيه اللي عندنا؟ ما إحنا قاعدين زي خييتها أهوا!

قصصت عليه ما عرفته عن السيارة المطابقة وحكاية شهزاد، فقال قطر بحنانه الجياش:

- طب ما تساعدها يا نوح! كده اللي اسمها شهزاد دي معرضة للقتل. حرام!

قالت بشرى موبخة إباهي:

- شايف الناس اللي بتحس؟

- خلاص يا قطر، روح إنت لصلاح وفله.

سحبت ورقة بيضاء كتبت عليها اسم شهزاد وعنوانها كاملاً:

- اديله الورقة دي.

- طب ولو سألني عرفت منين؟

- فله كنت معدى عند العمارة الصبح لقيت عربية بنفس المواصفات، وسألت البواب قال  
اسم صاحبتها. خلينا نخلص بقى ونشوف شغلنا!

خرج قطر مسرعاً، بينما شبكت أصابعه مركزاً نظري على بشرى وأنا أقول لها:

- اتفضلي ارغني. شفتيه فين؟

- شفته مرتين، الأولى لها كت باركن عند بيت وفاء وكان هو نازل من عمارة جروبي  
ويتكلّم في التلفون، وبعد كده شفته تاني وأنا نازلة بالليل و...

- المرأة الثانية كانت الساعة كام بالضبط؟

- قبل ما أتقتل على طول، يعني على واحدة ونص كده بعد نص الليل. كان نازل من نفس  
العمارة وبرضو بيتكلّم في التلفون  
حدقت أمامي للحظة.

البُواب قال إن طه رجع من المقهى في تمام الحادية عشرة، وفي منتصف الليل خرج  
البُواب ليجلس على المقهى، وبشرى رأت طه قبل مقتلها بدقائق، أي حوالي الساعة الواحدة  
والنصف بعد منتصف الليل، وكان خارجاً من العمارة ويتحدث في التلفون و...

التلفون!

كيف لم أفكّر في تتبع موقع المكالمات واكتفيت بالأرقام المسجلة والرسائل النصية؟!  
بحثت بين أكواخ الأوراق فوق مكتب قطز، لكن عودته إلى الغرفة قطعت بحثي، وإذا به  
يقول:

- أتأخرنا! شهرزاد ماتت خلاص!

وضعت بشرى يديها على فمها مصدومة، بينما أضاف قطز:  
- طلعت واحدة لا مؤاخذة، صرّرت نفسها مع رجل أعمال في وضع محل، وبدأت تبتزه،  
والباشا متجوز بنت وزير مهم، فبعث واحد يقتلها، فقتل الانسة بشرى بالغلط، ولما حب  
يصلح غلطته، استدرج شهرزاد لشقة في المعادي وقتلها، بس حظه إنها صوتت والجيран  
اتلموا ولحقوا القاتل قبل ما يهرب.

التفت إلى بشرى متنفّتا الصعداء لأنني سأخلص منها كلّياً:

- ها؟ خلاص؟ اتبيطيت؟

قالت بشرى بفتور:

- يعني قيضاً عليه؟

- ما بيقولك لحقوه قبل ما يهرب.

التفت إلى قطز:

- ماتت إمتنى؟

- في الفجر، والواد اعترف من أول قلم، وجوز بنت الوزير ده بيتحقق معاه في النيابة. صلاح ما كانش مقتني إن فيه ربط بين الجريمتين، بس لما لقى إن عنوان شهزاد ٦ ميدان طلعت حرب، وطلعت مأجراً أوضة في بنسيون مع مجموعة من البنات اللي زيها، واتأكده من ملفها في الآداب وقلب الموضوع في دماغه، لقى فعلًا إن اللي قتل الاثنين واحد، خصوصاً إن شهزاد اتدبخت بنفس الطريقة، وعلى تلفونها الفيديو اللي ابنته بييه الـ...

- ابنته؟!

صمت قليلاً ثم قلت بسرعة:

- هات سجل مكالمات طه.

انتسل ورقة من بين عشرات الأوراق المنشورة فوق مكتبه، تم أعطاها لي قائلًا:

- بتفكر في إيه؟

- استنى.

ووجدت رقماً غريباً اتصل به في تمام الساعة السادسة، ثم رقماً آخر كلمه ثلاث مرات، وكل مكالمة استغرقت قرابة الدقيقتين ما بين الساعة الواحدة بعد منتصف الليل وحتى الثانية والربع.

- شفلي يا قطر صاحب الرقم ده.

- ودي برضو تفوتني؟ ده رقم من اللي بيتابعوا على الرصيف، وبعثت حد يدور على صاحبه

...و.

- مش مهم صاحبه، أنا عايزة بنوع جهاز الاتصالات يحددوا الرقم ده كلام طه متبين بالظبط.

- ماشي.

أجرى قطر اتصالاً طلب فيه تحديد موقع تلك المكالمة بالقمر الصناعي، ثم التفت إلى فبادرته بسؤال آخر قبل أن يعلق على أي شيء:

- لقيتوا إيه على اللي توب بتاعه؟

- ولا حاجة، مقالات وأبحاث فلسفية وكتب عن الإلحاد.

اقربت من مكتب قطر بالكرسي حتى التصقت ركبتي بمقدمة الخشبية، وأخذت أنطق

بالأفكار المندقة من عقلي، قائلًا في حماس:

- لو حطينا كلمة «الله أكبر» اللي على الحيطة، وإلحاد طه، على جدب، تفتكـر اتقتل ليه؟

شاركتنا بشرى في الحوار لتدلي بدلوها قائلة:

- يمكن حد عايز ينتقم منه.

أضفت معلقاً:

- أو حد عايز يسكنه.

قال قطر ليشاركتني في حالة العصف الذهني تلك:

- يسكنه ليه؟ طه ما كانش بيتكلم في السياسة ولا الاقتصاد، يعني مش مناضل و...

- بس ممكن بيقى بيبتز.

صمت قطر لوهلة حتى نطق أحيرًا:

- بتفكر في إيه؟

- الأظرف اللي كان بيسلمها ويستلمها! طه ممكن يكون زي شهزاد، بيمسك صور أو فيديوهات أو ملفات أو حاجة يساوم صاحبها عليها. يمكن كان ذكي فخلى سعره حدين عشان كده الكل يدفع، يسلمه ظرف فيه فلوس ويستلم ظرف فيه مصيته، وكان يختار مكان في العلن عشان يبقى في الأمان، بس فيه واحد رفض يدفع.

- حد ما قدرش على التمن اللي طه طالبه؟

- أو حد مش وافق في إن الفلوس هتسكت طه، حد عرف يستدرجـه لمكان مقطوع، عشان كده ما لقيتش روحـه في بيته.

خطـبت على المكتب بخفـة متمـتها:

- أنا إزاى غـبي كـده؟ طـه ما اـتقتلـش في بيـته من الأـساس. قـطعوا رـاسـه وكـفـه وعـملـوا المـسرـحـية دي عـشـان تـنـلـهـي و...

قاطـعني رـئـين تـلـفـونـ المـكـبـ، فـرـفعـ قـطـرـ السـمـاعـةـ وأـخـذـ ما أـرـادـهـ منـ مـعـلـومـاتـ ثـمـ أـنـهـيـ المـكـالـمـةـ، وـقـالـ ليـ:

- مصدرـ المـكـالـمـةـ المـنـطـقـةـ الصـنـاعـيـةـ فيـ التـيـنـ.

- التبيين؟!

أخيراً اتضحت الرؤية.

في بعض الأحيان يجب أن تلقي عينيك كى ترى بوضوح.

داعبث الليمونة مفكراً ومتصوراً المشهد بشكل منطقي.

طه ابتز شخصاً مهماً، فقام هذا الشخص بمجاراته، وأكده عليه أنه سيدفع له المبلغ كاملاً ثم استدرجه بعد أن كلمه ثلاث مرات بين الساعة الواحدة بعد منتصف الليل وحتى الثانية والرابع ليصف له العنوان الذي سيقابلة فيه.

وصل طه إلى المكان المحدد، فنحرروا كفه التي يلبس فيها خاتماً مميزاً، ثم أخذوا مفاتيح شقته، ووضعوا الرأس والكف بعد أن حرقوهما في حقيقة داكنة يصعب معها اكتشاف الأمر، واتجه القاتل (وهو في الفالب أحد رجال الشخص الذي ابتزه طه) إلى العمارة ثم دخل الشقة من بابها، فأحرق الكرسي بشكل سطحي ثم أطfaه (ربما ببطانية كانت معه)، وبهذا يكون قد أحضر معه كرسيًا محروقاً لم يكن في بيته من الأساس، ووضع عليه رأس طه وكفه وكأنه كان جالساً على ذلك الكرسي، ونشر عليه الأسمدة الذي يبيدو بالفعل كرماد جسد محترق، ثم كتب على الحائط «الله أكبر» ليلاصق الجريمة بأحد المتدينين المخالفين لطه ومن يعيون عليه إلحاده، وليجعل من أضحوكة، ول يجعل الجميع يؤمنون بفكرة العقاب السماوي الذي أهلك الكافر. وقد نجح بالفعل.

لم يستتنا و يجعلنا نبحث في دائرة أعداء طه من المتدينين فحسب، بل إنه جعلنا نبحث عن أدلة في نطاق منزله فقط، وعلى الصعيد الآخر جرى التخلص من باقي جسد طه.

وبما أن مصدر المكالمة المنقطة الصناعية في التبيين، فعملية القتل تمت هناك. ويبدو أن أسلوب الحرق يستهوي القاتل، نظرًا إلى طريقة حرق الرأس والكف ونشر الرماد المزعم. وإذا ربطنا بين موقف منصور الباز السابق مع طه، وكونه صاحب مصانع للحديد والصلب في التبيين، فغالباً جرى التخلص من جثة طه في أحد أفران المصانع التي يمتلكها منصور، في درجة حرارة لا تقل عن ١٥٠٠ درجة مئوية.

علق قطرز:

- إنت بتشك في منصور رغم إن الجرسون قال إنه هو وطه كانوا ييفطروا وبيضحكوا؟

- شفها كده من الزاوية دي، طه ماسك حاجة على منصور، فقام واحده على حجره وضحك وهزار عشان ما يبقاش موضع شرك، بعدها استدرجه لمكان مصنعته، ده المكان الوحيد اللي ممكن حد يتعرض فيه لدرجة الحرارة العالية دي بدون ما يتغير الشكوك.

تم تم قطز مسترجعا معلومة قرأها في موسوعة ما:

- درجة حرارة انصهار الحديد 1000 درجة متوية، والجسم يحتاج 1000 درجة عشان يتحول لرماد، يعني هو اتخلص من جثة طه هناك، لكن طبعاً ما قدرش يلم الرماد فراح عمل الحركة بتاعة الاسمنت، بس احتفظ برايس طه وكته عشان لو طلعننا وقلنا للناس إن ده أسمنت مش رماد هيقولوك ربنا خفى جسمه وساب راسه وكته عشان يبقى عبرة.

- لعبها صح ابن الصايحة وسوحنا عشان ندور ورا المتدينين ويبيقوا هما بس اللي موضع شك، لكن في الحقيقة طه ما ماتش عشان ملحد، مات عشان مبتز.

- ابتز منصور الباز بقى بيأيه؟

- طه اللي هيقولنا.



\* \* \*

ظللنا حتى الساعة الواحدة فجراً نبحث عن أي دليل أو معلومة تثبت ضد منصور الباز، لكنه مثل الأخطبوط، له ذراع في كل مكان وركن وزاوية. هو كسائر قادة عصرنا، حرباء تتلون بلون كل سلطة، وتقترب من أصحاب المناصب والنفوذ. في عهد مبارك لعب الاس��واش، وفي عهد الثورة ليس حظاظة وتكش شعره، وفي عهد مرسي حمل المسبيحة والسوالك، وبسقوط حكم الإخوان حل ذقه وجمع التبرعات لصندوق تحيا مصر.

لا أعلم ما الذي يجعله يتخلص من طه بهذه الطريقة المبالغ في إتقانها. لو كان طه يمسك عليه ملفات فساد أو رشوة، فهذا ليس بالأمر الجلل في هذا الزمن الذي يُعد فيه المرشّون ضحية لل الفقر، والفاشدون ضحية للجهل، والناس ينسون، والحكومات تغفل.

الامر أكبر من هذا. لا بد أن الدافع شخصي بحت!

\* \* \*

استغرق الأمر ساعة حتى وصلت إلى منطقة التبين، وبينما كنت أقود في الظلام، إذا بشبح على جانب الطريق الصحراوي على بعد خمسة كيلومترات من مصنع منصور الباز للحديد والصلب: رجل نحيف، قصير القامة، يبدو في منتصف الخمسينيات، يرتدي معطفاً فوق قميص أزرق أنيق، يمشي مطاطئ الرأس، واضغاً يديه خلف ظهره، وينظر إلى الأرض ثم إلى السيارات المارة، فتوقفت.

كان هو، طه عبد اللطيف، بشعره المنكوش، وعيونيه الواسعتين، تماماً كما في الصور.

أوقفت السيارة جانبها، ونزلت منها متوجهًا نحوه.

الآن حان موعد آخر قاعدة:

#### القاعدة الخامسة

ضع سماعة بلوتوث في أذنك عند التحدث مع إحدى الأرواح علناً، حتى لا يظنك الناس مجنوًّا.

- السلام عليكم، أنا نوح الألفي.

صوب إلى نظراته قائلاً بابتسامة ساخرة:

- وعليكم السلام يا سيدي. إنت ميت إنت كمان؟

يبدو أن روحه أذكي من الباقيين؛ لقد فهم بمفرده أنه روح ثوّفي صاحبها.

- أنا النقيب اللي بيتحقق في قضية قتالك.

سألني بفتور:

- قبضتوا على منصور ولا لسه؟

- اديني دليل إدانته وأنا أقبضلك عليه النهارده قبل بكرة.

- هتلaci الصور في شقة باب اللوق. دي الشقة اللي ورثتها عن أخيها من عشر سنين، ومحدش يعرف عنوانها غيري. هتلaci سرير نحاس تحته خزنة فيها صور وملفات تخص كل أوساخ البلد. كلمة السر ٥٨٩١.

- ومن بين كل أوساخ البلد اللي ابتزتهم، إشمعنى منصور هو اللي قتالك؟

- عشان أنا اتغريبت وافتكرته زيه زي غيره. منصور ما كانش يصح يتلعب معاه.

- ليه؟!

تمشى بباب رائق كأنه في حديقة الفسطاط، ثم نظر إلى السماء وقال متنهذا:

ـ لأنه مش هيسمح لحد يعيش بالسر اللي أعرفه عنه. الشواذ اللي منصور بيهاجمهم، هو واحد منهم. قال يعني لو هاجمهم محدش هيشك فيه! أنا عارف الكلام ده من أيام ما كان جار مراتي في نيس. كنت ماسك عليه صور من قبل الثورة، بس قلت بلاش أفضح الرجال، كل واحد حر، لكن هو اللي بدأ، طلع في التلفزيون واستقزني وهاجمني وسبني. بعد ما الحلقة خلصت بعتله من تلفوني السري عينة من الصور إياها. قابله وقتلته المبلغ المطلوب،

وهو عمل نفسه مش عايز شوشرة وأخدها ضحك وهزار، وقال يعني هيدفعطي اللي أطلبه وزباده، الخبيث خدني على حجره وقتلني، وخد الصور والموبايل، بس على مين أنا معايا نسخة من كل حاجة. هتلaci في الخزنة صور تودي كل الطراطير دول في داهية: اللي بتدعى الفضيلة وهي بتدير شبكة دعاية، اللي بيخطب في المساجد وهو رائد تجارة جهاد الكاح، اللي بيتدعي بحقوق الغلابة وهو مرتشي، اللي بيصرخ من الإهمال الصحي وهو أكبر مستورد للأطعمة المسرطنة، اللي يبيع أعضاء أولاد الشوارع، والفاشد والحرامي والمتأمر ...

- والمبتز؟

ابتسم منهكفا، ثم قال بغورو:

- أنا أشرف فاسد. أنا لا آذيت، ولا افريت، ولا اتبليت على حد. لو كانوا شرفاء ومستقيمين ما كانش حد مسك عليهم حاجة، وأنا...  
- وإنْت عرفت فسادهم وسكت. ما أظنْش إن ده يخليلك أحسن منهم.

ضحك ساخزاً، ثم قال:

- طب آديك إنت كمان عرفت، وربني هتعمل إيه.

\* \* \*

ما وجدته في هذه الخزنة الصغيرة، فتيل قادر على حرق دولة بأكملها!

وثائق وصور منذ تسعينيات القرن المنصرم، كفيلة بحبس أصحابها سنوات لا تُحصى! منهم من مات، ومنهم من هاجر، ومنهم من هو قادر على قطع ألسنة الجميع وإلزامهم الصمت!

قُدمت الملفات جميعها إلى النيابة، وجرى التحقيق مع منصور الباز، ولم أز روح طه مجدداً، لعلها لا تزال تحوم في طريق التبيين متاملة النجوم ومنتهددة، وتحدت نفسها متفاسفة.

لقد مات طه فعلاً بتأثير الفتيل، لكن ليس الفتيل الذي يخص الموت بظاهرة الاحتراق الذاتي البشري، بل فتيل الابتزاز الذي أشعله ولم يكن يعلم ببعض نيرانه.

\* \* \*

استيقظت شاعزاً بالبرودة ثانية، فوجدت «روي» كلب جدي يتبع صوب روح بشرى

الواقفة في غرفتي مندهشة متسائلة:

- الكلب ده بيهو هو ناحيتي كل ما أدخل! هو شايفني؟

همست بصوت ناعس:

- خديه واطلعي بره.

زفرت وانقلبت على جنبي واضغا الوسادة على رأسي، لكنها حلقت فوق الفراش وواثبت لعواجنهن قائلة:

- كلمني زي ما باكملد!

- اللهم طولك يا روح! آه يا ستي، الكلاب والقطط والرُّضع بيشفوفوا الأرواح، سيبيني أنام بقى.

قطببت جبينها وعقدت ذراعيها وزمت شفتتها لثوان، ثم صاحت غاضبة كعادتها:

- إنت شايف إن ده عدل؟!

- هو أنا اللي هاختار مين يشوف الأرواح ومين لا؟!

- مش قصدي. عرفت إن اللي قتل شهززاد اتعاقب بتهمة قتلها هي بس؟ ما ربتوش بين قضيتي وقضيتها! الظابط صلاح ده فاشل و...

- يعني ربتووا قضيتك ولاً ما ربتوهاش، في الحالتين الراجل هيتعدم مرءة واحدة.

- إنت إزاي بارد كده؟! إنت مش دورك إن العدالة تاخذ مجرها؟

تمتمت ورأسي أسفل الوسادة:

- أنا دوري أكشف الحقيقة وبس. العدالة دي بتاعة النيابة والقضاء.

- يعني إيه الكلام ده؟ أنا...

نهضت صائحة:

- إنت فاضية ومش لاقية حاجة تعطيها، صح؟ ما ترجعني لأمك!

- باسل أخذها معاه الفردقة. كده أحسن.

- الأحسن بقى إنك تسيبني أنام دلوقت.

انقلبت على جنبي الآخر، ورفعت القطاء حتى وجهي، وكدت أن أغفو ثانية، لكنها اقتربت

وقالت بضحكه بلهاه:

- تعرف إنك بتنايم بعين نص مفتوحة وبنكل بيقى مدلدل ؟ شكلك أهبل أوى!

اللعنـة على حـالة العـين الـأرـبـيبة الـلـيلـية الـتـي تـجـعـلـني أـنـام بـعـينـ مـفـتوـحة كـالـذـنبـ!

أـزـحـتـ الفـطـاءـ عـنـيـ، ثـمـ جـلـسـتـ فـيـ سـرـيرـيـ، وـفـرـكـتـ عـيـنـيـ يـدـيـ، وـالتـقطـتـ سـجـانـيـ وـوـلـاعـتـيـ  
بـالـيدـ الـأـخـرـيـ مـنـ فـوـقـ الطـاـوـلـةـ الـمـجاـوـرـةـ لـلـفـراـشـ.

- هـتـشـرـبـ سـجـائـيرـ عـلـىـ الـرـيقـ كـدـهـ؟

- هو إـنـتـ والـدـتـيـ؟!

- صـحـيـحـ، هـمـاـ فيـنـ مـاـمـتـكـ وـيـاـبـالـكـ؟

- بـاـباـ مـاتـ شـهـيدـ. كـانـ بـيـلاـحـقـ مـجـمـوعـةـ مـنـ تـجـارـ الـهـيـرـوـيـنـ وـقـتـلـوهـ.

- الله يـرـحـمـهـ. طـبـ وـمـامـتـكـ؟ أـنـاـ مـشـ باـشـوفـ غـيرـ جـدـتكـ وـأـخـتكـ بـسـ.

- دـهـ إـنـتـ بـقـيـتـ مـقـيـمةـ وـحـافـظـةـ الـعـيـلـةـ بـقـىـ!

- أـوـمـالـ يـعـنيـ هـافـضـلـ أـرـبعـينـ يـوـمـ لـوـحـديـ يـاعـمـلـ إـلـيـ؟

- ما تـعـمـليـشـ حـاجـةـ، خـلـيـكـ لـازـقـالـيـ وـمـشـ مـهـيـانـيـ عـلـىـ نـوـمـةـ كـدـهـ!

- طـبـ مـاـ نـدـرـدـشـ شـوـيـةـ، اـحـكـيـلـيـ حـكـاـيـتـكـ مـعـ الـعـفـارـيـتـ.

- تـانيـ هـتـقـولـيـ عـفـارـيـتـ! اـسـمـهـمـ أـرـواـحـ، أـرـوا~ا~احـ!

- خـلاـصـ، أـرـواـحـ. بـدـأـتـ تـشـوـفـهـمـ إـزاـيـ بـقـىـ؟

قصـصـتـ عـلـيـهـاـ حـكاـيـةـ جـبـلـ المـوـتـيـ فـيـ سـيـوـةـ، فـظـلـتـ تـسـمعـهـاـ بـتـشـوـقـ كـطـفـلـةـ فـيـ السـادـسـةـ  
مـنـ عـمـرـهـاـ، حـتـىـ فـرـغـتـ مـنـ القـصـةـ، إـذـ بـهـاـ تـعـلـقـ مـنـدـهـشـةـ:

- لـوـلـاـ إـنـيـ فـعـلـاـ رـوحـ وـإـنـتـ شـايـفـيـ، كـتـتـ قـلـتـ دـيـ قـصـةـ خـرـافـيـةـ مـفـيهـاشـ رـيـحةـ الـمـنـطـقـ.

- مـشـ كـلـ الـحـاجـاتـ الـحـقـيقـيـةـ بـتـبـقـيـ منـطـقـيـةـ. أـتـاـ عـارـفـ إـنـهـ مـوـضـوـعـ مـسـتـحـيلـ يـتـصـدـقـ،  
عـشـانـ كـدـهـ بـاـحـتـقـظـ بـيـهـ لـنـفـسـيـ.

- بـسـ صـاحـبـكـ مـصـدـقـكـ.

- عـشـانـ لـاسـحـ، وـالـفـاتـازـياـ وـاـكـلـةـ عـقـلـهـ. لـماـ حـكـيـتـهـ وـإـحـتـاـ أـطـفـالـ فـضـلـ يـعـحـاـيلـ عـلـىـ أـبـوـهـ  
يـاخـدـهـ سـيـوـةـ عـشـانـ هوـ كـمـانـ يـنـزـلـ مـقـبـرـةـ جـبـلـ المـوـتـيـ وـيـشـوـفـ الـأـرـواـحـ زـيـيـ.

- إنتو صحاب من زمان أوي كده؟

- أبويا وأبواه كانوا صحاب من أيام الكلية، فاًحنا اتولدنا لقينا نفستنا صحاب، وكأننا ورثنا صداقتهم مع باقي جيئاتهم.

- وعييلتك متقلبين الحكاية دي زي صاحبك كده؟

- لا طبعاً، ماما أول ما قاتلتها على اللي شفته في المقبرة عملتلي طاسة الخضة.

- طاسة إيه؟!

- طاسة الخضة. أصل حياة المصريين فيها ٢٧٤ خرافة، الحمد لله أمي حافظها وبتطبيقاتها كلها من أول رش الملح والخرزة الزرقة لحد فك الأعمال وتسخير الجن السفلي.  
telegram: @alanbyawardmsr  
أطفال سיגارتي بعد أن نفخت أنفاسها الأخيرة، ثم أردفت موضحاً:

- وطاسة الخضة دي يا ستي عشان لو ابنك الحيلة اتخض ولا اتفزع من حاجة، تجييهاها وتتمليها ميه وتبعيتها تحت ضوء القمر وتشريبيها للمحروس الصبح.

- بس ما دام مامتك ليها في الحاجات دي، يبقى أكيد صدقتك.

- هي صدقت. صدقت إن ابنها ليسه جن، وطافت بيها على كل الدجالين اللي تعرفهم، اللي يديها حاجات غريبة تبلعهاله، واللي يقولها حميء بعيه وملح وعين العفريت، واللي يقولها عليه جن مش هيطلع غير بالضرب و...

- بالضرب؟!

ضحكت بمرارة قائلاً:

- ده أنا شفشت أيام سودة!

- هي مامتك إزاي بتؤمن بالكلام ده؟ هي تعليمها على قده؟

أجبتها ساخراً:

- أمي أستاذ الغدد الصماء في القصر العيني.

فتحت جدتي الباب بلا استئذان، ودخلت فجأة وهي تقول بنبرة صارمة لا تناسب قناع الزبادي بالغسل الذي طمس ملامحها:

- فيه حد معالك يا نوح، ولا إنت خلاص اتجنت وبقىتك بتتكلم نفسك؟!

- معايا حد يا سونة.

نظرت حولها تطوق الفرفة بيصرها، ثم علقت بفتور:

- طب خلي الحد ده يستنى، ويألا عشان الفطار.

خرجت يتبعها حفييف رداء نومها الصوفي، وأغلقت الباب خلفها، فعلقت بشرى:

- إشمعنى جدتك اللي مستوعبة الموضوع عادي؟

- الأول كانت فاكرة إنها حالة نفسية جاتلى عشان قعدت لوحدي في المقبرة، بس لما بابا  
مات وأنا صغير شفت روحه وكلمته، وهو جالها في الحلم و...

- هو إحنا نقدر نطلع في الحلم؟

telegram: @alanbyawardmsr

- للناس اللي بتحبواهم بس. بابا طلع لجدي وقالها إني مش عيان ومش كداب، قالها ابني  
ربنا مدبله نعمة مش عند غيره. ومن ساعتها وهي بتدافع عنى وبتقف لاما. بس كده كده أنا  
كنت وصلت لمرحلة كدت فيها على ماما وعلى نادية وقتلتهم إني بطلت أشوف أي حاجة  
عشان أخلص من وجع الدماغ ده كله.

- هي نادية برضو تقثيرها زي مامتك؟

- لا، نادية مش بتؤمن بالخرافات والأعمال والدجل زي ماما، لكن برضو مش مقتنعة يان  
فيه حاجة اسمها أرواح نقدر نشوفها. ما كانتش بتعاملني على إني ملبوس على قد ما  
يعاملني على إني بافبرك الحكايات دي عشان أفت الانتباه لي، وكان دي طريقتي في  
التعبير عن حزني على بابا، وقداني لاهتمامه بي بعد موته. بس الكلام ده كله كان زمان،  
دولوقت أنا باعترف أحتفظ بأرواحي لنفسي، وما باحكيش لحد على اللي باشوفه، غير قظر  
وجدتي عند اللزوم.

انبعث صوت جدتي في نفاد صبر من المطبخ:

- نوووووووه! لو ما جيتش هاخلاص مربى التوت كلها.

- جاي يا سونة.

نهضت من سريري، فقالت بشرى:

- مش هتكلمي باقى قصتك؟

- هافطر وأجيالك، معلش أصل لما مربى التوت تنايديني لازم ألبى.

قد أنتظاهر بالضيق والانزعاج، لكنني أحب التحدث مع أرواح الموتى، فهي وحدها التي  
تفهم ما لا يقدر الأحياء على استيعابه.

## القضية الثانية

كريم كراميل

١

أصبحت تala الصفيرة صاحبة الضفيرتين كالمدمن الخطر.

فور أن وصلت شقة نادية، فتحت ذات الأعوام الخمسة الباب، وجذبتي من يدي بحماس المجانين إلى غرفتها التي تمتلئ حوانطها الوردية بملصقات الباليريnas النحيفات، تم همست لي وهي تتلفت حولها كاللصوص:

- جبـت الحاجـة؟

أخرجـت من جيـبي السـكـاـكـرـ التي تعـشـقـهـاـ ولوـحـ شـوكـولـاتـهـ كـبـيرـ، فـابـتـسـمـتـ كـاشـفـةـ عنـ غـماـزـتـهـاـ المـلاـنـكـيـتـينـ تمـ قـبـلـتـيـ، فـقـلـتـ لهاـ:

- هـتـخـبـيـ الـحـاجـاتـ دـيـ فـيـنـ ياـ زـنـدـةـ؟

- فـيـ الدـبـدـوبـ.

اتجهـتـ صـوـبـ دـبـ كـبـيرـ، وـفـتـحـتـ الشـخـابـ الـخـلـفيـ الـدـمـيـةـ تمـ دـفـسـتـ السـكـاـكـرـ وـسـطـ القـطـنـ المـنـفـوشـ، وأـعـادـتـ غـلـقـ الشـخـابـ قـائـلـةـ:

- إـوعـىـ تـقـوـلـ حاجـةـ لـعـامـيـ!

- عـيـبـ عـلـيـكـ، هوـ أـنـاـ تـلـمـيـدـ.

فـتـحـتـ نـادـيـ الـبـابـ بـغـفـةـ كـالـمـخـبـرـ الفـشـيمـ، فـراـحتـ تـالـاـ تـعـانـقـ دـمـيـتـهـاـ تـلـقـائـاـ حـتـىـ لاـ تـشـكـ بـهـاـ والـدـتـهـاـ، لـكـنـ نـادـيـ نـظـرـتـ إـلـىـ كـلـيـنـاـ مـنـ خـلـفـ نـظـارـتـهـاـ الـكـبـيرـةـ قـائـلـةـ بـنـبـرـةـ شـكـ وـارـتـيـابـ:

- بـتـعـلـمـواـ إـيـهـ؟

أـسـرـعـتـ تـالـاـ مـجـيـيـةـ بـيرـاءـ كـاذـبـةـ:

- كـنـتـ باـوـرـيـ نـوحـ دـبـدـوبـيـ الجـدـيدـ.

- وـهـوـ دـهـ وـقـتـهـ؟ يـلـاـ، الفـداـ جـاهـزـ.

\* \* \*

في الغالب، لا تدعوني نادية إلى الغداء إلا إذا كانت تحضر رواية بوليسية جديدة مع زوجها، وتود الحصول على معلومات أو تعديلات تقنية تخص أسلوب المباحث.

وقد كان ما توقعته، فبعد أن أكلنا الطعام المحروم جزئياً، واحتسبينا الشوربة اللاذعة ذات الملح الزائد، وضررت نادية التوأميين اللذين نعتا طهيرها بـ«القرف» وبصقا ما أكلاه على السجادة الجديدة، وتذمرت تالاً من طعم السبانخ الذي أقسمت مرازاً وتكرزاً أنها تمقته حتى النخاع، وتبع ذلك تجاهل طارق للزيت المتقطر من جتاح الدجاجة المحمصة التي يأكلها؛ لملمت نادية الأطباق، واحتجزتني مع زوجها في غرفة السفرة بعد أن أعدت ثلاثة أكواب من القرفة بالحليب التي أقبل عليها طارق بينما قلت لها وهي تناولني كوبًا:

- ما باجبيش القرفة.

- دي مفيدة جدًا. اشرب، اشرب.

- هو أنا عيل من عيالك عshan تشريبيني بالعاافية؟!

رمقتني رافعة حاجبها الأيمن ومغلقة عينها اليسرى وقد اتسع ثقباً أنفها وكادت أن تخرج نيراناً من فمها كالتبفين المجنح، فأثرت السلامنة وسلكت مسلك طارق:

- حاضر.

أخذت كوب القرفة الساخن فابتسمت بربما، وراقبتني كمن يتنتظر ضحيته لتبتلع السم:

- ها؟ حلوة؟

- إنت أكيد مش جاياباني عshan أقولك رأيي في القرفة باللين اللي إنت وجوزك بتضريوها حقن دي! انجزي عshan عندي شغل.

- عندك حق.

سحبت الكوب من يدي قائلة:

- خلينا نوفر الوقت. أنا وطارق عايزينك...

قاطعتها ضجئلاً جملتها المبتذلة والمعهودة في كل عام قبل اقتراب موعد معرض القاهرة الدولي للكتاب:

- تبص على اللي إحنا كاتبینه. وربيني يا أختي.

فتحت حاسوبها المحمول ووضعته أمامي على ظص من أربعين صفحة، فقالت:

- أنا هاقرا كل ده!

- لا، الحلة دي بس.

حددت لي خمس صفحات عن ضابط في المباحث الجنائية يتفحص موقع الجريمة، وقد امتلا المشهد بالاخفاء التي يقع فيها مخرجو السينما ومؤلفو الروايات البوليسية، فعُلقت قائلًا:

- أنا فاهم إن قصدكم تطلعوا الظابط روش، بس محدش بيولع سجائر ويرمي الطفي على السجادادة في موقع الجريمة، ولا بيقلب في الجنة كده، وما بنلمسش أي حاجة في الشقة من غير جوانتي وتحت نظر الطب الشرعي. كده موقع الجريمة اتلوث وبصمات الظابط بقت في كل حنة.

قال طارق:

- على فكرة، أنا قلتلها كده بس هي...

آخرسته نظرة نادية المرعبة التي حذجته بها، فبلغ لسانه حفاظاً على سلامته، بينما سألتنى:

- طب فيه إيه تاني؟

- مش بتحرك أي دليل إلا لما يتصور في المكان اللي لقيناه فيه، ولو أدلة بيولوجية مش بتحطها في كيس بلاستيك عشان بيعمل رطوبة ممكّن تبوظ الدليل، النوعية دي من الأدلة بتشيلها في ظرف مصنوع من ورق مخصوص.

ارتشف طارق قرفه مضيقًا:

- طب والله أنا قلت إن رطوبة البلاستيك ه...

قاطعته نادية بضيق:

- إنت بتكتب ملاحظاته ولا مقضيتها تطبيل؟!

- باكتب أهو والله.

قالها منكباً على دفتره العملاق الذي يشبه دفاتر السجل المدني.

- لقيت حاجة تانية يا نوح؟

- لا، الموضوع شكله مشوّق بس بطلوا غلطات الهواة دي وركزوا شوية.

- إنت هتنيط علينا عشان معلومتين. أقسم بالله أنا أقدر...

قاطع توييخها المتعجرف لي صوت شيء زجاجي تهشم في الصالة، فاقتربت نادية من الباب صائحة:

- كسرتوا إيه يا ولاد ال...

استوقفها طارق قائلًا:

- استنى، أنا هاشوف فيه إيه.

خرج وأغلق الباب خلفه، فقررت أن أستغل الفرصة لاهم بالرحيل قائلًا:

- طب أتكل أنا على الله قبل ما تبلغني عيالك.

- استنى، عايزةاك في موضوع. خالتو سوسن عاملة حفلة عشان عيد ميلاد ماما و...

- جوز أمك هييق موجود؟

زفرت قائلة:

- ما خلاص بقى يا نوح! إحنا بقالنا سنين على الوضع ده و...

- وكلنا مستريحين. هي مرتاحة مع جوزها الدكتور فازلين وأنا مرتاح مع نفسي.

telegram: @alanbyawardmsr

- بس دي ماما يا نوح. المفروض تتقبل إن إنت وجوزها تقعدوا على تراييز واحدة عشان...  
عشان...

- مش إنت متقبلة إن واحد تاني ياخذ مكان أبوك الشهيد و...

احتدت نبرتها قائلة:

- ما تلخبطش في الكلام يا نوح!

- لا الخلط ولا ما الخلطش يا نادية، ريحني دماغك مني!

- بكرة تبقى أب وتعرف يعني إيه ابنك اللي من لحمك ودمك يقاطعك.

- أنا مش مقاطع أملك، أنا بيسأطة مش هابق في مكان واحد مع جوزها ده.

- كده ومش مقاطعها؟! إنت آخر مرة سالت عليها كانت إمتهى؟

- ما هي كمان مش بتسأل عنى!

- هو الند بالند؟

- إذا كانت هي كأم قلبها قسي على، أنا مطلوب مني إيه؟

- مطلوب إنك تكبر وتنضج وتطلع السواد اللي جواك من ناحيتها.

ضحكت متهدقا:

- سواد؟! أنا ممكن أسامح أمك على إنها عيشتني طفولة مقرفة كلها شعوذة ودجالين وجهل، وطلعتني ملبوس قدام عيلتها، وخلاتي يقروا بيخافوا ألعب مع عيالهم وبি�شفلاوا قرآن لما أدخل بيورتهم كاني شيطان، إنما إنها تنسى أبويا وتتجوز بعده بستة! آسف!

زفرت نادية وكان كلماتي قد أرهقتها، وقالت بهدوء:

- سامح يا نوح، سامح عشان ترتاح.

- السماح صعب يا نادية، ولو ما اطلبش يبقى مستحيل. أمك عمرها ما اعترفت بغلطتها في حقي، ولا في إنها فرطت في عشان تتجوز! هي اللي اختارت. أنا قلتله لو اتجوزت هاعيش مع تيته، وهي اختارته!

- مش من حقك تخيرها بينك وبين سعادتها. ماما ليها غلطات كبيرة بس بتحبنا بجد وبتخاف علينا من الهوا الطاير و...

نادية! أنا بطنني قلبت من الحوار البايت ده، مسائلك مربى بقى وما تفصلنيش منك!

خلاص يا نوح اتفلق! بكرة تندم على الأيام اللي بتضيعها في الخدام دي!

دخل طارق وهو يلهث متواتزا، وأعلن بلا أي مقدمات:

- يحيي وياسر فتحوا النيش وكسرروا طقم الصيني!

تحولت ملامح نادية الناعمة إلى وجه ساحرة شمطاء، وبرزت عروق عينيها الحمراء وهي تصرخ:

- إيسبيسيه؟! التبيبيسيش؟!

- أنا حاولت أتدارك الأمر بس هما خرجوا عن السيطرة.

صاحت صيحة تشقق لها السقف واهتزت لها الأرض وارتعدت لها المصاييف:

- التبيبيش! النيبيش يا كلآآآآآاب!

خرجت تفلي من فرط ثورتها العارمة، بينما تنفس طارق الصعداء وعاد إلى دفته العملاق  
قائلًا:

- أنا كده عملت اللي على.

نظرت إليه بازدراء قائلًا:

- شعورك إيه وإنتم أب واطي بسلام عياله تسليم أهالي؟

- مش أحسن ما يسلموني أنا؟ دول مش بس فتحوا النيش المبجل، دول كمان كسرروا طقم  
الصيني اللي بالشيء الفلاني!

- ما تلقوهم رياضة عشان يخفووا الهيبة دي.

- مش موضوع رياضة، هما كده، يتفرجوا على أي فيلم أكشن ولا كارتون سوبر هيرو  
فيتجنعوا ويقلدوه ويكسرو في الشقة ويلطشوها في آخرهم الغلابة!

أتنى صوت بكانهما مخلوطاً بسباب ولعنة نادية، فابتسم طارق وقال بربا:

- والله الواحد بيتوغوش لو عدى يوم كده من غير ما نادية تطحن العيال ضرب!

\* \* \*

لا أتذكر مِرْأَة دخلت فيها المكتب دون أن تفوح منه رائحة الطعام، فقطز يسلّي وقته  
بشيئين لا ثالث لهما: القراءة، والطعام. لمعدته قدرة خارقة على هضم أي نوع من الأكل، ومع  
ذلك وزنه لا يزيد جراقاً واحداً!

كان كعادته يأكل على مكتبي حتى لا يتتسخ مكتبه هو، فعلى الرغم من عشقه لأكل الشارع  
وعشوائية انتقامه للطعام، فإنه في غاية النظافة والترتيب، ولا يطيق أن يجد بقعة على  
مكتبه، لذا فلامانع لديه من تحويل مكتبي إلى سفرة.

خلفت سترتي وجلست على المكتب أمامه زافرا:

- عامل حسابي في الأكل؟

وأشار إلى الكيس البلاستيكي الذي يتألق عليه شعار «فلفلة» البرتقالي، ففتحته لأجد ثلاثة  
شطاير كبيرة، التقطت واحدة منها، بينما قال هو:

- أنا قلت أكيد مش هتاكل من طبيخ نادية وهتيجي جعان.

- أكلها يقرف الكلب! مش فاهم طارق مستحمل إزاي!

- أكيد مجسات التذوق عنده خريانة، صحيح، هتعمل، إيه النهاردة؟

- هاعمل ايه فى ايه؟

- مش، هتحتفل بالسنة الجديدة؟

- يعني أليس طرطور مكتوب عليه ٢٠١٦، ولا أنفخ يلالين هيليوه؟!

- إيه الشّكر ده يا نوح؟!

- عايزني أقولك إيه؟ الناس كلها بتحتفل وترقص وتتبسط وإحنا في القسم بناكل شاورما فراخ!

مالها شاورما الفراخ؟! طعمة وبحتوى السناجل الله زينا.

مسح فمه بالمناديل، الصالة مضيفة.

- بمناسبة السنجلة، مش يتمنى تقابل فتاة أحلامك في السنة الجديدة؟

٩٥- فتاة أحلامي؟! الكلمة دى اتلفت من:

- يا سيدى خلاص، مش بتتمى تلاقي الفڑة الفتاكه؟ حلو كده؟

- بلا هزة بلا زفت! أنا مش عايز من السنة دي غير حاجتين اتنين.

- ارگی.

- الترقية، ومنتج يقضى على الصنع. شعرى بدأ يخف واحنا عيلة رحالتها ضلوع و... .

**فتح الباب بهموجية ليدخل الرائد صلاح الشبي قائلاً سخافته المعهودة:**

- هابي نيو بير لسيادة النقيب لمونة وزميله النقيب نسكونيك.

هنا أدركت أن لي أممية ثالثة: رصاصة في متنصف جهة صلاح تربه قتلاً

لم أجده، بينما همس قطعاً: «هار، زفت على دماغك»

جلس اللز على الكرسي، ومد يده إلى كيس الطعام بلا استئذان ساحبها شطيرة تفحص محتوياتها قائلاً:

- ایه ده؟ بانیه؟ ایه اکل الفرافیر ده یا اینه؟!

اختطف قطر الشطيرة من بين أصابعه القصبة بعنف قائلًا:

- خلاص، ما تاكلش!

استعاد صلاح الشطيرة بفوغائية قائلًا:

- يا عم باضحك معاك.

ضحك ضحكته الصفراء، تم قضم بوحشية ومضغ بطريقة حيوانية، وأخذ يتكلم والطعام يتطاير من بين شفتيه والمايونيز يسيل من جانب فمه:

- هتسهروا فين الليلة دي؟ أصدقاء السوء هياخدوني كباريه إنما إيه!

أخذ قضمته أخرى، ثم أكمل كلامه متابهياً:

- إبليس يتكشف يقعد فيه. وهتحيي السهرة الرقادة الكرياج دي... اسمها إيه؟

لم نعره اهتماماً، لكنه استطرد:

- مش مهم اسمها، المهم إنها هتبقى سهرة ولا جهنم الحمرا.

قلت ضجراً:

- طب ما تاخد الأكل وتأكله في الطريق عشان تلحق تتعذر في جهنم صف أول؟

- ما أنا خلاص خلصت.

كُور ورقة الشطيرة وألقى بها أرضاً، تم مسح فمه بكل قفيصه الأحمر الرخيص مضيقاً:

- أنا سايب القسم أمانة في إيديكم يا ولاد، هه. عايز الأمان يفضل مستتب لحد ما أرجع.

نهض متوجهًا إلى الباب:

- سلام يا كنيب منك له.

خرج بضحكته النابحة وعطره المزعج، بينما قال قطز متسللاً ورقة الطعام من على الأرض:

- ياكشن تموت هناك عشان تبقى موتة تجسسة!

\* \* \*

عندما أشعر بالضجر أخرج من المكتب وأتمشي في طرقات ونواحي القسم. أنزل عدة سالم وأصعد أخرى، بينما يظل قطر يقرأ في أحد الكتب التاريخية أو الروايات البوليسية، أو الرومانسية سڑا.

في هذه الليلة كان الوضع هادئاً وأمّا، فما من جريمة قد ترتكب في مثل هذا التوقيت الذي يشغل فيه الناس في انتظار العد التنازلي كي تدق الساعة الثانية عشرة عشرة مستقبلين سنة جديدة أجهل ملامحها، ولا أنتظر منها سوى ترقية وخطوة أفضل في مستقبل المهني.

في طريق عودتي إلى المكتب، والسماء تفجر بالألعاب النارية التي لم تتوقف عن الفرقة لقراة خمس عشرة دقيقة، إذ بقطار يناديني من الشرفة متوجلاً:

- تعال، فيه بلاغ جالنا.

- ما تقولش الرجال العجوز اللي بيشتكي من الدوحة ده، تاني!

- دوشة إيه؟! دي جريمة قتل!

- قتل؟! حد يقتل دلوقت؟!

- ده مش أي حد، دي مرات يوسف المنياوي.

- الاسم ده مش غريب علي.

- يا عم ده المنتج اللي كان متوجز نادين المندي الممثلة الشقرا أم عيون عسلى دي.

ضدمنت:

- إيه؟! يعني نادين المندي اتقتل؟

- مش نادين اللي ماتت. نادين ويوسف اتطلقو من سنة. إنت مش متتابع ولا إيه؟

- وأنا مالي أنا مين اتجوز ومين طلق! مين القتيل دلوقت؟

- فزة بلطية كده بتطلع مع يوسف في كل حنة، دي اللي اتجوزها بعد نادين، ودي اللي اتقتل.

حك ذقه في طريق خروجنا من القسم مضيقاً:

- أكيد نادين قررت تنتقم من يوسف عشان اتجوز غيرها. أصل قصة حبهم كانت عنيفة.

لا يكف قط عن تحليلاته العاطفية ذات الطابع الدرامي!

هكذا قصوا علينا الأمر، وهكذا سأقصه عليك:

في شارع «يهجت علي» في الزمالك، اعتاد يوسف المنياوي الاحتفال بالسنة الجديدة في فilate الفارهة ذات الأعمدة الإغريقية العالية، والسلف الذي يأخذ شكل القبة، والحدائق التي تزدحم بالأشجار، يجتمع المشاهير في الصالة الرخامية الملمس أسفل الثريا المنيارة، ثم شفطاً الأضواء، ويبدا العد التنازلي حتى تدق الساعة الثانية عشرة معلنة عن مولد عام جديد.

لكن هذه المرأة أعلنت الساعة عن جثة!

بعد أن هدأت الموسيقى، وأطفئت الأضواء وبدأ العد، سمع الحضور صريحاً نافذاً من شرفة الطابق الثاني للقيل، وقبل أن يندفعوا نحو الصوت إذ يرون جسد ديدا زوجة يوسف يسقط من شرفة غرفتها ليستقر فوق درجات سلم مدخل القيل، فيتهشم الرأس، وتلفظ أنفاسها الأخيرة.

\* \* \*

كانت جثة لامرأة قصيرة القامة في الثلاثينيات، ذات جسد ضئيل لكنه ملفوف كثيف الانحناءات، لها شعر قصير وعيان واسعتان وساقان آية في الجمال، ترتدي ثوب نومها الأحمر القصير الذي لا يخفى أبداً من مفاتنها. سالت الدماء من رأسها على السلالم الرخامية في المدخل، لكنني لاحظت طعنة في بطنها.

ظل قطز يتنظر إلى الشرفة العالية التي سقطت منها، ثم إلى جنتها التي التف حولها رجال الطب الشرعي والبحث الجنائي متقطتين صوزاً ومحددين موقعها، حتى قال:

- ده مين اللي شقلطها في الجو كده؟

- أكيد نفس الشخص اللي طعنها في بطنها.

أضاف حسني المستكاوي، بينما خملت جثة ديدا إلى المشرحة:

- وفي ضهرها كمان. فيه طعنة في البطن والظهر. هتشتغل في الجثة وهنعرفكم الجديد.

بدأنا التحقيق مع الحضور وقد سمعوا ورأوا جميماً المشهد نفسه: صريح، ثم سقوط الجثة فوق سالم المدخل. وكانت المطرية الشهيرة نيلي، ذات العينين الواسعتين والشعر الغجري، جالسة على كرسي في الصالة ترتجف ودموعها تنهمر وهي تقول بصوتها الرقيق:

- أنا طلعت الجنينة بعيد عن الدوشة عشان أكلم جوزي في أمريكا وأقوله هابي نيو بير.

فسمعت صريح، يابص لقيت ديدا بتصوّت من بلكونة أوضتها وبنقول الحقوني، وفجأة سندت على السور كأنها أغمن عليها أو نامت، وبعدها وقعت بالمقلوب كأن حد رفع رجليها من على الأرض، ونزلت على السالم ودماغها انفتحت!

أخذت تبكي مرتعشة:

- المنظر كان فظيع! مش قادره!

قال قطز الرومانسي:

- معلش يا مدام نيلي. هدي نفسك. دا أنا من أشد معجبينك والله.

قدم لها منديل، فأخذته ومسحت دموعها بطرفه قائلة برقه:

- ميرسي خالص.

- لا ميرسي على واجب. والله لو لا الظروف كنت أخذت معاكي سيلفي.

ضحك نيلي، فأضاف مستحثًا ظله:

- أيوه كده، اضحكي خلي الشمس تطلع. أنا باحب أغانيك أوي.

تم راح كالابله يدندن إحدى أغانيها التي لا معنى لها ولا إيقاع، فوكزته هامشا:

- إنت أهطل يله؟ فين هيبة الشرطة؟!

- ما هي حاجة تنقط بربو، يعني يوم ما أشوف كل النجوم دول، يبقى عشان تحقيق في جريمة قتل؟!

تجاهلت صبيانته، والتفت إلى نيلي قائلاً بنبرة جافة:

- ما شفتيش حد في البكونة قبل أو بعد القتيلة ما وقعت؟

- لا، ما شفتش حد خالص.

- تمام، شكزا.

ما إن التفتنا وراءنا، بعد أن انتهت استجواب نيلي، حتى وجدنا يوسف المنياوي يقترب منها. كان رجلاً في مقتبل الأربعينيات، حليق الذقن، طويل القامة، يرتدي نظارة باهظة الشمن وببدلة سوداء أنيقة تكشف عن جسده المشوش، وكانت له ملامح راقية لا يعكر صفو شبابها سوى شعره الرمادي الخفيف الذي يكاد لا يرى بالعين المجردة.

بدا مذهبأ ومضدوفا، ولكن ليس بالقدر الذي يجب أن يكون عليه من قتلت زوجته للتو.  
ـ البقية في حياتك يا أستاذ يوسف.

ـ حياتك الباقيه. ينفع ضيوفي يمشوا دلوقت ويبيقوا ييجولكم القسم بكرة، عشان الوقت  
اتآخر؟

اندفع قطر قائلًا:

ـ أكيد طبعاً، إحنا برضو تهمنا راحة ضيوفك.

ـ أنا بس مش عايزة شوشرة أكبر من كده، كفاية اللي الصحافة هتكبه و...  
قاطعته غير مبالٍ بقلقه من الصحافة الصفراء:

ـ حضرتك كنت فين لما المدام وقعت؟ ضيوفك بيأكدوا إنك ما كنتش في الصالة.

أجاب بهدوء:

ـ زين طلبت مني أطلع أوضة ديداً.

ـ زين مين؟

ـ الهاوس كبير.

ـ يعني حضرتك طلعت أوضة المدام في نفس اللحظة اللي وقعت فيها؟

ـ مش بالظبط. أنا وصلت «الكوريدور»، سمعت صريح، ولقيت الباب مفروم من جوه،  
خبطت، محدش فتح، فكسرت الباب، لكن ما لاقيتش حد في الأوضة فنزلت تاني بسرعة.

ـ الجريمة حصلت والباب مفروم من جوه، وإنتو لما دخلتوا ما لقيتوش حد؟  
ـ مظبوط.

ـ الأوضة لها باب واحد؟

ـ أيوه.

ـ سأله قطر باهتمام:

ـ بتشك في حد معين؟  
ـ أنا مليش أعداء، الناس كلهم جايبي.

- والمدام؟

- لها مشاكل الستات العادية اللي عمرها ما تؤدي للقتل.

نظر حوله ثم قال:

- لو تسمحولي بس أقول لضيوفي يرّوحوا وأرجعلكم تاني.

هز قطّر رأسه بشاشة، وأجابه مرتختاً:

- طبعاً طبعاً، افضل.

الج سؤال على خاطري، فسألت يوسف قبل أن يعود إلى ضيوفه:

- لحظة يا أستاذ يوسف، هو إيه السبب اللي ممكن يخليك تسبب ضيوفك في أهم لحظة في الحفلة وتسمع كلام الشغاله وتطلع أوّضة ديداً؟

حلّ أنفه قائلاً بعينين زانفتين:

- ما لحقتنش أسألها.

ثم أدار ظهره ليبتعد عنا مسرعاً، وحيثها همست لقطّر بيقين مطلق:

- الرجال ده بيكتب.

- عشان حلّ مناخيه، صح؟

هزّت رأسي موافقاً، فتلك هي بديهيّات لغة الجسد.

أشهد قطّر في الحديث محللاً الموقف:

- الصراحة موقفه زفت، ما هو مش منطقى يعني إن واحد عامل حفلة متكتفة كده، ويسيبها في ذروتها عشان الشغاله نادته، وأكيد مش صدقة إنه يختفي في نفس لحظة وقوعها من الـblownout!

- اللي مش منطقى أكثر هو إن مراته اللي يتطلع معاه في كل المناسبات والحالات ما تباقاش حاضرة الحفلة المعمولة في بيتها!

- مش حاضرة إزاى؟!

- دي كانت لابسة قميص نوم! إيه اللي يخليها تسبب حفلة جوزها وتطلع تمام قبل الكاونت داون؟!

\* \* \*

ارتدينا القفازات، ودخلنا حجرة تحولت من غرفة نوم أنيقة وكل ما بها غالى الثمن وقابل للكسر إلى موقع جريمة يكفي برجال البحث الجنائى.

يتوسط الغرفة سرير عالٍ، وفي أقصى اليمين يوجد حمام بابه مغلق، وعلى اليسار الشرفة الكبيرة التي سقطت منها الضاحية، وكان سور الشرفة عاليًا، لا شك أنه يصل حتى بطن الضاحية قصيرة القامة، وهذا ما تؤكده بقع دمائها على السوون ثم رقعة دائرة كبيرة من الدم على الأرضية، حيث ظعنت في ظهرها قبل أن تلقى من الشرفة.

تابع حسني وفريقه جمع الأدلة، وقد لاحظنا كوبًا زجاجيًا مكسوزًا بجوار الحانط، وطبق فاكهة كبيرة تناولت ثماره على السجاد التركي، بينما استقر الطبق بالقرب من السرير الذي تدللت أطرافه ملائمه على السيراميك البارد.

علقت على ما لاحظته قائلًا:

- كان فيه خناقة.

هز قطز رأسه موافقاً، بينما أشار إلى تفاحة حمراء ملقاة أرضًا:

- التفاحة نفسها متفسخة.

أدركت ما يرمي إليه، فدققت النظر متتفضاً معه:

- يعني طبق الفاكهة كان فيه سكينة.

التفت إلى أحد رجال البحث الجنائي وسألته:

- فيه حد لقى سكينة هنا؟

- لا.

أعلن قطز مستنجدًا:

- يبقى هو ده سلاح الجريمة اللي اتعنت بييه الضاحية.

- والسلاح ده مش موجود!

نظرت إلى آثار الأقدام التي تحمل القليل من الطين على السجاد باهظ الثمن، ثم تتبعتها بنظربي لأجد أثراً آخر عند باب الحمام، فتوقفت عند عتبته لأجد بقعة داكنة من الدماء.

لقد ظعنت ديداً الطعنة الأولى في بطنها في هذه المنطقة بالتحديد، ثم ركضت في اتجاه

الشرفة لستتجد، فتلتقط الطعنة الثانية في الظهر ثم أقيمت من الشرفة.

سألت حسني وأنا أفتح باب الحمام:

- لقيتوا حاجة في الحمام؟

- نفس آثار الزوجين اللي على السجاد موجودة فوق طرف البانيو.

نظرت إلى الحمام النظيف بشكل مبالغ فيه، ولم أهتم بتفاصيله الراقية، بل تعلق نظري بالنافذة الكبيرة المفتوحة فوق حوض الاستحمام.

اقتربت من النافذة الكبيرة فاكتشفت أنها تطل على شجرة ظل متينة الجذع والفروع، ويسهل تسلقها، بحيث إذا استند القاتل على طرف حوض الاستحمام وجلس على سور النافذة يمكنه أن يصل بسهولة إلى الشجرة التي تؤدي إلى الجزء الخلفي من الحديقة المطل على الجراج الخاص بالفيل.

هكذا اتضحت طريقة الدخول والخروج دون الاستعانة بالباب.

ديدا كانت نائمة في غرفتها، وأغلقت الباب من الداخل - لسبب لم أتبينه بعد . ثم تسلق القاتل الشجرة إلى نافذة الحمام، ومنه إلى الغرفة، وقتلها، ثم خرج بالطريقة نفسها، وما يثبت صحة نظري تلك الآثار في الحمام التي تحمل بقايا من الطين، ولا شك أن مصدرها الحديقة.

دققت النظر أكثر، فوجدت مسماراً بارزاً في طرف النافذة الخشبي، جعلني أحمن أن من تسلق الشجرة ودخل من النافذة لا شك أنه أصيب بجرح، أو على الأقل تمزق بنطلونه.

- بص لقيت إيه؟

قالها قطط مشيزا إلى علبة السجائر والولاعة الموجودة عند طرف السرير، وواصل موضعا:

- علبة كليوباترا، وولاعة بلاستيك رخيصة! ما أظنن أن دول يخصوا يوسف.

وضعت يدي في جيبي وقلت:

- تفكري دي الحاجة المهمة اللي الشفالة شافتها وندهت يوسف عشانها؟

- نادته عشان علبة كليوباترا؟!

- عشان اللي بيشرب الكليوباترا يا أهطل!

- كليوباترا؟! اسمها كليوباترا. بطلوا جهل بقى!

- طب ركّز يا سفير ماركات السجائر في الوكسة اللي إحنا فيها.

- ما أنا هرّكّز أهو. إنت قصدك يعني إن مراته كانت بتخونه والشغالة شافتهم وندهت على يوسف عشان يقفشهم؟

هزّت رأسي مؤكّداً ما استنتاجه، فحك ذقنه مردفاً:

- فدمه اتحرق، وما قدرش يسيطر على نفسه، فسحب أول سكينة شافها قدامه و...

- وطعنهما مُرّة عند باب الحمام فجريت على balkone تصرخ، فقام طاعنها الطعنة الثانية وراميها من فوق.

نظرت نحو الشرفة متخيلاً المنظر من الداخل، فوجدت ثغرة:

- بس يوسف طويل أوي. لو هو اللي عملها، نيلي كانت هتشوّفه وهو واقف ورا ديدها لو مشينا على شهادة نيلي ببقى القاتل لازم يكون في طول ديدها أو أقصر منها، بحيث إن محدش يتّشوّفه وهو واقف وراها، ويكون خفيف الحركة فيقدر يهرب من شباك الحمام ويتسلق الشجرة برشاقة.

- شباك الحمام؟!

نظر قطر في اتجاه الحمام فلاحظ النافذة الكبيرة المفتوحة:

- يعني إحنا دلوقت بندور على واحد قصير ورفيع؟

- وغالباً بتطلوته مقطوع.

\* \* \*

يعمل في الفيلا بستاني مسن، وسفرجي، وتلاته خادمات تحت إشراف زينب كبيرة الخدم التي لم تلقها بعد، لكنها كما محظوظين لاستجواب ألطاف، أصغر الخادمات سناً وأكبرهن حجماً وأكثرهن كلاماً حيث وهبها الله لساناً نشطاً لا يعرف الملل:

- أنا هاحكي لك يا باشا. وداد كانت...

قاطعها قطر مستفهماً:

- وداد مين؟

- بسيسيه يقطعني، قصدي الست ديدها. ما هي أيام ما كانت دادة كان اسمهاً وداد، بس بعد مااليه اتجوزها ونضفها بقت ديدها هانم.

مختصت شفیعہ بغل:

دھنیو

سالها قطره منهذا:

دیدا کانٹ الدادہ؟

أخذت نفسها عيًقا استعداداً لماراثون التنمية الذي ستبده، ثم انطلقت بلا هواة:

- أيام ما البيه كان متوجز النجمة الشكرة نادين هانم، وداد كانت الدادة بحاعة الهاشم الصغيرة فريدة بنت نادين ويومسف بيه. الست نادين كانت مهتمة بالسيما، وأهملت البيه في الفترة الأخيرة، قوم وداد الحية تلف على يوسف بيه، وتلذع الإيد اللي اتمدلتها، وتتدخلب وتخليه يتتجوزها عشان جنة طبة كريم كراميا!

- کریم کرامبی،

- ما أنا جايالك في الكلام، الهانم الصفيرة بتعشق الكريم كراميل زي عينيها، لكن محدش  
كان بيعرف يعمله على مزاجها غير اللي ما تتسمى وداد، فقبلوا يستغلوها عشان فريدة هانم  
شبيطت فيها، مش هي لوحدها، ده حتى البيه اللي كان ما يطيقش زفارة البيض الحية عرفت  
تحببه فيه، وبعد كده لما نادين هانم كانت مسافرة، وداد غوت البيه وديسته، ومدام نادين  
عرفت وكانت خناقة لرب السما، فاتطلقو، واتجوز وداد المقشفة، تقولوش عاملله عمل يا  
ياشا

**علقت بعد أن قررت ألطاف أن تخرس قليلاً لستعيد أنفاسها اللاحقة من أثر التقيمة:**

ـ ده إنت معيبة منها بقى؟

- هو فيه حد في البيت ده طايقه؟ دي ما رحمنتش لا صغير ولا كبير، حتى البيه نفسه في الفترة الأخيرة بقى بيتحانق معها ليل نهار، وكان هيطلقها. أنا سمعته إمبارح بودني وهو بيقولها تتطلق وأديك الفلوس اللي إنت عايزها. أصل شكله كده والله أعلم يعني حن لمدام نادين. أنا كنت باسمعه كبير بيتسحب عشان يكلمها في السر، ووعدها إنه هيطلق اللي ما تتسمى. بس وداد قالته تطليقني إزاي وأنا حامل. البيه وشه جاب أووان، وقرر إنه يستحملها عشان العيل اللي في بطئها. المعرفة بقى مش تتعظ وتصلاح معاملتها مع البيه؟ أبداً، كل شوية خلاق ونكمد. دي المفترية حتى اتخانقت معاه وتنكمدت عليه في الحفلة.

- إمتن بالظبط؟

- قبل ما يطفوا الأنوار بيبجي نص ساعة. شقتها متزربة ويوسف بيه وراها في الطرقة.  
أنا كنت باجيب الكريم كراميل للهانم الصغيرة في أوضتها، وسمعته بيقولها «إنت مش  
هبيطلي غيرة ونكم؟ ما ينفعش تمشي في نص الحفلة!»، راحت فاتحة فيه ومزعجة وقالله  
«يعني طليقتك تبعنك كلام حب ومش عايزني أتعصب؟!». وبعدها رزعت باب أوضتها والبيه  
نزل. ولما طاعت من عند الهانم الصغيرة هي قفشتني وقالالي «روحني يا زفة جيبيلى  
كوباياة البن بتاعتي وطبق الفاكهة»، فججتهم، ودي كانت آخر مرة أشوفها قبل ما ربنا  
ياخدتها يا باشا.

- سكينة الفاكهة دي شكلها إيه؟

- إيدها بمبي وعليها ورد.

- يعني ملخص الرغي ده كله إن وداد كانت في الحفلة، وبعد كده اتخانقت مع يوسف،  
وطاعت أوضتها وما نزلتش تاني، صح؟

- أنا عن نفسى ما شفتهاش نزلت تاني.

- وتفتكري مين مع肯 يقتلها؟

- شوف يا باشا، هي منكدة علينا عيشتنا كلنا، بس محدش مننا يقدر ينديها، إحنا بنخاف  
ربنا برضك.

- مش لازم يبقى حد منكم، ما سمعيهاش بتخانق مع أي حد من بره الفيلا؟

- أقول مين ولا مين، هو فيه حد وداد ما بتخانقش معاه يا باشا؟! ده حتى إمبارح الصبح  
دبخت خناقة لرب السما مع شكريبة.

- مين شكريبة دي كمان؟

- أختها الكبيرة، شغالة ممرضة في القصر العيني، وكانت بتعرض البيه الكبير أبو الاستاذ  
يوسف الله يرحمه، وهي اللي جابتانا المدعومة أختها تشتعل هنا.

- اتخانقوا على إيه؟

- ما أعرفش، بس تلاقيها كانت عايزه منها فلوس، ما هي اتعودت تغرف من مال البيه  
وتدى لاختها. أنا لحقت الخناقة في آخرها، وسمعتها بتشرشح وتقول «ده أنا أفضحك  
وأشرب من دمك»، أصل شكريبة كلبة فلوس وتهش مصارين اللي قدامها عشان القرش، دي

لو لقيتك خمسة جنيه هتاخدك تصرفك، وبعدين بتغير من أختها عشان اتجوزتاليه وبقت في الهمومة دي كلها وهي لا.

- إنت شايفة إن شكريه ممكن تتصل أختها؟

- يمكن يا باشا، دي عيلة بنت حرام ما تعرفش ربنا!

\* \* \*

طلبنا من يوسف يتصل بشكريه، ويطلب منها الحضور العاجل. وسألته:

- هو حضرتك والمدام اتخانقتو ليه؟

أجاب بتفانية:

- غيرة سبات. نادين بعتلي بوكيه ورد عشان السنة الجديدة، فديدا شافت الكارت واتعصب.

- بس كده؟

- أيوه، ديدا طبعها عصبي ومخها صغير.

- وهي مش غريبة برضو إن نادين تبعتلك بوكيه بعد الطلاق العنيف اللي حصل ما بينكم؟

- عنيف؟! بالعكس، إحنا طلاقنا كان متحضر جدًا، وفضلنا أصدقاء عشان مصلحة فريدة.

- أكيد عنيف ما دام سببه إنك اتفقشت مع الداده.

ارتبك وصاح بي بعصبية لا تليق بلامامه الهاڈة:

- إنت إزاي تسمح لنفسك تتدخل في خصوصياتي وتتكلم بالأسلوب السخيف ده؟!

تدخل قطز بدبليوماسيته المعتادة:

- بلاش حساسية يا أستاذ يوسف، إحنا لازم نسألك عن كل تفصيلة عشان أمانك. إنت مش عايز تعرف مين اللي اتجرا يقتل مراتك في بيتك ووسط ضيوفك؟

زفر حاتقاً، وخلع نظارته ليفرك عينيه، ثم لبسها وقال بنبرة متوتة:

- أكيد طبعاً عايز أعرف، بس هو طلاقي له علاقة بالجريمة؟

سألته محاولاً أن أبوه أقل فظاظة:

- وداد لو ما كانتش حامل كنت طلقتها ورجعت لمدام نادين، مظلبوط؟

ارتبك ثانية، ثم قال متبئاً نظارته على أربعة أنفه:

- ده مين اللي بيطلعلك أسرار بيتي؟

- خلاص يا سيدى، إيه نوع السجائر اللي حضرتك بتدخنها؟ أظن دي بقى مش أسرار  
بيتك.

استغرب السؤال، لكنه أجابني متزدداً:

- أنا باشرب سيجار مش سجائر. إنت ليه...

- والمدام بتدخن؟

- دافيدوف. ده له دخل بالقضية؟

- أومال يعني ياسألك ليه؟ هانزل أجيبلكم دخان من الكشك؟!

حدجي قطع ليحدزرنى من العصبية، فزفرت مجدداً لأمانه سؤالاً جديداً:

- إنت أعلنت حمل مدام وداد؟

- لا، هي فضلت تستنى شوية عشان بتخاف من الحسد.

- نادين عرفت إنها حامل؟

- لا.

- نادين كانت فين في توقيت الحفلة؟

- عندها تصوير في أسوان ولسه هترجع آخر الأسبوع.

- متأكد إنها كانت في أسوان النهارده؟

- متأكد طبعاً.

- طيب، نادي على الهاوس كبير.

- هو إنت بتشك في حد معين؟

- في الوقت الراهن، كل اللي كانوا في البيت وقت الحفلة بالنسبة لنا مشتبه فيهم.

\* \* \*

انتظرنا في الصالون الذي يقلب عليه اللون الذهبي وتنتشر فيه التمايل واللوحات الفنية

المجردة التي ظل قطز يحدق فيها بإعجاب، بينما أشعلت سيجارة ليروي البيكوتين ظمني.

علق قطز بعدهما فرغ من دراسة اللوحات:

- أنا حاسس إن يوسف مش زعلان. بذمتك ده منظر واحد مراته الحامل اتقتل؟!

- إما إنه ما صدق خلص منها، وإما لسه تحت تأثير الصدمة.

- أو هو اللي قتلها عشان يرجع لمراته القديمة.

- اتكل ع الصبر، وما تسبقش الأحداث.

- طب علبة السجاير دي بتاعة مين؟

- أكيد محدش من المعازيم اللي كانوا في الحفلة بيدخنوا كليوباترا. يبقى مش ناقص غير اللي شغالين في الفيلم. الشغالات كلهم قالوا مش بيدخنوا، والكل شهد إن السفرجي فضل في المطبخ طول الحفلة بيلاحق على الأكل بالعاافية، والجنايني راجل كبير وما كانش موجود أصلًا، كده فاضل مين؟

- يوسف المياوي!

- لا، فاضل السوق.

قطع حديقي مع قطر دخول امرأة قصيرة في مقتبل الخمسينيات، ذات وجه شديد الصرامة، حاجبها الرقيقان معقودان، وشعرها الذي تخلله الخصلات البيضاء معقوص بشدة إلى أعلى، تضغط على فكيها بقوة واضحة تتماشي مع شدة ضمها لقبضي يديها المغلقتين، وقد اقتربت منها بخطى ثابتة ورأس مرفوع، ناظرة إليها بشموخ ملكة مجلة، حتى نقطت ببرة راقية:

- بونسوار يا بهوات، مسيو يوسف قالـي إن حضراتكم محتاجين مساعدـي.

أشار قطر لكبيرة الخدم بأن تجلس على الكرسي المقابل، فجلست مفرودة الظهر كالموناليزا.

- مدام زينب...

قاطعـتني بحـدة:

- مـاموزـيلـ، من فـضـالـ.

قلـت ضـجـزاً من التـفـاصـيلـ الـتيـ يـصـرـ كلـ فـردـ فيـ ذـلـكـ الـبـيـتـ الـمـمـلـ أـنـ يـدـخـلـنـيـ فـيـهـاـ:

- يا جـنـابـ مـعـالـيـ زـينـبـ هـانـمـ، الأـسـتـاذـ يـوسـفـ كـانـ فـيـنـ وـقـتـ الـحـادـثـ ؟

- كانـ مـعـاـيـاـ. طـلـعـناـ سـلـالـمـ الدـورـ الثـانـيـ، إـحـنـاـ عـنـدـ «ـالـكـورـيدـورـ»ـ سـمـعـناـ صـرـيخـ المـرـحـومـةـ، بـسـ الـبـابـ كـانـ مـقـفـولـ مـنـ جـوـهـ، وـبـعـدـ كـذـاـ مـحاـوـلـةـ قـدـرـنـاـ نـكـسـهـ، لـكـنـ لـقـيـنـاـ الـأـوـضـةـ فـاضـيـةـ.

- وـإـيهـ الـلـيـ خـلـاـكـمـ تـسـبـبـواـ الـحـفـلـةـ وـتـطـلـعـواـ الـأـوـضـةـ مـنـ الـأـسـاسـ ؟

شـدـدتـ قـبـضـتـيـهـاـ وـقـالـتـ بـهـدوـءـ:

- دـهـ سـؤـالـ يـقـدـرـ يـرـدـ عـلـيـهـ مـسـيـوـ يـوسـفـ، وـ...

قـاطـعـتـهـاـ بـحـدةـ وـقـدـ نـفـدـ صـبـريـ:

- إـحـنـاـ الـلـيـ تـحدـدـ مـنـ يـرـدـ عـلـيـ إـيهـ !

أـضـافـ قـطـرـ بـرـقـتهـ الـمـعـهـودـةـ مـعـ السـيـدـاتـ، وـكـانـ يـعـتـذرـ لـهـ نـيـابةـ عـنـيـ:

- إـحـنـاـ حـايـنـ نـسـعـ الـإـجـابـةـ مـنـ حـضـرـتـكـ. إـيهـ الشـيـءـ الـضـرـوريـ الـيـ كـانـ لـازـمـ يـشـوفـهـ فـيـ أـوـضـةـ وـدـادـ؟

- أقولهم أنا يا زوزو؟

قالتها فحاة في الثانية عشرة من عمرها، تقف عند طرف الباب ممسكة بدمية كبيرة وطبق كريم كراميل لا أحد فرقا بينها وبينه، فقد كانت بدینة ورخوة وبیضاء البشرة ولها عینان عسليتان وشعر نبی كالکريم كراميل. مشت بخطوات بطینة بمنامتها الوردية، حاملة دميتها، ثم جلست على الأريكة بجوار زینب، وأكملت أكل الکريم كراميل قائلة:

- أنا اللي ناديت زوزو وقتلتها إني...

قاطعها زینب ببررة آمرة:

- فريدة! إنت إيه اللي صحابي دلوقت؟

- أنا ما نعشن أصلًا. كنت قاعدة باتفرج عليكم من فوق.

التفتت إلى مضيفة:

- كنت باتفرج على فيلم «Saw»، عارفة؟

- ده كله دم وقططيع! مش بتخافي؟!

- بابي بيقولي لازم أبقى شجاعة وقلبي جامد، بس أنا أحيانا باخاف وباجري على أوضنه، إحنا أوضنا جنب بعض، لكن أنا مش باخاف كبير.

كررت زینب ببررة جادة:

- فريدة، ع النوم فوازا.

- بس يا زوزو أنا...

- فريیدة!

كادت المراهقة التي امتلا وجهها بحب الشباب أن تنهض، لكن استوقفتها قائلة:

- خليلك يا فريدة، قوليلي حصل إيه؟

ابتسمت كاشفة عن أسنانها اللؤلؤية، وجلست بكرشها الممتلة، وقالت متجمسة:

- وداد الرزقنة خلت ألطاف تطلعني أنام و...

قاطعها قطر:

- ليه بتقولي عليها زفته؟

- أنا باشتمها زي ما هي بتشتمني على طول وبتريرق على وبتقولي يا بطة، ومرة قبل كده ضربتني زي ما ضربت زوزو على وشها ...

آخرستها زينب وهي تصيح بها بغضب مكتوم، فخرج صوتها كفحيح الأفعى:

- فريسيبيدة!

غضت القناة شفتها، ثم بدأت تداعب خصلة من شعرها المجعد كالإساجيتي، بينما أضافت زينب:

- حضرة الظابط، دي بنت عندها اتناسن سنة، ما ينفعش تتحقق معها.

أجبتها ببرود متجاهلا خطبتها:

- ده مش تحقيق، كملي يا فريدة.

أشهبت الصغيرة في السرد بحماس، وكان إنصاتي إليها سد جوعها للاهتمام:

- طلعت أنا، بس كت جعانا وطلبت من ألطاف تجييلي كريم كراميل من اللي في الحفلة، لكن وداد شافتها وفضلت تزرع وتقول «هاتيلي اللبن والفاكة وسيسيي البغله دي». وبعد ما ألطاف جاياتها الحاجة ومشيت، أنا سمعت دوشة من أوضتها، فصبيت من خرم الباب لقيت سعيد بيزعقلها، وماماك السكينة البينك ويبيقولها «هاموتلک هاموتلک»، وهي قالتله «أنا حؤلت الفلوس في حسابك».

خففت فريدة صوتها، ثم همست مضيفة بخجل طفولي:

- وحضرته وباسته في خده، وقالتله «إنت ملكتش غيري، ما تسمعش كلام شكريه».

ارتبتكت زينب، لكنها لم توقف فريدة ولم تمنعها من الكلام، بينما أكللت فريدة حديتها بأسلوب مسرحي ثقير فيه طبقة صوتها وتمثل الكلمات بيديها:

- لفيت لقيت زوزو واقفة ورايا وبتقولي «عيوب تتجسس على حد»، لكن أنا قلتلها سعيد

جوه مع ...

قاطعها قطر مستوضحاً:

- سعيد مين؟

أجبته زينب بهدوء:

- الشوفير.

أكملت فريدة مسرعة لتعيد تسلیط الأضواء علىها:

- قلت لزوزو هانادي على بابي بسرعة يشوف بنفسه، بس هي قالتلي «خليلك في أوضاعك وأنا اللي هناديله»، لكن وداد سمعتنا، فلما بابي جه وكسر الماپ ما لقاش حد.

التفت إلى زينب مستجوباً إياها:

- هي دي الحاجة الضرورية؟

تهدت، ثم قالت بيطء:

- للأسف! أنا حاولت ألقح لمسيو يوسف كثير بشأن...

توقفت عن الكلام لتنظر إلى فريدة التي بدأت تقطع بعض شعرها وتمضي بشكل لا يليق بفتاة في سنها، وأسرعت تهتها:

- سببي شعرك يا فريدة!

تركت شعرها سريراً، ثم بدأت تداعب دميتها المحشوّة التي تقبض على رقبتها بعنف، فقالت زينب زافرة:

- أنا مش هاعرف أتكلّم والبنت قاعدة!

اندفعت فريدة معرضة:

- أنا مش صغيرة! أنا فاهمة وعارفة كل حاجة. وداد كانت بتخون بابي. بابي أصلًا مش بيحبها، ولو لا إنها حامل كان طلقها.

التفتت إليها وهي تهز قدميها بتوتر:

- وداد ضحكت على لما كانت الناني بتاعتي، وخلتني أحبهَا عشان تتجوز بابي، ومامي عيطة كبير بسببيها!

التفتت إلى زينب قائلة بعصبية:

- قوليلهم يا زوزو إنها مؤذية، احكيلهم إزاي ضربتك التهارده، وكانت هتخليك تمشي زي ما مشت حامد، احكيلهم.

همس لي قطّر متأنّزاً ببورة تلك المراهقة الصغيرة:

- أنا شايف إن البنت لازم تمشي.

- وأنا شايف إن سعيد لازم يحضر حاًل.

- هاطلع أشوفه بنفسه، خف إنت ع الناس شوية.

\* \* \*

خرج قطز وبصجته فريدة التي ألهها بالحديث عن قبليها المفضل، فنهضت معه حاملة  
دميتها المحسنة إلى الصالون.

قالت زينب بضيق:

- خلصت أسلاتك؟

- هو أنا لسه بدأت؟ إيه حكاية سعيد ده؟

- وداد شغلته من كام شهر بعد ما اتبلت على شوقيتنا القديم حامد يانه اتحرش بيها  
وعملت دوشة، ومسيو يوسف خب يريح نفسه فبعث حامد يستغل عند واحد من أصحابه  
المهمين، وخلّي سعيد ال...

- وإيه شكل العلاقة بين سعيد وداد؟

صمتت زينب قليلاً، ثم أضافت متعرجة:

- الشكل اللي فريدة قالت لحضرتك عليه.

- وإيه الدليل على ده؟

- أنا وألطاف لمحناها كذا مُرّة وهي بتتسحب لأوضته اللي في الجينة في أوقات غير  
مناسبة، وشفناه وهو طالعلها في عدم وجود مسيو يوسف.

- والموضوع ده بقاله قد إيه؟

- حوالي شهرين.

- يوسف كان حاسس بحاجة؟

- إطلاقاً، المسيو بيتفق في الناس كلها، ده أطيب إنسان ممكن تتعامل معاه في الدنيا.

- شكلك بتعزبه أوي.

- أنا بقالي اتنين وتلاتين سنة بادير بيت عيلته، وهو بيعتبرني أخته الكبيرة.

- وما دام إنت غالية عليه أوي كده، إزاي سمح لوداد تضررك؟!

- هو ما يعرفش إنها ضررتني.

- ما قلتيلوش ليه؟

- حبيتش أزعجه الليلة دي، راس السنة مناسبة مقدمة عند مسيو يوسف، وممنوع طرح أي نوع من المشاكل حتى لو كانت نهاية العالم.

- ومع ذلك ناديت عليه عشان يقفش وداد!

صحت، لكن كتبت أعلم الإجابة مسبقاً، فسهلت الأمر عليها:

- حبيت ترديلها القلم اللي اديتهولك، صح؟

رمقني بكرياء، وامتنعت عن الرد، فتأكدت من صحة تخميني، وقررت أن أنتقل إلى نقطة أخرى:

- هي ضرتك ليه صحيح؟

أجايني على مضض:

- عشان اكتشفت كذبتها الكبri، وداد مش حامل!

أشعلت سيجارة أزعج دخانها زيب وبهي تلقى سؤالي التالي:

- وعرفت منين إنها مش حامل؟

- شفتها النهارده بتاخذ دوا خاص باللي شايلين الرحم، أنا بس اللي اكتشفت الحكاية دي عشان أخبي الصغيرة استأصلت الرحم وكانت بتاخذ نفس الدوا، فتأكدت إن حمل وداد كان كدبة حاولت تنقذ بيها نفسها عشان مسيو يوسف قرر يطلقها ويرجع لمدام نادين، فقررت أواجهها، لكن رد فعلها كان في منتهى البجاجة!

- وما قلتش ليه ليوسف إنها مش حامل؟

زفرت في نفاد صبر، وأخذت تشرح لي وكأنني طالب بليد:

- ما أنا وضحت لحضرتك إني ما حبيتش أند علىه قبل الحفلة، وما كانش هيجرب حاجة لو عرف بعد ما الضيوف يمشوا، مش بس عشان وداد لازم تكشف على حققتها، لكن كمان عشان مسيو يوسف ومدام نادين ضروري يرجعوا لبعض، وفريدة لازم تتربي وسطهم، وداد هي اللي بوظت كل حاجة بيهم بعد خمستاشر سنة حب وهدوء بين المسيو والمداما وداد كان لازم تطلع من الصورة عشان السلام يرجع البيت ده تاني!

انتابني الشك!

لهجة زينب وهي تتكلم عن وداد تشي بحجم الكره والغل نحوها، ثم إنها تكاد تكون أقصر من الضحية، فإذا وقفت خلفها لن يراها أحد، فضلاً عن أن ولاءها ليوسف وعائلته منقطع النظير، وقد يدفعها حبها للعائلة التي كرس لها عمرها في خدمتها إلى القتل.

- يعني يوسف ما يعرفش بموضوع عدم حملها لحد دلوقت؟

- اضطربت أقوله، لأنه لما شاف وداد ميتة انهار على أبيه اللي كانت حامل فيه. كان لازم أعرّفه عشان أهديه، ووريته الدوا عشان يتأكد، وفهمته إنها ما تستاهلش دمعة واحدة منه. هذا يفسر ردود فعله الهادئة وعدم اهتمامه بمعرفة القاتل أو حتى حزنه على زوجته القبيلة.

- صدقك؟

- مش عارفة. فضل ساكت، ما نطقش بكلمة. عمري ما شفته في الحالة دي. بيتعامل كان مفيش حاجة حصلت، لا غضب ولا حزن. حالة غريبة من عدم التصديق!

\* \* \*

- مؤتوا أختشي يا كفرة!

أتنى الصوت مجلجلًا غوغائيًا من الخارج، واقتربت صاحبة الواحة الفجيري واقتحمت الصالون. كانت امرأة في منتصف الأربعينيات، قصيرة القامة، ناتنة العظام، لها أسنان بارزة من بين شفتيها الرفيعتين، وشعر تخلط فيه ألوان الصبغة الرديئة الأحمر والبني والبرتقالي. رفعت يديها بأداء مسرحي، فخشخت أساورها الذهبية في ذراعيها الرفيعتين وهي تصريح:

- قتلوا أختشي يا باشا! قتلوا أختشي الحيلة!

وبكت، فساح كحلها ليزيد منظر وجهها التحيف قبخا، ومكمالة صياحها:

- يا عيني يا وداد يا أختشي! يا صغيرة ع الموت يا أختشيسبيسي!

مطت زينب شفتيها ممتعضة من أداء شكريه الهمجي، ثم زفرت قائلة:

- حضرتك عايزة مني حاجة تانية؟

- حالياً لا. بس خليك قريبة.

هزت رأسها، وخرجت لتركتني مع شكريه شقيقة القتيلة التي بدأت تمسح دموعها بكلها  
وهي تقول:

- لما كلاموني في المشتشف ما صدقتش!

زاد بكاؤها:

- أنا اللي مربية وداد يا باشا. أبيها وأمي سابوهالي وهي تلاتاشر سنة، وأنا اللي اشتعلت  
وريبيت، وحلفت لأنفليها تتعلم وتأخذ الدبلون وتبقى عروسة.

احتد بكاؤها وهي تقول:

- تيجي تموت كدهوك؟!

بدأت تولول قائلة:

- سببتشيني لمين؟ ليه مين من بعدك يا بنت أمي وأبيها! مين اللي عملها يا باشا؟ هين اللي  
قتل أختي؟

أحمدت سيجارتي، وسألتها متوجهلاً ولولتها المصطمعنة:

- تفتكري إنت مين؟

- يعني أنا اللي هاعرف شفلكم يا باشا؟!

- ذدي عدل! كنت فين الساعة اتناشر؟

- في المدعوعة المشتشف، كان عندي نبطشية.

- واتخانقت ليه مع أختك إمبارح الصبح؟

مسحت دموعها كاشفة عن وجهها الحقيقي وهي تنطق كلماتها بغل:

- عشان واطية بنت ستشين كلب! طلبت منها مبلغ ما يسواش ربع اللي صرفه عليها في  
تعليمها، تقول الملايين «أنا مالي ياكش تحرقي بجاز»! ده أنا لو كنت مربية كلب كان  
طمر فيه. هي أول ما دخلت البيلاً نسيت أصلها ونكرت جمايلي عليها! أنا اللي خلتها بني  
آدمه، ووقفت حالي ومحتالي، وفي النهاية تعمل معايها كده؟!

عادت للبكاء:

- بس أقول إيه يا باشا! أختي الوحيدة وماتت وقطعت بي! على كل اللي كان بینا، ما  
كانش لينا غير بعضينا. كنا نأكل بعض زي الكلاب السعرانة وبرضك نرجع نتصالح. دي مش

أختشي الصغيرة، دي ضنايا!

أشتد بكاوها:

- ضنايا ماتت يا باشا!

خرجت الكلمات الأخيرة صادقة من قلبه، وأخذت تمسح أنفها المدبب كأنف الساحرة الشمطاء، ونقطت كمدا:

- مين اللي عملها يا باشا؟ شاورلي بس عليه وأنا أنهش مصارينه!

- كنت تعرف في العلاقة اللي بين سعيد وداد يا شكريه؟

- هو حضرتك عرفت؟!

- ده البيت كله عرف.

- عرفوا إمتي وإزاي؟! ده لحد النهارده الصبح محدثش كان عارف أيتوها حاجة!

- وإنْت بقى اللي عارفة؟

- إلا عارفة، ده أنا اللي... أستغفر الله العظيم، ما كتنش عايزه أحكي، بس خلاص ما هي ماتت وما عادش يفرق. لما وداد رفضت تديني فلوس، أنا جبت سعيد وحططيه قدام عينيهما كدهوك وقتلتها لو ما اديتنييش اللي عايزاه هاعرّف البيه كل حاجة.

- هددت أختك يانك تقولي لجوزها عن خيانتها له مع سعيد؟!

أرجعت رأسها للخلف قائلة بدهشة:

- أستغفر الله العظيم يا رب! تخون جوزها مع سعيد إزاي يا باشا؟! أستغفر ربك!

- جرى إيه يا سنت الشيخة؟! ما إنْت اللي لسه قايلة كدها

- قايلة إيه يا باشا؟! دي وداد تخون البيه مع أي حد إلا سعيدا

أجبتها ساخراً:

- إشمعنى؟! أخته في الرضاعة؟!

- لا يا باشا! أمها!

فركت عيئي وقد بزغ الفجر ونفذ ضوءه من الشبال، بينما كنت لا أزال أتحدث مع شكرية التي روت بلا توقف:

- سعيد بيقى ابن وداد ومدحت الواطي عمل عملته مع البت وهي خمستاشر سنة، وقالها هاسافر أطاليا وأرجع أعيشك برنسيسة. الفقري ابن الفقرية مات في البحر والسمك قرقشه. بس وداد كانت جبلة وجات تعيطلي، وأنا اختها الكبيرة، وبرضك مسؤولة عنها يا باشا. قاللي هتتلل العيل، قتلتها حرام يا أحتفي ده روح، لو ما تلزمكيش غيرك أولى بها. حاكم إحنا كان لنا جارة اسمها جمالات غلبانة غلب الديبا، متجوزة جدع شفال في الكويت، وقالها إن أمه هتخليه يطلقها عشان لسه ما جابتلوش عيل، أصل جمالات ما بتحلفش، وكانت حايطة تتقول لجوزها ع الحكاية دهيك. أنا بقى جاتلي الفكر، حيث إن أنا إيه... لما أمخمح أعجبك أوي! قلتلها خدي ابن وداد يا جمالات وقولي لجوزك إنك حامل، وهو كده بينزل مزة في السنة، يعني مش هيشك في حاجة. جمالات قفشت في الفكرة وخدت وداد على الفيوم، هي أصلاً من هناك وعندها شجرتين برتقان. عيشت وداد معها لحد ما ولدت، وخدت العيل، ومفيش مخلوق يعرف إن سعيد اللي مكتوب في الشهادة باسم جمالات وجوزها بيقى من لحم ودم وداد ومدحت.

- أوهال إيه اللي جابه هنا؟

- هو عيل خايب وعواطلي، وحاله أتأندل أكثر بعد ما جمالات وجوزها ماتوا، وعمه كل عليه ورثه، فبقى ماشي بيتنشأ ع القرش. أنا شفت ظروفه، والصراحة يعني كنت مبوأة من وداد، قلت أخلي المصلحة واحدة. كلمته وقلته وداد تبقى أمل الحقيقة، وامشي معانيا تطلع بفبرة حلوة. وهو ما صدق. كلب فلومس زي أمه! جبته لوداد وقتلها هتدفعني هنسكت على ماضيك.

- ابزار يعني!

- فين الاستباراز ده يا باشا؟! ده أنا سرت عليها، ولميت لحمها، وخلتها تساعد الواد اليتيم وتشغله عندها، وياكل لقمة حلوة، ويلبس هدمة نضيفة، ويقعد في بيلأ أهلة ما يحلموش يشوفوها من بعيد و...

- وإنْتَ تسحبِي من وداد على راحتلك، وهي مش هتقدر تيم معاكي!

- ما تقدرش إيه؟! وداد دي جباره، ده أنا لما طلبت منها فلوس آخر مرة قاللي «كفاية»

وأعلى ما في خيلك اركبيه، إنت معنديش دليل إن سعيد يبقى أبي»، فقلتلها بس عندي يا روح أمك دليل إنك مش حامل. أصل كلام في سرك، هي جالها المرض إيه بتاع نزيف الرحم قبل ما تيجي البيلا هنا وكان لازم تشيل الرحم، بس طبعاً البيه مش عارف، هي محببة عليه وعارفة تحبك الدور صح.

- وسعيد؟

- واد قلبه أبيض، هو عصبي جبتشين آه، بس يطلع يطلع وينزل على مفيش، ورث من وداد طلقها الحامي، وخد متى قلبني الطيب.

رفعت حاجبي، فأنا لا أفهم عن أي قلب طيب تتحدث!

\* \* \*

كدت أطرح على شكرية سؤالاً جديداً، لولا أن قاطعني قطر بدخوله المفاجئ ممسكاً بفتش في التاسعة عشرة من عمره، له أذنان وطواطيتان، ووجه كوجه الفار، وبشرة لم تعاف من آثار حب الشباب بعد.

شدّ قطر قبضته عليه قائلاً:

- الباشا كان يبحاول يهرب.

قال الفتى معرضاً ببررة همجية، بينما قطر يماقي به على الكرسي المقابل لي:  
telegram: @alanbyawardmsr  
ـ ما كنتش باهرب يا عم! إوعنِ كده طااااه.

- يا عم؟! طب اطلب ياض بدل ما أخرشك!

قالت شكرية بريبة:

- بتحاول تهرب من إيه يا سعيد؟!

- ما كنتش باهرب باقولك!

صاح قطر:

- أومال أنا قفشت مين على سور الفيلا زي البرص؟ ها؟

لم لا يحاول الهرب وهو قصير القامة وتحيف وفي بنتلونه ثقب؟ إن مواصفاته تتطابق مع مواصفات القاتل، كما أن فريدة وأنه ممسكاً بالسكين وبهد وداد بالقتل.

- إنت بتدخن يا سعيد؟

أجاب متربداً وكأنني أبوه:  
ـ آه.

ـ مش تقيقة على صدرك السجاير الكليو باترا دي؟

ضحك منهكفا، وقال متباخزا:

ـ يا باشا، أنا، لا مؤاخذة، صدري حديد.

نظرت إلى قطر، فهز رأسه موافقاً على أن علبة السجائر والولاعة اللتين وجدهما في غرفة وداد تحسان سعيد.

ـ كنت بتعمل إيه في أوضة وداد الساعة اتناسير؟

ـ حك رأسه قائلاً بيطلع:

ـ والله، يا باشا، يعني.. كنت ياكالمها في موضوع خصوصي كده.

ـ موضوع إيه ده اللي يخليلك ترفع سكينة على أمك؟

اتسعت حدقتا عيتي قطر في اندهاش، بينما تعجب الفتى قائلاً:

ـ هي شكريه اعترفت من أول قلم؟!

ـ شهقت شكريه قائلة:

ـ اعترفت على إيه يا واد؟! رفعت السكينة على وداد ليه؟ قتلت أمك يا سعيد؟!

ـ اندفعت من مقعدها وانقضت عليه كالضبع ممسكة بعنقه وصانحة:

ـ قتلت أختشي يا ناقص!

ـ دفعها بقوة صانحاً:

ـ إوعي كده! إنت ما صدقـت تلاقي جنازة تشبعي فيها لطم! سكينة إيه يا باشا؟! إنت جبـت الكلام ده منين؟!

ـ الناس شافوك ماسك سكينة الفاكهة وبتهددـها.

ـ يا باشا دي كانت لحظة غضـب. إنت فاهم غلط. أنا طلعـتها الأوضـة وشـديـت معـهاـها بكلـمـتين، بـسـ هي فـهمـتـيـ الـدـنـيـاـ وأـنـاـ خـرـجـتـ وـ...ـ

- خرجت من الشباك ليه؟

صمت مرتباكا، فقلت له:

- قول اللي حصل بالتفصيل عشان كده القضية لابساك يا روش.

حك رأسه، ثم زفر مبرزا:

- يا بيه، أنا أخدت كاسين من اللي في الحفلة، والخمرة وئٌت معايا. كنت طالب منها فلوس وهي قالت مش هتديني، فطلعتها الأوضة وهددتها، بس اللي هو طلقتين في الهوا يا باشا، كلام في الكليش يعني مش تهدى بجد، وهي نفسها كانت عارفة ده، وخدت مني السكينة وسابتها ع السرير، وسجدتني وقالتلي «أنا حطيتك فلوس في الحساب اللي فتحتهولك عشان تسددي ديونك». أصل أنا دخلت مشروع ساير واتنصب علي، ومتدلين لطوب الأرض وماضي على وصولاتأمانة ومحجاج فلوس عشان ما اتجبسش، مش أكثر من كده يعني.

- وبعدين؟

- البقرة الضاحكة بنت البيه دي شافتني من خرم الباب، ونادت ع الحيزونة اللي اسمها زينب، فوداد قاللي أنت من شباك الحمام قبل ما جوزها يشوفنا ويفهم غلط يعني لما يلاقني راجل في أوضة نومه، ما هو محدش يعرف إني ابنها غير شكرية، فنطيت من الشباك ورجعت أوضتي اللي في الجراج، وبعدها سمعت صوتي.

قال قطر:

- المفروض بقى نصدق الهاش ده؟ هددتها واتصالحتوا ومشيت؟

- ورب الكعبة ده اللي حصل!

- أومال حاولت تهرب من الفيلا ليه؟

- عشان الحق أسحب الفلوس من البنك، أصل لو حد لقى إنها حولتهملي ممكن يشك في.

قال قطر:

- إنت كداب فاشل يلا

- يا باشا والله ده اللي حصل بالساحتوت!

- فيه حد يشهد على إنك طلعت من أوضة وداد وهي لسه عايشة؟

- يعني إيه؟

- يعني الكاسين لعبوا في دماغك، وكلمة متوك على كلمة منها طعنتها عند باب الحمام، فهي جربت على البلكونة تستنجد، فطعنتها تاني من ضهرها ورميיתה من البلكونة، وهربت إنت من شباك الحمام وخفيت السكينة و...

صاحب شكرية وهي تنقض عليه ثانية:

- قتلت أختشي يا وسخ!

انتفض قائلاً:

- ورب الكعبة ما حصل!

أكمل قطرز:

- طولك نفس طول القاتل، دخلت الأوضة ووقفت من جوه، وجذمتك سابت آثار طين، ومسمار شباك الحمام نتش بنتلونك وإنست بتهرب. شايل في قلبك غل وكره إنها بتعنكك قدام الناس وكمان رافضة تديك فلوس وتعوضك، فخلصت عليها.

- تعوضني عن إيه يا بييه؟! تعوضني عن إنها جابتني من الحرام ورمتي لغيرها عشان تستر فضيحتها؟! يا بييه، ده أنا ربنا أنقذني منها ومن عيشتها النجسة!

- أومال قتلتها ليه؟

- وربنا وربنا وربنا ما قتلتها!

التفت إلى شكرية صالحًا:

- قوليله، قوليله إن إنت اللي جبتنيني هنا ولعبت في دماغي بمفك عشان تأخذ منها قرشين!

صاح في اتجاهنا:

- ما قتلهاشا ده أنا باخاف من الدم! طب ورب العياد ما قتلتها!

صاح به قطرز ببرته الميري الخاصة بالتحقيقات:

- فين السكينة يلا؟

- ورب الكعبة ما أعرف، أنا ما عملتش حاجة! إيه الافترا ده؟!

قال قطرز وهو يخرج الكلابشات:

- هو إنت لسه ثفت افتروا!

\* \* \*

قيدت الكلابشات يدي سعيد الذي لم يتوقف عن البكاء والصياح والقسم بأنه لم يرتكب الجريمة التي تناسب مقاسه تماماً، فما من شاهد على رحيله من غرفة وداد وهي على قيد الحياة، كما أنه اعترف بنفسه أنه كان مخموزاً وغضباً ولا يدرك ما يفعله، وليس من الصعب أن يكون الغل الذي يحمله في عقله الباطن قد دفعه إلى القتل.

يبدو الأمر في غاية البساطة، لكن حين يكون الأمر بتلك السهولةتأكد من أن هناك خطأ ما.

وضع سعيد في سيارة الشرطة، ولم يتوقف عن الارتعاش والتشنج والصياح، حتى وصلنا إلى القسم كي تؤخذ أقواله ويجري التحفظ عليه إلى أن يعرض على النيابة.

\* \* \*

جلست على المكتب لاهيا بليموتي الصفراء قائلاً لقطز:

- أنا من مقتنع.

- بابيه؟

- سعيد هيستيقظ إيه من قتل وداد؟ لسبب ما أنا مصدق إنه نطف من الشباك قبل ما تموت.

صمت قطز وقطب حاجبيه، ثم قال:

- الأدلة كلها ضده يا نوح.

- عشان كده إحنا متحفظين عليه. لكن فين الدافع؟

- عشان يشفى غileyه.

- لو على الغليل بيق الأولي إن شكريبة هي اللي تقتلها بعد ما قضت عمرها ترييها وسترت عليها لما غلطت، وأول ما وداد اغتلت طرقتها.

- بس شكريبة كان عندها نبطشية في المستشفى وقت الجريمة.

- ده غير إنها جبنة ومش من النوع اللي يقتل. هي تهدد، تبز، تسرق، لكن ما تقتلش.

- يبقى خلاص مفيش غير سعيد.

- مين المستفيد من موت وداد يا قطرز؟ أو بمعنى ثاني مين المتضرر من وجودها؟

- نادين مرات يوسف، بس...

- بس هي مش عارفة إن وداد حامل، وفاحمة إن يوسف هيطلقها وهيرجعلها.

- وكمان كانت في أسوان وقت الحادثة. بيقى يوسف نفسه؟ بس هو طويل، وكان  
هيتناش في الblkونة.

- ممكن ما ييقاشه هو اللي رماها، لكن هو اللي طعنها في الاوضة وحد غيره كفل.

صمت قطر للحظات، ثم قال:

- قصدك إن اللي قتلاو وداد اتنين مش واحد؟

- مفيش غير اتنين اختفوا وقت الحادثة، ومفيش شاهد على إنهم كانوا فين وبيعملوا إيه  
بالظبط غيرهم هما الاتنين، فممكن بيقولوا طابخينها معا.

حاولت تخيل سيناريو معقول للجريمة، فبدأت أنطق بما ترسمه لي مخيالي:

- يوسف وزينب دخلوا الاوضة، ويوفس قفل الباب بالتریاس، ولمح سعيد قبل ما يهرب،  
فدمه فار وسحب سكينة الفاكهة في لحظة غضب، وطعنهما الطعنة الأولى، ففتح والسكينة  
وعلقت منه من الصدمة، لكن وداد جربت على الblkونة وصرخت. زينب خافت إن حد يسمعها  
ويوفس يتسرج، فخذلت السكينة وطعنهما الطعنة الثانية وذقتها عشان تخلص منها وتحمي  
يوفس، وزينب أقصر من وداد.

حل قطر ذقنه مفكراً، ثم نطق أخيراً:

- احتمال معقول، والدافع موجود عند الاتنين، بس فريدة قالت إنها شافت باباها يكسر  
باب أوضة وداد لأن أوضتها قدام أو ضلتهم بالظبط، فلو هو اللي قتل وداد كان عادي دخل  
وخرج من غير ما حد يشووفه، إيه الهدف من إنه يتربيس الباب من جوه وبعدها ينط من  
الشباك؟ وهنقول يا سيدى إنه غير البنطلون عشان ما يباش قطع المسamar، بس ليه يرجع  
الاوضة ثاني ويكسر الباب؟ لو كان فعلًا مصدوم ما كانش هيلحق يفكر ويخطط لكل ده.  
وبعددين زينب هتنط من الشباك إزاى بستها ده؟ لفة طويلة أوي يا نوح.

أمسكت رأسي محاولاً مقاومة الصداع الذي يفتك بي قائلًا:

. أنا بافكر معاك بصوت عالي، بس أنا عندي إحساس كبير إن مش سعيد اللي عملها.

. أنا مش قادر أشك في حد غيره، وفي جميع الأحوال هيتعرض على النيابة وهمما يحددوا.

ولا أقولك؟ لما الساعة تيجي اتنasher، روح وداد هتظهر، ابقى روح اسألها.

زفرت وقد اشتد ألم رأسى:

- ما قداميش حل غير ده. معالك حاجة مسکرة؟

- استنى نبعث عم حمدي يجيبلنا تودو براونيز و...

- تودو براونيز إيه؟! أنا قاعد مع بنت أختي!

مددت يدي في جببي متذكرة وجود حبتين من السكاكر التي اشتريتها لحالا وخبأتها  
كالففريطة في دميتها الكبيرة و...

دميتها الكبيرة؟!

انخفضت من فوق الكرسي ساحتها مفاتيحي وقائلاً:

- قوم يا قطز بسرعة.

- بسم الله الرحمن الرحيم! فيه إيه؟!

- أنا إزاي ما أخدتش بالي من اللقطة دي؟! فريدة هي اللي قلت ودادا

إذا رأيت فريدة فستظنها مسكونة لا تقوى على إيذاء بعوضة، لكن ليس كل ما تراه  
حقيقة!

كنت أستذكر أن فتاة في الثانية عشرة من عمرها في عصر الواي فاي تتنقل حاملة دمية  
كبيرة محسنة بالقطن في يدها، لكنها الآن ذكرتني بتلاوة التي كانت تحمل دبها القطبي معها  
لأنها تخفي فيه سرها - الحلوى المخبأة . ولا تود أن تتركه يفارق حضنها حتى لا تتفحصه  
أمها وتكشف أمرها.

هكذا فعلت فريدة!

لم أكدنا على أن القاتل هرب من النافذة؟!

أليس وارداً أن يكون قد اختباً أسفل السرير أو في الخزانة متظلاً أن يفتح الباب ثم  
يخرج قن في الغرفة . يوسف وزينب . مهرولين نحو مدخل الفيلا لتفقد جثة القتيلة وسط  
الحضور، تم يتسلل القاتل من الخزانة أو من أسفل السرير وصولاً إلى مكان آخر قريب؟  
telegram: @alanbyawardmsr  
وأي مكان أقرب للغرفة التي حدثت فيها الجريمة سوى غرفة فريدة؟

هكذا أتصور الأمر:

وصل بوكيه ورد مصحوباً بكارت من نادين طليقة يوسف.

وداد رأت الكارت وشعرت بالغيرة، فتشاجرت مع زوجها.

سعید لمح وداد تترك الحفل متوجهة إلى غرفتها.

الطاف قدمت الكريم كراميل إلى فريدة المنشغلة بمتابعة فيلم رعب دموي.

وداد رأت الطاف فصاحت بها، وطلبت منها كوب الحليب وطبق الفاكهة، وفي خلال دقائق  
نفذت ألطاف الأمر.

انشغلت وداد في تشير التفاحة الحمراء، في اللحظة التي رأت فيها سعيد المخمور يدخل  
غرفتها بحذائه المتسخ بالطين صائحاً، فخافت أن يراه أحد، فأغلقت الباب من الداخل  
بكامل رغبتها.

أمسك سعيد كوب الحليب وألقى به فاصطدم بالحائط وانكسر، وترنج ثم سحب السكين  
من فوق طبق الفاكهة الذي انقلب وتناثرت محتوياته، وهددها بالقتل في لحظة تهور

سمحت فريدة الضجيج من غرفتها التي تبعد عن غرفة وداد بضع خطوات.  
خرجت فريدة ونظرت من ثقب الباب لتراقب ما يحدث، بينما أخذت وداد السكين من سعيد ووضعته على السرير.

أتت زينب من خلف فريدة وتحدثها، فسمعتهما وداد، فجعلت سعيد يهرب من نافذة الحمام.

نزلت زينب على السلالم وأمرت فريدة بأن تعود إلى غرفتها، لكن فريدة من فرط قضولها لم تدخل غرفتها.

بعد أن هرب سعيد من النافذة، أخذت وداد نفسها عميقاً وفتحت الباب متظاهرة بأن شيئاً لم يحدث.

وداد رأت فريدة واقفة أمامها فصاحت بها، لعلها استفزتها أو شتمتها أو حتى ضربتها.  
ربما سمعت وداد صوتاًقادماً من الحمام، أو أنها اتجهت بالفطرة نحو الحمام لتأكد من أن سعيد قد رحل.

ومحملة بالكرابية، مشحونة بكلم كبير من المشاهد الدموية العنيفة في الفيلم الذي كانت تشاهده، لمحت فريدة السكين على السرير، وقد ألهما مشهد تهديد سعيد لوداد بالقتل.  
دخلت فريدة الغرفة، وأغلقت بابها من الداخل، ثم سحبت السكين، واقتربت من وداد الواقفة عند باب الحمام، وفي اللحظة التي استدارت فيها وداد طعنتها فريدة بعنف في بطنهما.

اندفعت وداد ضئيلة الحجم نحو الشرفة صارخة تطلب العون، فطعنتها فريدة القصيرة ثانية في ظهرها، وعندما أدركت أن وداد لا تزال حية، انحدرت المراهقة ذات الجسد القوي ورفعت قدمي الضحية ضعيفة البنية عن الأرض وأسقطتها من الشرفة.

استدارت فريدة لترحل بدم بارد، لكنها سمعت صوت أبيها وزينب وهما يقتربان، فاختبأت سريعاً تحت السرير أو في داخل الخزانة، وظللت هناك حتى كسر أبوها الباب ودخل وتفقد الغرفة ثم رحل الاثنان.

خرجت فريدة من مخبئها، وهرعت إلى غرفتها، ففصلت سكينها ويديها من أثر الدماء، وغيّرت ملابسها، ثم التفت حولها ولم تجد سوى دميّتها المت Fletcherة على السرير.  
فتحت شنّاب الدمية كما تفعل تالا، وأخرجت القطن ودفست السكين، ثم أعادت الحشو

وأغلقت السحاب، وخللت متعلقة بدميتها حتى لا ينكشف أمرها.

\* \* \*

انزعج قطر من الفكرة وقال ونحن في طريقنا إلى الفيلاد:

- لا لا! مستحيل!

- ليه؟

- ليه؟ إنت بتحاول تقنعني إن بتوة كيوت ت...

- أولاً كلمة كيوت دي بعصبني. ثانياً الجريمة جات بشكل عفوي بدون سابق تحطيط، وده يزود احتمالية إن هي اللي عملتها. العنف اللي بيتصاف في التلفزيون كل يوم، سواء أفلام أو مسلسلات أو حتى الأخبار اللي يتعرض الجئت لأنها جبن عليه عرض في كارفور، بيأثر على نفسية العيال. مش كده ويس، هي حاسة بالخيانة من ثانية وداد اللي ونقت فيها وحبتها وبعدها لقتها بتفرق بين أبوها وأمها، وكمان بتسيء معاملتها ويتربق عليها ويتلاظشها في الرايحة والجایة ومحدش بيمنعها، ويوم ما البتتعشم إن أبوها وأمها هيرجعوا بعض، وداد طلعت حامل وفرقت بين أهل فريدة للمرة الثانية.

- بس يا نوح...

- الضغط بيولد الانفجار، والناس بيعاملوا مع عيالهم على إنهم أطفال مش فاهمين حاجة ولا عارفين اللي بيحصل حواليهم، وإنهم لما يكبروا هينساوا، بس عمرهم ما ينسوا! كل إهانة، وكل ضربة، وكل قسوة، بيشوفوها، بتتخزن جواهم، فطبععي تبق دي نهاية ودادا!

- طب على الأقل لو كانت هي اللي عملتها كانت تنهار، مش تبقى متتسكة ولا أجدعها سفاح!

- ممكن تبقى في حالة صدمة أو إنكار أو شايقة إن اللي عملته حلال في وداد، فما تأثرتش، بدليل إصرارها على إن وداد تموت، طعنتها مرة واتنين ورميיתה من البلكونة، ده كان ناقص تفجر فيها الفيلا!

بدأ قطر يقنع، لكنه رفض الاعتراف بذلك وقال:

- عموماً، نظريتك دي هتبقى صح لو لقينا السكينة في الدبدوب زي ما بتقول.

- تراهن على كام؟

\* \* \*

كانت الساعة السابعة صباحاً عندما دخلنا قيلياً يوسف، وكان يوسف مضطرباً عندما قابلنا  
قائلًا:

- خير؟

عجز قطر عن الرد، فقلت:

- إنت عارف إننا ما لقيناش سلاح الجريمة اللي هو سكينة الفاكهة، وسعيد ما اعترفشت  
على مكانها، فشكينا إن حد خياباً عند بتلك.

اضطرب قائلًا:

- عند فريدة؟! بس إنتو فتشتوا الفيلاً حتى حته، وقلبتوها أوضتها وما لقوتش حاجة!  
بس فيه مكان محدث فكر فيه. دمية الدبوب الكبيرة اللي بتلك ماسكاها. هي متعددة  
تشيلها كده؟

- لا، أنا حتى استغربت، بس قلت يمكن عشان خايقة من اللي حصل.

- ممكن أشوفها؟

- أكيد، بس هو مين ممكن يخبي السكينة في الدمية؟

كاد قطر أن يتسرح له، لكنه أوقفه قائلًا:

- كل حاجة هتبان لما نفحص الدمية.

- مفيش مشاكل، لحظة أجيها لكم و...

- لا، إحنا هنطلع معاك نشووفها بنفسنا.

اضطرب، لكنه بلغ ريقه قائلًا:

- اللي تشووفوه.

\* \* \*

وقفنا عند باب غرفة فريدة ذات اللون البرتقالي، التي تنتشر على حوائطها ملصقات أفلام  
الرعب يوحشها البشعة ووجوهاً الدامية ومشاهدها المرعية، وكانت الفتاة البدنية نائمة في  
سريرها الكبير، تحضرن دميتها بشكل عنيف، وفور أن دخل والدها فتحت عينيها وقالت  
منتفضة:

- بابي؟!

- حبيبي، خليك نايمة، أنا هاخد الـ «teddy bear» بتاعتك وهاطل.

لهاست مفروعة، وأحكمت قبضتها على الدمية قائلة:

- ليه يا بابي؟!

- الظابط عاييز يشوفها.

- لا، دي بتاعتي أنا، محدش هيشفها!

تعجب الأب من اعتراض ابنته، بينما كانت مقاومتها - من وجهة نظره - تأكيناً على نظريتها.

- حبيبي، هنشوفها وترجعها تاني بسرعة.

صاحت في أبيها صارخة:

- باقولك لا، محدش هيشف حاجتي!

جذب الأب الدمية ضِجَّزاً، لكنها شدتها منه، وظلاً يتجاذبان أطراف الدمية المحسنة حتى انخلعت ساقها، فصاح يوسف بابنته:

- إيه الدلع ده يا فريدة؟!

من الساق المخلوعة التي تدلٌ منها القطن، سقط السكين الوردي محدثاً وته على السيراميك الأبيض، ولمع طرقه الحاد عاكساً ضوء الصباح المتسارل من نافذة الغرفة.

شهقت فريدة واضعة يدها على فمهما، بينما تعجب الأب وكاد ينتحني لالتقاط السكين، لكنه أسرع قاتلاً.

- ما تلمسهوش، ده سلاح الجريمة!

شعر قطر بخيبة الأمل في اللحظة التي شعرت فيها بمشاعر لا أفهمها.

نصر ماسخ، وظفر فر.

انفجرت فريدة باكية قبل أن ينطق أيٌ منها، وقالت:

- هي السبب، هي اللي عملت نفسها بتحبني ووضحت علي عشان تتجوزك، وبعدها بقت بتضربني وتشتمني وتتريق علي!

تجمدت أطراف يوسف، وتبيست ملامحه وهو يتمتم بصوت مهزوز:

- هي مين يا فريدة؟

أكملت بكاءها ووجهها يكاد ينفجر من شدة حضرته:

- وداد! وداد الشيطانة! هي اللي خلستي أقتلها!

أسقط يوسف الدمية من يده، وفتح فمه، وشعرت أنه عاجز عن التنفس، بينما أكملت فريدة:

- هي اللي خلتك إنت ومامي تسيبوا بعض، وخلت عموماً حامد يمشي، وهي اللي ضربت زوزو، وسممت الهايمستر بتاعي عشان بتحاخد منه. هي اللي شالت صور مامي من كل حاجة، وبقت بتطلع معالك في التلفزيون بدلها، وتقعد على الشفراطة مكانها، وتنام في سريرها، وتأكل في أطباقها. إنت ومامي كتنا هترجعوا لبعض، بس هي حامل، عشان كده هتفضل طول عمرك معها، وهي هتفضل طول عمرها تعذيبني! ما كتتش عايزه آخر منها! أنا كنت عايزه أعيش معاك تاني إنت ومامي، كنت عايزاًكم ترجعوا لبعض! وداد تستاهل اللي جوالها! وداد تستاهل إني أقتلها يا بابي!

\* \* \*

الجريمة لا سن لها.

أصبحنا في عصر يسهل فيه سلب الناس أرواحهم!

ليس من الضروري أن تطعن أحدهم أو تلقيه من النافذة كي تصبح قاتلاً فالقتل المعنوي سم بطيء المفعول ودائماً الآخر.

كلمة واحدة قادرة على قتل أحدهم، هكذا يصنع المجرمون، أياً كانت طبقتهم الاجتماعية أو المادية، فالنفس البشرية واحدة.

كلنا كائنات تتظن نفسها الأقوى، على الرغم من أنها الضعف، فلنا قلوب سهلة الجرح، ونفسيات هشة قابلة للكس، وعقول من السهل التلاعب بها، وذاكرة تخلد كل الألم وجرح.

لم يعد من الإنساني أن نؤذي صغارنا ونؤلمهم سناً وضرناً وسخرية وإهانة، طالبين أنهم سيكتبون وسيسيرون، لأنهم في الواقع لا ينسون ولا يغفلون أبداً عن آذوهـم.

\* \* \*

آخر قطر من جيه العلبة البلاستيكية الصغيرة التي يضع فيها بذور القرنفل ذات الرائحة

النفاذة، وأخذ بذرة داكنة اللون وبدأ في مضيقها لسبب أحجهله، ولم أكن في مزاج حسن لأسأله عن هذا.

لم يتوقف عن المضغ، وبينما يتتصفح الإلترنوت قال بنبرة مصدومة:

- يا نهار إسود! الأرقام في مصر بتقول إن فيه أكثر من ١٠ ألف طفل محكوم عليهم أو محبوسين احتياطي، ونسبة الجريمة المتورط فيها الأطفال زادت ٢٥٪ من بعد ثورة ٢٠١١، ده غير نسبة المحكوم عليهم بسبب جرائم عنيفة تؤدي للحبس أكثر من ١٠ سنتين، ده غير إن ٢٢٪ من إجمالي الأطفال المسجونين ٢٠٪ منهم ارتكبوا جرائم قتل عمد، و٥٥٪ منهم سرقة ومخدرات!

لم أعلق، وبقيت أحملق في السقف في حالة من الشعور بالذنب.

للمرة الأولى أشعر بالندم بعد كشفني لهوية القاتل الحقيقي.

حاولت أن أذكر نفسي بأنتي أنقذت سعيد المسكين البالغ من العمر تسعة عشر عاماً من حبل المشنقة، وأنه أيضًا يعتبر طفلاً بالنسبة لي، لكنني لن أنسى هذه القضية ما حيت، ولن يمحى مشهد القبض على فريدة وهي تبكي من ذاكروني، ولن أنسى تعبيارات وجه أبيها منكس الرأس.

ذلك الرجل اكتشف في ليلة واحدة أن زوجته كاذبة وليس حاملاً، فخسر ابناً كان يظنهما تحمله في أحشائها، وخسر ابنة أصبحت قاتلة بسبب نزوة حمقاء وزواج متهرور أقحم نفسه فيه، ولا أعلم كيف سيكمل حياته وفوق كاهله كل هذا الذنب الذي اترفه في حق ابنته الصغيرة.

اقرب قطز من الشاشة، وأكمل كلامه بنبرة أكثر غضباً:

- الحق يا عم، السنة اللي فاتت بس اتسجلت ١٥ ألف جريمة ارتكبها عيال تحت سن الـ ١٨، منها ٤٧٣٠ قضية سرقة، و٤ قتل، و٢٢ قضية سلاح ناري، و٧٥ قضية سلاح أبيض، و٢٢٢ قضية مخدرات، و٤٠ قضية هتك عرض، و٨ قضايا دعارة.

هز رأسه ثم كرر مصدوماً:

- دعارة؟!

- ودواجه القتل معظمها خالية واندفعية، مش فاكر قضية العيل اللي قتل صاحبه في سوهاج عشان اتخانقوا على ذينة رمضان؟! ولأ الطفلين اللي اتخانقوا في القناطر على سعر ساعات توكتوك وواحد فيهم قتل الثاني؟! أهو على الأقل فريدة كان عندها دافع منطقى.

زفر قطز، وأغلق الباب بعنف، ثم قال بجدية:

- أبقى فكرني لما أخلف، لا أخلي عيالي يتفرجوا على أفلام رعب، ولا أجิدهم دباديب  
كبيرة!

ضحكت مضيقاً:

- الاهم إنك ما تخونش أمهם مع دادة عشان حته طبق كريم كراميل!

## القضية الثالثة

### ست الحسن

١

لو رأى قائدو السيارات العالقون في زحام الكوبري قصر النيل ما أراه الآن بعيتي، لولوا فرزاً وقفزوا في النهر هلقا.

على الكوبري العتيق، بين أبواب السيارات وصياح سائقها الغاضبين، انتشرت أرواح لأطفال تتراوح أعمارهم بين الثامنة والسابعة عشرة، يركضون بطريقه بهلوانية على السور الحديدي للكوبري، ويرقصون بشكل همجي فوق تماثيل الأسود الشامخة، ثم يقفزون في النيل أو يسبون على أسقف السيارات ويطيرون فوق رفوس المارة وبائعي الفل والماديل.

خمس عشرة ضحية من أطفال الشوارع، ماتوا نتيجة حالة تسمم غريبة أصابتهم في منطقة قصر النيل، وقد اتجه الصغار إلى المستشفى ولكن رفضوا استقبالهم لعدم توفر المال أو لعدم وجود مكان لهم، منهم من مات على سلم المستشفى، ومنهم من فاضت روحه على الكوبري، لكن هم الآن خمسة عشر طيفاً في حالة من الهرج والمرج، كأنهم في ملاهي السنديان، وكل هؤلاء البشر الذين يتذمرون من الاختناق المروري في ساعة الذروة يغفلون عن يطوفون ويعججون حولهم.

في وسط الأرواح التي غزت الكوبري، لفتت انتباهي روح رجل في الستينيات من عمره، يقف متكتنا على السور بعيداً عن الأطفال العابين وهو يراقب الزحام في صمت، يرتدي كتزة من صوف غال، ويلبس نظارة ذهبية، وله شعر فضي ناعم، وملامح دقيقة، توحّي ذلك هيئته بأنه فيلسوف أو فنان، يتأمل النيل تارة، ويتسم لأرواح الأطفال اللاهين من حوله تارة أخرى، وقد بدا وجهه مألوفاً لي، ولكني لا أتذكر أين رأيته من قبل.

ارتابت روح الرجل الأنيد من تحديقي المطول إليها، فأبعدت نظري سريعاً قبل أن تدرك أنني أراها، ثم أكملت قيادي متوجهها إلى القسم، متسائلاً إن كان ذلك الرجل الأنيد قد مات مسموماً كباقي الأطفال.

\* \* \*

في طريقني للجلوس على مقعدي، أخبرني قظر برغبة اللواء رشوان في رؤيتها، فتوجهنا إلى مكتبه بعد أن لفّع قظر حذاءه وهذب شعره ورش من عطره وكأنه على وشك مقابلة

خطيبته.

طرقنا الباب ثم دخلنا إلى المكتب الواسع ذي الأرضية اللامعة والخشب الأنيق، ورحب بنا سيادة اللواء صاحب الوجه المستدير والعيينين الضيقتين والأنف المعقوف، ثم قال بصوته الخشن:

- أكيد سمعتوا عن حادثة أطفال الشوارع اللي اتسمموا من كام يوم.

أجبته:

- أكيد سعادتك.

- خدتوا بالكم من تلميحات العيال بتوع التت، واتهامهم للداخلية بانها هي اللي سممتهم عشان تخلاص منهم زي ما حكومة البرازيل ضربت أطفال الشوارع بالنار؟

قال قطز:

- يا فندم، لما القضية تتحل ونكشف الفاعل الحقيقي هيتخرسوا خالص.

- عدى أسبوعين وما تمش التوصل لاي شيء!

أخذ نفساً عميقاً وأكمل:

- أنا منبهر بالشكل اللي إنتو الآتين عملتوه في الفترة اللي فاتت، خصوصاً في قضية طه عبد اللطيف، عشان كده قررت إنكم تسيبوا أي قضية في إيديكم دلوقت وتنضموا لزماليكم اللي شغالين في الموضوع ده. فكرت أديها لحد قديم، بس كلهم بيفكروا في نطاق محدود، وبيحطوا افتراضات تقليدية، والموضوع دلوقت اتحول لقضية رأي عام والوزير نفسه متتابع، لأن أصابع الاتهام بدأت تتوجّه علينا. أنا واثق إن التسمم الجماعي ده مش صدقة، زي ما أنا واثق بالظبط إن إنتو الآتين متقدروا توصلوا لإجابة منطقية اللي حصل ده.

علقت قائلاً بعقة مفرطة:

- وإننا قد تقدّمك يا سيادة اللواء.

أضاف قطز:

- إن شاء الله هنلاقي اللي عملها.

ابتسم اللواء رشوان، وأضاف بحميمية:

- طريقة شفلكم سوا بتفكرني بأهلكم، يحيى وأنور، كانوا لما يحطوا قضية في دماغهم

يسيجبيوا قرارها.

قال قطز ممتازحا:

- طب والنبي يا سيادة اللوا تبقى تقول الكلمتين دول قدام بابا، عشان يبطل يقولي يا خايب في الرايحة والجایة!

ضحك اللواء فاهنزن كرشة الكبيرة، ثم علق:

- ما هو ده الفرق اللي بيبني وبين سيادة اللوا أنور، هو مش شايف أمل في جيلكم، في حين إن أنا مؤمن بإنكم قادرين على صنع المعجزات.

\* \* \*

جلس كلانا إلى المكتب الذي تعلوه الأوراق ونتائج المعامل، بعد أن أطلعوا زملاؤنا على ما توصلوا إليه في القضية، لنكتشف أنهم في الواقع لم يتوصلا إلى أي شيء.

سألت قطز وأنا أدرس ملف القضية:

- تطلع إيه مادة الآتروبيين دي؟

- المادة اللي اتسمموا بيها.

ونظر إلى التقرير:

- جرعة زائدة من مادة الآتروبيين.

- مخدرات دي يعني ولا إيه؟

أخذ ورقة وبدأ في قراءتها:

- مكتوب هنا، مادة تستخدم كقطرة لتوسيع حدقة العين أثناء العمليات الجراحية والتهاب العنبية، و تعالج بطء القلب والقولون العصبي والقرحة، و تستخدم كبريق ضد التسمم بقطر عيش الغراب والمبيدات الفسفورية العضوية و...

- انجز يا قطز! ده سم ولا دوا؟

- اللي فهمته إنه مادة بتستخدم في صناعة الأدوية، يس زى أي حاجة في الدنيا، لو زادت عن جرعتها بتتحول لسم.

- بيقى نشوف مين اشتري أي دوا فيه المادة.

- الشباب عملوا كده، لقوا إن كل اللي اشتوروه في الفترة اللي فاتت كانوا من مرض القلب، وجايوا بروشة وبالجرعة المحددة. الطب الشرعي قال إن المادة اللي مات فيها الأطفال هي المادة الخام للسم مش المستخدمة في الأدوية.

- وإيه مصدر المادة الخام للسم ده؟

- مش عارف.

- نبقى نعدي على طارق نساله، يعشش هو السموم زي عينيه!

هز رأسه موافقاً وهو يكمل قراءة التقرير، ثم أضاف:

- بيقولك إن السم دخل الجسم عن طريق الأمعاء، يعني اتحط في أكل أو شرب.

- حلو، إيه بقى الشيء اللي أكل منه خمستاشر عيل في نفس التوقيت؟

زفر قطعاً قائلاً:

- حسيبي الله ونعم الوكيل في اللي موت العيال دي على سالم المستندات كده! تعرفاني فرحان إن الموضوع سخنان والعيون على القضية! حق العيال دول لازم ييجي!

- هيبجي، بس إيه الدافع ورا تسميم خمستاشر عيل؟

- تلاقيه توربيني جديد.

- التوربيني كان بيغتصبأطفال الشوارع وبعدها يقتلهم، لكن المرأة دي محدثش من العيال دول ا تعرض للاغتصاب أو السرقة أو الضرب، انتلوا وبس.

- يمكن شغل عصابات في بعض، معظم أولاد الشوارع متورطين في تهريب مخدرات أو اتجار.

- ما أظليش إن عصابة مخدرات هتقتل بالسم، معظمهم بيستخدموا طرق عنيفة وهمجية. السم طريقة متنقم ذكي بس جبان وبيخاف يواجه، ده مش شغل عصابات نهائي.

\* \* \*

كعادته، دخل صلاح بملابس ذات الألوان الفاقعة المؤذية للنظر بلا استئذان.

في الغالب، لا يمر على مكتبنا إلا لثلاثة أسباب: كي يتبااهي بأمر ما، أو لكي يطلب منا طلبنا سخيفاً، أو لأن رائحة الطعام الذي تناوله جذبت حاسة شمه التي تفوق حاسة شم الكلاب. وبالنظر إلى هذه العلبة الحمراء الملفوفة بطريقة رخيصة التي يحملها في يده، أظنه أتي

ليتفاخر بأمر ما.

- إيه يا نكدي منك له ؟ بتعملوا إيه ؟

لم أتفت إليه، وانشغلت بقراءة الملف، بينما نظر قطز إلى العلبة بقضوول وقال:

- دي هدية الفالتساين ؟!

تظاهر صلاح التافه بأنه فوجن بالعلبة في يده، ثم قال بتباه لا داعي له:

- إيه ده ؟ إنت خدت بالدك ؟

داعب شعره الذي تفوح منه رائحة الجيل المقيمة:

- دي البت سماح، جايبيالي برفان عشان عيد الحب. إنت عارف تقاهة النسوان.

- تقاهة ؟! كثُر خيرها إنها عبرتك.

- دي أقل حاجة يا ابني، دا أنا مفرغها كروت شحن. بس والله أحسن من البت سوسن اللي جايبيالي دبدوب محمياء في جردن ترتر أحمر.

ضحك كاشفًا عن أسنانه الصفراء:

telegram: @alanbyawardmsr  
- النسوان سمعت يا جدع. أنا يتجمالي دبدوب أحمر؟! فاكرااني خريج تجارة إنجليشن؟!

ضحك ضحكته الأقرب إلى نباح الكلب، ثم أكمل:

- لما نشوف نجوى هتجيللي إيه هي الثالثة، على الله تكون حاجة ليها لازمة.

التفت إلى قائلًا:

- سيادة النقيب لمونة ساكت ليه ؟

أجبته بفتحور ومن دون أن أرفع عيئي عن الأوراق:

- مشغول

- مشغول في إيه يا ابني إنت ؟

- هو أنا مش قلتلك تبطل كلمة «يا ابني» دي ؟!

- هو أنا باسبيلك ؟!

التفت إلى قطز قائلًا بسخرية:

- ما تقول لصاحبك ينزل من فوق البرج اللي بيكلمنا منه ويتعامل معانا عدل، إحنا مش  
شغالين عند السست الوالدة.

قلت بهدوء:

- باقولك يا صلاح، خد هديتك ونسوانك وشبك وجيل لولوا اللي في شعرك ده واتكل على  
الله!

- آآآآآآآ، أنا برضو قلت كده، محروم إنت عشان جالي تلات هدايا وإنانت سسجل متتن  
محدش معتبركدا

وضحك ساخزاً:

- يا رجاله، صفواني لكم عشان ربنا يكرمكم.

قلت ببرود:

- يكرمها ياننا نبقى زيلك؟! عندك أربعة وتلاته سن، ومطلق تلات مرات، ومتجوز اتنين  
عرفي، ومختلف أربع عيال كل واحد فيهم من واحدة شكل!

ضحك الضحكة نفسها، وقال:

- طب يمين ثلاثة بتغفروا مني، معلش، بكرة يجيلكم عدلكم.

ضحك ثانية:

- صحيح، وصلتوا ليه في القضية بتاعة العيال اللي اتسممت؟ أنا كنت هاشتغل فيها بس  
اللوا رشوان شاف إنها قضية تافهة وصغيرة على أويء.

أدرت عيئي في محجريهما، وزفت ضجزاً، فهذا هو صلاح، ينفعه وينحقر من شأن أي شيء  
يخفق فيه، ويقلل من قدر من ينجح فيه حتى يهون فشله على نفسه.

لم أعره اهتماماً، بينما أكمل متفعلأً:

- شوية عيال كلوا من الزبالة ولا اشتروا أكل حمضان وماتوا، إيه بقى الهللة الكبيرة اللي  
اعملت دي؟! والجرائد العالمية تتكلم عن حقوق الإنسان وإهمال المستشفيات و...

قاطعه قطر متضايقاً:

- ما هو لو كان عييل من عيالك اللي اتسمم ما كتتش قلت كده!

احتدى ثبرة صلاح:

- إنت هتجيب عيالي لجريايع الشارع؟! أنا موفر لهم أحسن عيشة، وهاطلهم بني آدمين  
مش بلطجية وكوليجية يرازوا في الخلق!

التفت إلى مضيقاً:

- إيه يا سي نوح؟ نسيت جارك اللي عيل من دول ثبته وغزه؟ ولا البحات اللي بيقتصبوهم؟  
إيه يا جدعان! العيال دي موتها راحة، بلاش خوته دماغ!

- أولًا ما تجيبيش سيرة جاري الله يرحمه تاني نهايأنا. ثانياً إنت معندكش ذرة إنسانية، اللي  
بتتكلم عليهم دول أطفال عندهم سبع وقمن ستين، وكل القرف اللي هما عايشين فيه ده  
بسبيتنا، مش عارفين توفر لهم حياة كريمة ولا مأوى يلمهم! يعني إيه عيل يتسمم وما يلاقيش  
دكتور ينقذه؟! يعني إيه يسيبوه يموت على السلم ذي الكلب عشان ملوش أهل؟!

- والله محدش خلاه يهرب من بيتهم ويعيش في الشارع، ولا أجبر أمه على إنها تجيئه من  
الحرام وتبلينا بيها. بتناقص الأشكال الوسخة دي!

أغلقت الملف الذي أقرأه وقد طفح بي الكيل، وأجبت صلاح بنبرة صارمة:

- أمثالك يا صلاح، اللي مديين نفسهم الحق في تحديد مين يستاهل يعيش ومين  
يستاهل يموت، هما اللي جايينا ورا! روح شوف البت نجوى جايالك إيه، وسبيتنا تشفوف  
شنفلنا!

- وهو شفلكم حماية ولاد الشوارع والبلطجية و...

- شفلكم حماية الأرواح والأعراض والأموال، ومنع الجرائم وضبطها، وكفالة الطمأنينة  
والأمن للمواطنين في كافة المجالات. مش دي المادة الثالثة من القانون ١٠٩ اللي إنت فالقنا  
بيه ومش حافظ منه غير اللي على مزاجك اللي لصالحك وبس؟!

ضحك متھڪاً وقال:

- قلب حسائية يا أخوياء منك له!

وخرج متمنقاً:

- جاتكم خيبة!

رحل عن مكتبنا بعدما سحب كل الأكسجين من الغرفة، فقال قطز:

- أنا مش مصدقه بجد!

- عادي يعني، صلاح طول عمره حيوان وأفكاره...

- مش قصدي على أفكاره. أنا مش مصدق إن صلاح المعنون تيجيله تلات هدايا في الفالستاين وأنا قاعد زي قرد قطع كدها ده ظلم!

زفت قاتل:

- طب قوم، قوم نروح لطارق يا خييتها!

\* \* \*

في طريقنا إلى صيدلية طارق في جاردن سيتي، رأيت السيدة فتون، ذات القامة الطويلة، والجسد النحيف، والبشرة السمراء، والشعر الأسود «جارسون»، والملامح المتطابقة مع نفريتي. كانت تقف في محل الورد الذي افتحته أبوها في خمسينيات القرن الماضي، ليصبح أول محل يستخدم منظار الشلال الصناعي والمياه الجارية على الزجاج الخارجي.

لهذه السيدة الفيداء معزة خاصة في قلبي، فقد اعتادت أن تعطي لجنتي ما لا يقل عن خمسة برهطانات من مربى التوت التي تصنعها في المنزل، والتي أعتشقها بشكل يفوق الوصف، وأكاد أجزم بأنني سأصاب يوماً ما بمرض السكري من قرط تناول مربى جارتنا فتون.

لست الوحيد الذي يعيش هذه السيدة ذات الصوت الوديع واللمسات الحنونة، فالجميع يحبونها، ليس فقط لأنها صاحبة أرقى ذوق في اختيار الهدايا وتزيين باقات الورد، بل لأن السيدة فتون البالغة من العمر خمسة وخمسين عاماً امرأة ملائكة، خلقت لتشير البهجة بيننا، ففي كل مناسبة تنزل الشوارع وتوزع الورد على الناس، في عيد الشرطة تتجه إلى قسم قصر النيل وتوزع الورد الأبيض على الضباط والعساكر والأمناء، وفي الصيف توزع المياه الباردة على عساكر المرور لترحهم من حرارة الجو، وفي عيد القطر توزع على الكحك بالملبن على حارسي العقارات والباعة الجائلين، وفي عيد الحب تضع تخفيضات خرافية لا متيل لها على باقات الزهور، وتقف أمام محلها بعرية بلاستيكية مزينة بشكل مبهج وكلما مر أمامها حبيبان أعطتهم وردة مجانية بابتسامة تأسرك.

لمحتنا عندما نزلنا من السيارة. ولم يكن حب قطز لها يقل عن حبي، وفور أن رآها أقبل عليها، وقبل وجهتها، فعاونته، وشخخت أساورها الفضية ذات الرموز الفرعونية وهي تقول:

- الضبابيط الحلوين عاملين إيه؟

أجيتها ممتازا:

- مفيش حد في الكوكب بيقول «ظبايط» دي غيرك!

- عشان أنا مفيش متى اتنين يا ولد.

- لا منك ولا من مرتك. وبالمناسبة هي الـ...

- المربي بتاعتك هتوصلك قريب، المرأة دي أنا عاملها بطريقة جديدة هتخليك تأكل صوابعك وراها. مش هتشتري ورد؟

أجاهاها فقط:

- لمين يا حسرة؟!

- للبنوتة اللي بتحبها.

أجيتها:

- بنوتة مين يا طنط؟! صباحك مربى!

- الكلام مش ليك يا أبو قلب ناشف. قولي إنت يا قطر، مفيش حاجة كده ولا كده؟

أجاهاها ساخزا:

- يووووووه، ده فيه وفيه. ماما الله يباركها عايزة تجوزتي «استشهاد»!

تعجبت قائلة:

- استشهادا مش دي بنت خالتك رتبية؟

- هي. طب بذمتك أنا أتجوز واحدة اسمها «استشهاد»؟

أجيتها ساخزا:

- ده على أساس إن اسمك «لوفي»؟!

قالت السيدة فتون بحيادية:

- بغض النظر عن اسمها، إيه اللي مش عاجبك فيها؟

- مش بآحبها يا طنط! ده أنا ما باطيقش خالي نفسها، أقوم أتجوز بسها وأخليها حماتي؟!

- إوعى تتجوز غصب عنك يا قطر. مش كفاية خلوك ظابط بالعافية!

- والنبي قوليلها عشان أنا خلاص الخطوة الجاية هابليع حبوب وأتحروا

- بمناسبة الحبوب، هنروح لطارق في الصيدلية ونرجعلك تاني، مش عايزة حاجة يا طنط؟

- لا يا حبابي. في رعاية الله.

\* \* \*

دخلنا الصيدلية التي تدلت على بابها ستابور من القلوب البلاستيكية المزمعجة، ووضعت على واجهتها الزجاجية ملصقات لملاكتة محلقة بمناسبة عيد الحب الريت الذي انتشرت زينته الحمراء كالجدرى في المقاهي والمصالح في القاهرة.

وجدنا طارق جالسا تحوطه أرفف الأدوية، مشدودنا بكل حواسه إلى شاشة التلفزيون الذي يعرض مسلسلا وثائقيا على قناة «ناشيونال جيوغرافيك»، حتى إنه لم يلحظ دخولنا، فصحت به مباغثنا إيهاد:

- طارق!

جفل المسكين وراح يتلفت حوله كمن سمع عقريبا:

- حرام عليك يا نوح!

- دا إنت نقطة. أي عيل ئص سوا هيدخل يقلد ويطلع وإنت ولا حاسس!

نظر قطر ناحية شاشة التلفزيون المعلقة على عمود الجدار، وسأل طارق باهتمام:

- مش ده مسلسل «العقبري» بتاع قصة حياة أينشتاين؟

- آه، إنت متابعيه؟

- طبعا. شفت الحلقة لما اتحدى البروفسور فيليب ليتارد في المحاضرة؟

- آه، ولما اتخانق مع ميلفا مارتشن، و...

قطعت حاسهما العلمي، إذ كلما اجتمع قطر وطارق، لا تجد نهاية لحديثهما الثقافي:

- والنبي اقفلوا صفحة ويكيبيديا اللي فتحتها دي، واطفيلنا التلفزيون ده عشان عايزينك في موضوع مهم.

اضطرب طارق قاتلا:

- فيه إيه؟ نادية اشتكتاك من حاجة؟

- وهي نادية محتاجة تشتكي لحد؟ دي تخلص لوحدها على طول!

أطفا التلفزيون قائلًا:

- إنت هتقولي! أومال إيه سبب الزيارة الكريمة دي؟

أجباه قطز:

- عايزين منك معلومات عن مادة اسمها الأتروبين.

- آه، دي موجودة في بعض أدوية القلب وقطرة لتوسيع حدقة العين في العمليات و...

- عارفين الكلام ده، بس عايزين نفهم هي سم ولا مخدر.

- نسبة الأتروبين الموجودة في الأدوية اللي في الصيدليات مش مخدرة، ولا بتسبب الإدمان، لكن المادة الخام للأتروبين بتسبب هلاوس، وفي العصور الوسطى كانوا بيستخدموها كمخدر.

- والمادة الخام دي بتتجاب مين؟

- من مشتقات قلويات الأتروبيا الموجودة في نبتة البيلادونا، أو بالعربي شجرة ست الحسن. أعراض التسمم بيها بتبدأ بعد حوالي ساعتين ثلاثة من هضم السم، وكل ما كانت الجرعة أكبر كل ما كان ظهور الأعراض أسرع، إلا لو كان السم اتحط في وجبة دسمة فالتأثير بيقى أبطأ.

- والسم ده بيتابع فين؟

- الحصول عليه صعب جدًا، لازم تجيئه من المعامل أو من الشجرة نفسها.

- الشجرة دي بتتزرع في مصر؟

- ما أقدرش أفيديك في الحنة دي، لكن خليني أكذلك إنه صعب جدًا تلاقى سم الأتروبين في أي مكان.

\* \* \*

جلستنا في مقهى البستان بعد أن اشترينا الساندويتشات من فلفلة، وطلبنا المشروبات الساخنة.

ارتشفت القهوة، بينما ظل قطز يحذق في صمت إلى مصباح الإضاءة باريسي التصميم، فظنته يراجع معلوماته التاريخية عن ماضي مقهى البستان أو تاريخ إنارة العمود أو أي من

تفاصيل قطر الثقافية الغريبة، لكنه قال:

- البيلادونا دي سمعت عنها قبل كده، مش فاكر فين، بس وائق إن حد مهم مات بسمها.

- لحد ما تفتكر، عايزةين تعرف السم اتحط في إيه.

- باقولك يا نوح، الدنيا هادية وضلعة، ما تيجي.

نظرت إليه بارتياح:

- آجي إيه بالظبط؟! اتعدل!

- تيجي نكلم أرواح العيال.

- آه، أنا كنت ناوي أعمل كده.

وزفرت قائلاً:

- ربنا يستر!

- ليه؟ فيه إيه؟

- فيه إيه؟! أصلك ما شفتش العيال دول بيعملوا إيه على الكوبيري!

\* \* \*

يزداد نشاط الأرواح ليلاً.

هكذا أمسى لعب الأطفال ومرحهم هستيرياً.

كان الكوبيري خاليًا من المارة والحركة عدا صريح وصباح أرواح الأطفال الذين يتنادون بصوت عالٍ، ويركضون على السور كالبهلوانات، ويجررون خلف بعضهم ويلعبون الفمضة.

أراد قطر أن يأتي معي، لكنني لا أشعر بالراحة عند التحدث مع الأرواح أمام الأحياء، فأصررت على الذهاب بمفرددي، وصففت سيارتي على جانب الكوبيري وتزلت منها ممسكاً بالليمونة.

وقفت متربدة، فانا لم أتحدث يوماً مع هذا العدد الكبير من الأرواح في الوقت نفسه، ولم أز أرواحاً بهذا الشاطط من قبل.

كانت أصوات ضحکهم ومرحهم عالية، لا أظن أنهم كانوا بهذه السعادة وهم أحیاء. داروا حول أنفسهم في دوائر وهم يلعبون، فشققت الليمونة نصفين، وإذا بالأطفال كلهم يتلقون

نحوي ويحدقون إلى بطريقة مريبة، فقلت متربذاً:

ـ السلام عليكم، أنا نوح ..

قبل أن أكمل جملتي، ركضوا نحوي مهليين، وهجموا علي كمحاري طروادة، امتدت أياديهم الشبحية لانتشال الليمونة من بين أصابعى قائلين:

ـ لمون، لمون، لمون.

صحت بهم محاولاً أن أخفى الخوف والرجة اللذين أصاباني:

ـ بالراحة، بالراحة!

تراجعوت، لكنهم ظلوا يطوقون حولي بحماس طفولي مزعج وحيوية مفرطة، حتى التصق ظهري بالسور ولم يعد هناك مفر، فتحول خوفي إلى غضب:

ـ ابعدوا! انصرفوا يا بقرا

لم أعد أحتمل الطاقة الكهرومغناطيسية المتولدة عن خمس عشرة روخا يعانون من نشاط مبالغ فيه، فألقيت الليمونة جهة النيل، فحلقوا في الهواء وطاروا خلفها ونزلوا في النهر.

شعرت بالوهن مع تسارع نبضات قلبي وخفقانه، فابتعدت عن السور لاحتا، وقبل أن أصل إلى سيارتي، ظهرت أمامي روح الرجل ذي الشعر الفضي والكتزة الصوفية قائلة:

ـ إنت شاييفنا، صح؟

حاولت أن أنظم أنفاسي وألا أتعلق مع روح جديدة، لكنه أضاف بابتسامة هادئة:

ـ هتعمل نفسك مش شاييفني زي كل يوم؟

أخذت نفثا عميقاً، ثم قلت بهدوء مستسلماً:

ـ السلام عليكم، أنا نوح الألفي.

مد يده ليصافحني قاتلا بزرقي:

ـ وعليكم السلام، أنا ياسين الجارحي.

ـ بلاش لمس، الله يباركلك!

لم يفهم ياسين ما قلته، لكنه أخفض يده ونظر إلى الأطفال الذين بدأوا يخرجون من النهر ليكملوا لعبهم، وقال:

- مساكين! فاكرین نفسهم اتحولوا لأبطال خارقين مش إنهم أرواح ميتين!

- إنت اتكلمت معاهم؟

- دول هما اللي مسليني. صحيح، إنت شايقنا إزاي؟ وسيط روحي زي الأفلام الأمريكانى؟

- حاجة زي كده.

- واكتشفت الحكاية دي إمتنى؟

لم أكن في مزاج لاقص عليه حكايتي مع جبل الموتى، فغيرت دفة الحديث قائلًا:

- إنت مدت إزاي؟

- كنت قاعد في عربتي وفت فجأة بدون أي مقدمات.

- بالبساطة دي؟

ابتسم قائلًا:

- هو الموت لازم يبقى معقد؟

- أنا بس عشان متعود إن الناس يا بتموت مقتولة، يا مسمومة، يا مدبوحة، وكون حد يموت موتة طبيعية ده اختراع بالنسبة لي.

تأملت ملامحه لثوان، ثم علقت مضيقًا:

- أنا شفتك فين قبل كده؟

- إنت بتحلي كل يوم وإنت معدى على الكوبري.

- مش قصدي وإنت هيست، شفتك وإنانت حي.

- لو بتروح الأوبرا فأكيد شفتني، أنا مايسترو و...

- أيوه صح، ياسين الجارحي. أنا جدتي حضرتك حفلة قبل كده وخلتني أصورها معاك.

- فعل؟

- جدتي بتحب الأوبرا جداً.

- ده شيء عظيم! قولي يا...

- نوح.

- قوللي يا نوح، إنت عايز إيه من الأطفال دول؟

- أنا باحق في قضية قتلهم.

- أخبيزا حد قرر يجيبلهم حقهم! طب وصلتوا إيه؟

- اقتلوا بمادة سامة، كان فيه حد قاصل يقتلهم، مش صدفة ولا أكل بايظ.

- وكنت عايز تكلمهم في إيه؟

- كلوا إيه؟ أو شربوا إيه؟ مين اللي أكلهالم؟ أي معلومة تفيدنا. بس هم مهيبرين بزيادة زي ما إنت شايف.

ثبت نظارته الذهبية على أنفه، ثم قال:

- لعلك، دول أطفال لطاف جداً، محتاجين بس شوية صبر.

- أصل أنا مليش خلق للعيال!

- أنا معك أكلهملك. شوف عايز تعرف إيه وأنا أسألهem.

- لو عملت كده بيقو كتر خيرك و...

- بس محتاج منك خدمة صغيرة.

كت وانقا من أنه لا توجد روح ميت تقدم مساعدة مجانية في هذا الزمن، فقلت له:

- خدمة إيه؟

- قول ليتني الكبيرة بابي بيقولك ما تتجوزيش كريم.

حڪڪ ذقني قائلًا:

- بابي مين؟

- أنا. روح ليتني و...

قاطعته ساخزاً متخيلاً مشهد لقائي بابتنته:

- أروح ليتك أقولها أنا شفت بابي المصيت على كوبري قصر النيل لابس بلوفر صوف،  
وبيقولك ما تتجوزيش كريم، آه، تسيت أعزفلك بنفسسي، أنا نوح الآلفي اللي بيشوف الأرواح؟!

- أكيد مشن هتقولها كده، إنت ذكي وأكيد هتلaci طريقة. أنا اكتشفت إني أقدر أروح لها  
بمجرد ما أفكر فيها، بس هي لا بتشفوني ولا بتسمعني!

- اطلعها في الحلم وكلمها.

- إزاي؟

- أقف عند طرف سريرها وهي نايمة واتكلم معها، الروح بتتفصل عن الجسد في وقت  
النوم وبتقدر تشفوF أرواح الميتين.

- إنت متأكد من الكلام ده؟

- على ضمانتي.

أغلق عينيه ليرحل، لكنني استوقفته:

- استنى، رايح فين؟

- هاروح لبتي قبل ما تتجوز.

- أكيد بتتك مشن هتتجوز وأبوها لسه ميت، فممكـن نستنى ونشوف موضوع العيال ده  
الأول؟

- إنت مشن فاهم! أنا اللي ضفت عليها عشان تستمر في الخطوبة. في الأول كانوا بيحبوها  
بعض، وبعد ما اخطبوا وميعاد كتب الكتاب قرب قالتلي «أنا عايزـة أسيـبه يا بابـي عـشـان  
حـاسـة إنـه بـيـخـونـي»، بـسـ أناـ اـفـكـرـتـهاـ بـتـتـدـلـعـ أوـ إنـ دـيـ غـيـرـةـ بـنـاتـ مـلـهـاـشـ لـازـمـةـ،ـ فـرـفـضـتـ،ـ  
خـصـوصـاـ إـنـ وـالـدـ كـرـيمـ يـقـيـ صـدـيقـ عـمـريـ وـمـاـ أـقـدـرـشـ أـبـقـ فيـ مـوقـفـ مـحرـجـ زـيـ دـهـ مـعـاهـ،ـ  
لـكـنـ لـمـاـ فـتـ وـبـدـأـتـ أـرـاقـبـ تـصـرـفـاتـهـ اـكـشـفـتـ إـنـ عـنـدـهـ حـقـ،ـ وـإـنـ فـعـلـاـ حـقـيرـ وـبـيـخـونـهاـ،ـ وـأـنـاـ  
مـشـ...

- مـشـ عـاـيـزـ بـتـكـ تـكـمـلـ حـيـاتـهـ مـعـ وـاحـدـ خـاـيـنـ بـسـبـيـكـ،ـ مـفـهـومـ مـفـهـومـ.ـ سـاعـدـنـيـ بـسـ فـيـ  
الـقـضـيـةـ دـيـ وـإـنـ شـاءـ اللـهـ كـلـهـ هـيـقـنـ تمامـ.

- طـيـبـ،ـ عـدـيـ عـلـيـ بـكـرـةـ فـيـ نـفـسـ التـوـقـيـتـ.

في تمام الواحدة بعد متصف الليل، وقفت في المكان نفسه على كوبري قصر النيل،  
واضعاً سماعة البلوتوث في أذني حتى لا يظن أحدهم أنني مجنوب يحدث نفسه.

ظهرت روح المايسترو ياسين الجارحي بجواري، وبوجه مشرق قالت لي:  
ـ لقيتك الإجابة، تعال معايا.

مشينا حتى تمثالى الأسدin في مدخل الكوبري، ووقفنا أمام واحد يمتطيه طفل سمين  
في التاسعة من عمره، يهتز فوق الأسد الشامخ فيتحرك جسده الرخوي بشكل متوج وهو  
يقول:

ـ شبيسي، شبيسي.

كان يظن الأسد حمازاً يمتطيه في الحقل، فقلت لياسين محظاً:

ـ هي دي الإجابة؟

ـ ده ولد في غاية الذكاء.

ـ ذكاء إيه؟ ده فاكر أسد قصر النيل حماراً

ـ ما تسرععش في حكمك!

نادي على الطفل:

ـ يا بطيخة، انزل يا حبيبي.

أجابه الطفل بصوت يلهث من بين دهونه وشحومه:

ـ أنا بطل خارق وراكب أسد!

ـ طب انزل دلوقت ونبق نركب الأسد بعددين يا بطيخة.

ـ اسمي سوبر بطيخة!

ـ طب انزل يا سوبر بطيخة عشان تساعدنا. مش السوبر هيروز بيساعدوا الناس؟

زفر الطفل، وقفز من فوق التمثال، بسترتة الممزقة وحزانه المثقوب وبنطلوته المتتسخ،  
ليقف أمامنا لاهثاً، فقال له ياسين بحنان:

ـ بطيخة يا حبيبي، احلى لأنكل إنت شفت إيه.



حك رأسه قائلًا:

- هه؟ بتقول إيه يا أستاذ ياسين؟

اقربت منه قائلًا:

- إنت شفت إيه يا بابا؟

- هات بورجار وأنا أقولك.

- إيه؟!

- طب هات بوزو.

- يا حبيبي إنت مـ...

- هات بيبس طـاـاه.

- اللهم طـؤـلـك يا روـحـ!

زـفـرـ وـأـشـارـ لـيـ أنـ أـقـرـبـ:

- تعالـ أـقـولـكـ فـيـ وـدـنـكـ.

اقربت، فبدأ يهمس في أذني بعد أن ظل يتنفس فيها لفترة طويلة:

- معـاكـ مـلـبسـ؟

صـحتـ بـهـ:

- يا ابني! يا ابني ما تخـقـيـشـ بـقـىـ!

قال ياسين:

- بطـيـخـةـ ياـ حـبـيـيـ،ـ هـنـديـلـكـ الـلـيـ إـنـتـ عـايـزـهـ،ـ بـسـ قـوـلـهـ الـلـيـ حـكـيـتـهـوـلـيـ.

أـشـارـ إـلـيـ أنـ أـقـرـبـ تـانـيـةـ،ـ فـقـلـتـ مـعـرـضـاـ:

- إـنـتـ بـعـوـشـنـيـ لـيـهـ؟ـ مـاـ تـحـكـيـ وـتـخـلـصـيـ!

بـكـ صـانـخـاـ:

- إـنـتـ بـعـزـعـقـلـيـ؟ـ طـبـ وـالـلـهـ مـاـ هـاـحـكـيـلـكـ حاجـةـ!

كـادـ أـنـ يـرـحلـ،ـ لـكـنـيـ اـسـتوـقـفـتـهـ قـانـلـاـ:

- خلاص يا حبيبي، أنا راجل قليل الأدب. افضل احلى.

مسح دموعه قائلاً:

- هات ودتك.

اطعنه مضطراً، فبدأ يتكلم بيطء ويتنفس بصعوبة بين الكلمة والأخرى:

- فيه راجل سايق عربية سودا كبيرة وزع علينا عصير بتعجاني.

- بتعجاني؟!

- لونه بتعجاني وطعمه مسگر. كلنا شربينا منه وبطتنا وجعتنا. زحنا المستشفى بس من كتر الوجع نهنا وصحينا لقينا نفسنا أقوى وبتغطير في السما وبنعوم في التيل ومخفيين محدش يقدر يشوفنا.

- شكله إيه الراجل ده؟

- طويل ورقيق وأسمر ولابس جلاية بيضا وطاقيه حمرا ونضارة شمس مخبيه نص وشه.

- لو شفت الراجل ده تعرفه؟

- أنا سوبر بطيخة، وعارف الناس كلها. هات شوكولاتة.

- هاجييك بس كفل، تعرف اسم الراجل ده؟

- لا، أول مرة أشوفه.

- طب سمعته بيقول حاجة أو...

- ده راجل أخرس بيtalk بالإشارة.

- طب كان فيه حاجة مكتوبة على علبة العصير اللي وزعنها عليكم؟

- ما كانتش علبة، كانت إزاوه كبيرة بيكتب منها في كوبيات بلاستيك.

- طب والعربية اللي كان بيسوقها؟

قال ياسين:

- بطيخة حافظ رقمها و...

قاطعه الطفل صائحاً بغرور:

- سوبر بطيحة.

قال ياسين ضاحكاً:

- أنا آسف يا سوبر بطيحة.

رفع رأسه بشموخ، تم وأشار لي حتى يكمل حديثه في أذني:

- أنا باحفظ أرقام كل العربيات من بصة واحدة بس.

- تصدق يا ض إنت فعلاً سوبر إيه رقم العربية؟

- ما أنا مش باعرف أقرا ولا أكتب.

ضربت خدي قائلةً:

- ألطم؟! ألطم على وشى؟!

- أنا ممكن أرسمها لك، أنا بارسم حلو أوي. أرسم لك كلب؟

- كلب إيه يا بابا؟! إنت مش هتعرف تمسك ورقة وقلم!

- ليه؟! هو أنا اتشيلست؟!

- لا، فـ...

توقفت عن الكلام وتراجعت عن إخباره بأنه أصبح من الأموات، وزفرت ووضعت يدي على خصري مفكرةً، ثم أخرجت دفتر الصغير وقلمي من جيبي قائلةً:

- إنت حافظ شكل اللوحة كوييس؟ يعني لو شفتها تعرفها؟

- باقولك سوبر بطيحة.

فتحت الدفتر، وبدأت أكتب الحروف العربية بالترتيب قائلةً:

- ماشي يا سي سوبر بطيحة، لما نشوف.

أنهيت كتابة الحروف العربية، ومن بعدها الأرقام من صفر إلى تسعة، وأوضحت له:

- دي كل الأرقام والحوروف. قولي شفت إيه منها على لوحة العربية بالترتيب.

نظر إلى الدفتر، ثم التفت إليّ وقال ممتعضاً:

- خطك نكتش فراح!

ضربيت نفسى بالدفتر، ثم قلت لياسين:

- إنت ما لقيتش غير العيل الجلياط ده أكلمه؟!

- ماده الوحيد اللي خد بالله من لوحة العربية!

قال بطيخة:

- اشتريلى حلبسة.

- هاشتريلك كل عربيات الحلبسة اللي في الكوكب، بس ارحم أمي وانجزا

دقق النظر في الدفتر، ثم اختار الأحرف: ق ب ر، ومن الأرقام ٥، فقلت:

- وباقى الأرقام؟!

- هو الرقم ده مكتوب تلات مرات جنب بعض.

- متأكد من ترتيب الحروف والأرقام ده؟

نظر إلى بقعة منقطعة النظير:

- عيب عليك! دا أنا سوبر بطيخة!

\* \* \*

أخبرني وليد - زميلي ضابط المرور - أن هذه السيارة تابعة لمكتب تأجير سيارات في التجمع الخامس، فذهبت أنا وقطرز إلى مقره بعد أن قصصت عليه ما حدث مع أرواح الأطفال، فتأثر وأغزورقت عيناه بالدموع لأنهم يظنون أنفسهم قد تحولوا إلى أبطال خارقين بسبب مشروب سحري، ولا يدركون أنهم صاروا موته بسبب عصير مسمم، مما أشعرني بأنني إنسان بلا إحساس أو عاطفة حيث لم أتأثر بالقدر نفسه، وربما ذلك لأنني أرى أرواحهم فلاأشعر بهم كموته أو ضحايا، كما أني رأيتهم يلهون ويلعبون وهم أسعد مما كانوا عليه أحيا.

وصلنا إلى المكتب الأنيد الذي يملكه شاب يرتدى حذاء لامعاً ويضع عطرًا ثقيلًا، وقد رحب بنا بابتسامة بلاستيكية قائلًا:

- أخدم حضراتكم يايه؟

- عايزين تعرف مين اللي أجر من عندكم عربية سودا عالية رقمها ق ب ر ٤٥٥٥

- مين اللي أجرها إمتي بالظبط؟

- يوم الأربع ١ فبراير، ما بين الساعة اثنان وعشرين والاثنتين والثلاثين.

- لحظة.

خرج من مكتبه النظيف ثم عاد بصورة بطاقة قائلًا:

- دي صورة بطاقة اللي أجر العربية.

كانت تحمل اسم «خيري مدحت أمجد شلوب»، جراح مقيم في فيلا في التجمع الخامس.

\* \* \*

قال قطر ونحن في طريقنا إلى فيلا صاحب البطاقة:

- بانت كده يا معلم، جراح ومنش صعب عليه يجيب السم.

- إيه اللي يخلع جراح محترم يسمم أطفال الشوارع؟!

- هنجبيه من قفاه ونخلية يعترف، ده المفترض بيقى عبرة لمن يعتبر.

ثم حك ذقنه قائلًا:

- بس برضو هاموت وأعرف أنا سمعت عن شجرة البيلادونا دي فين قبل كده؟

\* \* \*

وصلنا إلى الفيلا المترفة، ولم نجد لها بؤاباً.

فتحنا البوابة الحديدية التي لم تكن موصدة، ومررتنا من الحديقة المهمللة ذات مقاعد الخوص المتربة، واقتربنا من الباب الخشبي الآنيق، وقبل أن أطرقه شعرت برجفة لا تتناسب إلا عندما تلمسني روح.

استدررت لأجد روح رجل في مقتبل السينينيات، قصير وأصلع، وجسده هزيل، وعياته ذات اذابستان، ويرتدى نظارة مستديرة، وببعض رداء نوم صوفي فوق منامته المخططة طولها.

نظر إلى متوجهًا، وذهشت عندما أدركت أنه الجراح خيري شلوب. أخرجت صورة البطاقة  
ثانية ونظرت إلى صورته فيها تم إلية، إنه هو بلا شك!

راح قطر يطرق الباب، بينما قال لي الرجل بنبرة تائهة:

- ما شفتش فاطمة؟

- دكتور خيري؟

الفت قطز حوله قاتلأ:

- شكله مش جوه و...

أشرت إليه أن يصمت، وقلت لروح الطبيب:

- السلام عليكم يا دكتور، أنا نوح الألفي.

ارتبك قطز، ونظر إلى حيث أوجه حديبي، ففهم ما يدور وسألني هامشا بتحفظ:

- نوح، هو الدكتور... إنت بس اللي شايفه؟

هزّت رأسي إيجاباً، بينما أعاد الطبيب سؤاله:

- ما شفتش فاطمة؟

- فاطمة مين يا دكتور؟!

- مراتي. قاتلي إنها هنا. شفتها؟

- هي ماتت؟

هز رأسه، ثم أضاف:

- بس أنا زحتلها.

- زحتلها إزاي؟ مين اللي قتلت؟

نظر حوله كالضال وهو يكرر مخرفاً:

- ما شفتش فاطمة؟

- هاساعدك تلاقيها، بس قولي إنت فت إزاي؟

عبس وقال غاضباً:

- مش عايزة! مش عايزة منك حاجة! أنا هادئه عليها بنفسي!

- استنى يا دكتور، أنا...

أتنى من يميّني صوت ناعس يملأه الخمول، قال صاحبه:

- أيوه يا أستاذة، فيه حاجة؟

التفينا بعد بواب الفيلا يفرك عينيه خارجا من غرفته الصغيرة في الجهة اليسرى من  
الحدائق، بينما اختفت روح الطبيب.

قال قطز:

- دي فيلا الدكتور خيري شلهوب؟

. الله يرحمه.

- هو مات إمتنى؟

- آخر ينابير، قبضتني من هنا واتكل على الله!

سألته:

- هو مات إزاي؟

- أنا برضو لسه ما عرفتش الأستاذة بيقوا مين!

telegram: @alanbyawardmsr

- الأستاذة بيقوا مباحث. أخلص. خيري مات إزاي؟

- لا مؤاخذة يا باشا، الدكتور انتحر، ما استحملش الحزن على الاست فاطمة.

- فاطمة دي مراته؟

- أيوه يا باشا. ما كانتش بتحلّف، وهو كان بيذوب فيها دوب، وفضلوا عايشين ملهمش  
غير بعض، لحد ما ماتت في حادثة عربية، والدكتور ما استحملش، وبعديها بشهرين انتحر.

- انتحر إزاي؟

- خط لنفسه سم في العصير.

\* \* \*

الامر برمهه غير منطقى!

جمعنا ملفات التحقيق في وفاة خيري، وعدنا إلى المكتب في محاولة لتحليل الأمر، فقال  
قطز:

- يعني خيري جاب سم الأتروبيين، وحطه في العصير، وأخر عربية، وطلع على كوبري قصر  
النيل وزع العصير المسموم على العيال، ورجع بيته وانتحر بنفس السمة؟

- إنت مش مركز، وشكلك عايز تنم!

- ليه؟

- شهادة وفاة خيري طلعت بتاريخ ٢٠ يناير، والعيال اتسمموا ١ فبرايرًا

- يعني إيه؟ مات وعفريته سقم العيال؟!

- يعني مات، وحد سرق بطاقته أجر بيها العربية وسقم العيال. أوصاف خيري مش متطابقة مع اللي بطيخة قالى عليه، اللي سقم العيال راجل طويل ورفيع وأسمر وأخرين.

- بيقى الرجل ده هو اللي قتل الأطفال وخلى خيري يتتحر؟

- خيري اتقتل ما اتحرش.

رفع حاجبيه مستفهها:

- إزاي؟! تقرير المباحث بيقول...

- بيقول إن الباب كان مقفل بس المفتاح مش موجود، وإنهم لقوا كوبية العصير اللي فيها السم على الترايبيزة، لكن ولا لقوا إزاوه السم ولا مصدر العصير نفسه.

- ترجملي.

- الرجل اللي وزع العصير المسموم على العيال هو نفسه اللي دخل بيت خيري قبلها بيوم، وصله من نفس العصير المسموم، وسرق بطاقته، وخرج وغلق الباب وخد المفتاح معاه عشان خيري ما يقاومش وما يلحقوش يروح المستشفى لما تظهر عليه أعراض التسمم، نفس الاستراتيجية اللي اتبعها معأطفال الشوارع، كان عارف إن مفيش مستشفى هستقبلهم وتدיהם الترنيق.

- بس خيري كده كده ما قاومش لأن نفسه يموت ويشفوف مراته، ولعدم وجود أعراض مقاومة أو محاولات استنجاد اتفكرروا إنه اتحر.

عشان بهایم وبيكروتوا التحقيق!

- طب إيه الرابط بين خيري وأطفال الشوارع؟

- الرابط هو الشخص اللي قتل الاثنين بنفس الطريقة، لو روح خيري ما كانتش مخرفة كده بسبب موت مراته كنت فهمت منه!

- تفتكـر الـبـواب اللي قـله؟

- لو كان الـبـواب كان حـطلـه سم فـرانـ، وبـعـدـين دـهـ أـيـضـاـنـيـ وـتخـينـ، وـديـ مشـ مواـصـفـاتـ

القاتل خالص.

زفر قطز وهو يفرك عينيه ويقول معتبرضاً:

- هو إحنا ليه دايماً بندفع في قضايا حلزونية كده؟!

نهض وفتح الابتسوب، فسألته:

- بتعمل إيه؟

- ها حاول أشوف اسم شجرة البيلادونا ده أنا شفته فين قبل كده، يمكن نطلع بمعلومة

مفيدة.

في الظهيرة، علقت في الزحام المروري على كوبري قصر النيل، وما زالت الأرواح الصغيرة تلهو حولنا، وما زال بطيخة يمتطي ظهر الأسد صانحاً:  
 أنا سووووبر بطيخاً.

في الآونة الأخيرة، خرجت إشاعة تقول إن الكوبري مسكون، وذلك بسبب ظهور وجوه ضبابية غريبة في الصور التي يلتقطها المشاة ليلاً. والذي لا يعلمه مستخدمو الإنترن트 أن الكاميرات لديها قدرة على التقاط الهالات الطيفية للأرواح. بالطبع لا يظهرون بشكل واضح وصريح، لكنك تراهم يعيثون البشارة العادمة على هيئة ضباب أو دخان أو نور مخيف. وقد أعجبت أرواح الأطفال بهذه اللعبة، وكلما وقف أحد المشاة لالتقاط صورة، حلق الأطفال خلفه، وبعد أن يتفحص الشخص صورته يلاحظ وجود شيء مخيف فيها، فيظل يتلفت حوله وبهرب مرتبكاً، فتفقد أرواح الأطفال ضاحكة ساخرة!

شاهدت روح ياسين، وكان يتأمل السيارات كعادته، لكن عندما رأني عالقاً في الزحام المروري، اقترب مني وجلس في السيارة قائلاً:  
 وصلت لحاجة؟

الدقيا اتعقدت أكثرأ

إن شاء الله هتحل وهتقبض على اللي عملها.  
 إن شاء الله.

أنا طلعت لبنتي في الحلم زي ما إنت علمتني، فصحيت من النوم وكلمت كريم وسابعه.  
 طب الحمد لله، أهو حد فيينا نجح في حاجة.

دن هاتفي، كانت أمي تتصل بي، فأخرست الرنين، بينما قال ياسين:  
 لو حابب تتكلم على انفراد أنا ممكن أمشي.  
 لا، أنا مش فاضي أرد.

ما إنت ما وراكش حاجة أهو. رد تكون والدتك عايزةاك في حاجة ضرورية.  
 أنا عارف هي عايزةاني في إيه.  
 فيه مشاكل بيكم؟ أحكيلي، أدينا بتسللى.

- أفضل تسلل بحاجة غير مشاكل العائلية.

- ما أقصدش أتطل علىك، بس إنت مش ضامن هتسمع صوت والدتك تاني ولا لا.

نظرت إليه مستفهوما، فأكمّل:

- كنت مغرم بالموسيقى، درست في إيطاليا وفرنسا، وبقيت أستاذ في الكونserفاتوار، واحتفلت في الأوبرا، ولفيت العالم، لحد ما قرأت من الأربعين وكتت لسه ما اتجوزتش. عمري ما فكرت في الجواز وتكوين أسرة والكلام الفارغ ده، على قد ما فكرت في إن قلبي يدق. وفعلاً دق في فينيسيما لما اتعرفت على يسرا. كان عندها معرض رسم، هي فنانة تشكيلية، وحد من صحابي عزمني على معرضها صدفة، وأول ما شفتها عرفت إني هتجوزها، وفعلاً عشت معها أحمل خمسة وعشرين سنة جواز. ما أطشن إني ممكن أحب حد في الدنيا قدها، لكن شوف بقى مع الحب ده كله ديبينا خناقة غريبة، كانت أول مرة تتحقق بالشكل ده، لدرجة إني سبتلها البيت وزحت شقة بابا اللي في الزمالك. ثاني يوم كان عندي بروفة في الأوبرا والدنيا كانت زحمة، وأنا قاعد في العربية لقيت التلفون بيرن برقها، بس أنا كنت مقصوص وما رضيتش أرد، زي ما إنت عملت كده، وقللت الصوت، وقبل ما أرجع الموبايل مكانه كنت مت لو كنت أعرف إن دي آخر فرصة هاسمع فيها صوتها أكيد كنت رديت! الحياة غريبة! إنت مش عارف أنهي كلمة هتبقى الأخيرة! ولا أنهي فرصة هتبقى آخر فرصة ليك! العمر مش مضمون يا نوح!

بدأت السيارات تتحرك شيئاً فشيئاً، بينما أكمل ياسين بحزن:

- المضحك إني مش عارف سبب الخناقة، بس عارف إن يسرا شالية ذنب إني مت زعلان منها!

- كلّتها في الحلم وهؤنـتـتـ عـلـيـهـاـ؟

- حصل. صحيت فضلت تعيط، وأول ما البنات دخلوا عليها مسحت دموعها ومتلت إنها كويـسةـ. هي دايـقاـ كـدـهـ، تـحسـ إنـ رـجـلـهـ وـاجـعـهـاـ فـتـدوـسـ عـلـيـهـاـ أـكـبـرـ، تـحسـ بـأـلـمـ فيـ ضـهـرـهـ فـتـشـدـهـ أـكـبـرـ، ضـرسـهـاـ يـوجـعـهـاـ فـتـحـمـضـ عـلـيـهـ بـزـيـادـةـ. طـولـ عمرـهـاـ بـتـعـانـدـ الـوـجـعـ عـشـانـ تـفـضـلـ ضـهـرـنـاـ وـسـنـدـنـاـ! كـدـابـ الليـ يـقـولـكـ إنـ الرـاجـلـ هوـ عـمـودـ الـبـيـتـ! آـدـيـنـيـ مـتـ أـهـوـ وـالـبـيـتـ لـسـهـ وـاقـفـ عـلـيـ حـيـلـهـ! لوـ كـانـتـ يـسـراـ هيـ الليـ مـاتـتـ كـانـ الـبـيـتـ اـتـهـداـ!

- مش مطلوبـ. أناـ لـماـ والـدـيـ مـاتـ، أمـيـ اـتـجـوزـتـ وـخـدـتـ أـخـتـيـ وـعاـشـواـ فيـ بـيـتـ جـوـزـهاـ، وأـنـاـ عـشـتـ فيـ بـيـتـ جـدـتـيـ، وـبـيـتـ أـبـوـيـاـ اـتـقـلـلـ، وـمـنـ سـاعـتـهـاـ وـفـيهـ شـرـخـ فيـ الـعـيـلـةـ مش

عارفين نداوينه!

- إنت كنت رافض جوازها؟

- أكيد.

- إشمعنى الرجل بيدهن مراته الصبح ويتجوز غيرها بالليل؟

- يعني لو يسرا اتجوزت إنت هتبقى مبسوط؟

- أنا بس اللي مُت. مش المفروض إن موتي يدفنها معايا تحت التراب!

- والله إافت رومانسي. أنا مش كده خالص.

- الله يعینها خطبيتك.

- خطيبة إيه؟ هو أنا لاقي وقت أهersh في دماغي!

- لما قلبك يدق هتلaci وقت لكل حاجة.

- ده لما بقى.

- ليه التشاوم ده؟ إنت عمرك ما حبيت؟

- حبيت مرة وأنا عندي تمن سنين، ومن ساعتها وأنا بادور على واحدة شبهها.

- صاحبتك في الكلاس ولا بنت الجيران؟

- روح في جبل الموتى.

قصصت عليه حكاياتي مع جبل الموتى، وركزت على الشابة البدوية ذات البشرة الرائقة والعيين الواسعتين، التي مدت لي يدها بالليمونة، ولتنني على طريق التواصل مع الموتى.

- بتحب عفريته؟!

- روح، مش عفريته.

- طب وشفتها تاني؟

- من خمس سنين كده زحت جبل الموتى، بس ما شفتش أي حاجة، لا البدو الخاييفين ولا الفارس المحارب ولا الفرعون ولا هي نفسها.

- ما شكيتش قبل كده إن كل دي هلاوس سمعية وبصرية، وإن ده مجرد عقلك الباطن؟

- عيل عنده تمن سين هيبقى كل ده في عقله الباطن ليه؟ أنا كان أقصى طموحي وقتها  
إني أحلى لفاز المحقق كونان.

ضحك قائلًا:

- يعني هي دي فتاة أحلامك؟

- مش فتاة أحلامي على قد ما حسيت إنها ملاكي الحارس. يمكن عشان كان حب  
طفولي، وهي كانت فيها طيبة وابتسامة حنينة كده، ميكس غريب بين الرومانسية والأمومة.  
أنا عرفت بنات كبيرة بس كان دايماً فيهن حاجة ناقصة.

- ما كلنا فينا حاجة ناقصة!

- بس اللي بيحب حد مش هيحس إن فيه حاجة ناقصة. أقولك؟ أنا مقتنع إن البت اللي  
هاكم معها بقية حياتي هي اللي هاقدر أقولها إني باشوف الأرواح من غير ما أخاف، ومن  
غير ما تشوفني مليوس زي أمي، ولا مجانون زي اختي.

هز ياسين رأسه، وقال بابتسامة دافئة:

- تفاصيل يا نوح. يمكن القدر يفاجئك.

\* \* \*

لا أتذكر أنني ارتحت لإحدى الأرواح بهذا القدر من قبل.

بدأت روح ياسين تزور غرفتي، وتجلس معي في الشرفة ليلاً. ولأول مرة أحزن لكون  
إحدى الأرواح مترحل عن الأرض وتتركني.

عندما علمت جدتي بوجود روحه في منزلنا كادت تبكي تأثرًا، وحرست على أن أوصل إليه  
رسائل إعجابها وتقديرها وإجلالها لموسيقاره، حتى إنها كانت تشغل معزوفاته طوال الوقت  
لتؤكد حبها الشديد له.

بنهاية الأسبوع، لن يتبقى سوى يوم واحد لروح ياسين في عالمنا، فغدا هو اليوم الأربعون  
لروحه على الأرض، وقد دنت ساعة رحيلها.

في غرفتي تهيأت لأخذ قيلولة قصيرة قبل أن تعود جدتي التي حرست على أخذ كلبينا  
في نزهة تصحبها فيها صديقتها.

وجاءني صوت روح ياسين:

- هاروح فين؟

- ده السؤال الوحيد اللي مش عارفه إجابة.

- طب بعد ما أمشي مش هاقدر أشوف يسرا والبنات تاني؟

- بيقولوا إن الميت بيشفواف الناس اللي بيحبهم في أي وقت، بس محدش أكدلي المعلومة دي. لكن بابا كان بيذورني كثير في أحلامي بعد ما مات. صحيح كان بيقول كلام مبهم وشكله ما كانش واضح لكن كنت باشوفه في الحلم.

- بيقن لازم أقولهم إني ماشي. أنا باحكي لهم عن كل حاجة، حتى عنك.

ضحكـت قـائلاً:

- تصدق إن دي أول مرة من بعد وفاة بابا وجدي أحس إن فيه روح هتنقطع بيني؟!

- وإنـتـ كـمانـ هـتوـحـشـنيـ. بـسـ أناـ قـلـقـانـ عـلـىـ يـسـرـاـ وـالـبـنـاتـ منـ بـعـدـيـ.

- مراتـكـ وبـنـتكـ الكـبـيرـةـ ماـ يـتـخـافـشـ عـلـيـهـمـ، الصـغـيرـةـ مـتـهـورـةـ شـوـيـةـ، بـسـ أـخـتـهـاـ هـتـاخـدـ بالـهاـ منهاـ.

رنـ هـاتـفيـ، فـقلـتـ لـروحـ يـاسـينـ:

- بـعـدـ إـذـنـكـ.

وـأـجـبـتـ سـرـيـعاـ:

- فيهـ جـدـيدـ ياـ قـطـزـ؟

- «مـكـبـثـ»ـ ياـ نـوـحـ! إـحـنـاـ مـاـشـيـنـ فـيـ الطـرـيقـ الـفـلـطـ!

- أناـ مشـ فـاهـمـ حاجـةـ ياـ قـطـزـ.

- مـسـرـحـيـةـ «مـكـبـثـ»ـ بـتـاعـةـ شـيـكـسـبـيرـ اللـيـ خـدـنـاـهـاـ فـيـ ثـانـويـ وـ...

- مـالـهـاـ؟ـ!

- المـسـرـحـيـةـ كـانـتـ فـيـهاـ هـدـنـةـ بـيـنـ اـسـكـلـنـدـاـ وـالـقـوـاتـ الإـنـجـلـيـزـيةـ التـابـعـةـ لـلـمـالـكـ هـارـولـدـ هـارـفـوتـ، تمامـ؟

- اـنـجـزـ ياـ قـطـزـ عـشـانـ أناـ جـعـانـ وـعـاـيـزـ أـنـامـ وـمـشـ شـايـفـ قـدـاميـ!

- طـيـبـ طـيـبـ، مـكـبـثـ قـرـرـ يـخلـصـ مـنـ الـقـوـاتـ الإـنـجـلـيـزـيةـ، فـعـملـ نـيـذـ سـامـ، وـشـرـبـ منهـ

الجندو، وكان مفعوله قوي لدرجة إنهم ما كانواش قادرین يقفوا على رجلیهم وما توا على طول.

- فين الاكتشاف في اللي إنت بتقوله؟

- الاكتشاف إنهم ما ماتوش بسبب إن مكتب حطفهم سم في النبيذ، النبيذ نفسه هو السم!

- ورحمة أبويا ما فاهم حاجة!

- فاكر لما فضلت أقولك إني متتأكد إني سمعت كلمة بيلادونا قبل كده؟ عشان كانت موجودة في مسرحية مكتب. دي شجرة بتطرح فاكهة يسموها «توت الشيطان» عشان سامة، مكتب بقى خد التوت وعمل منهنبيذ. أطفال الشوارع والدكتور خيري كان محظوظ لهم السم في عصير التوت. العصير ما كانش فيه سم، العصير نفسه هو السم! التوت هو المادة السامة! يعني بدل ما كنا بندور على مين اشتري سم من الصيدلية ه...

- هندور على مين اشتري التوت من الشجرة!

- أو مين زرع الشجرة.

- هي مع肯 تتزرع في البيوت؟

- هي دي المعلومات اللي نقصاني. محتاجك تعدي على طنط فتون تسألهما عن الشجرة دي، وتعرف منها إيه شروط زراعتها، ولو ينفع تتزرع في مصر والكلام ده.

وقفت متجمسا:

- ماشي، أنا نازل دلوقت.

أنهيت المكالمة، والتفت إلى روح ياسين قائلًا:

- لازم أنزل عشان جد جديد في القضية.

- وأنا هاروح أودع البناء.

\* \* \*

استقبلتهنِي السيدة فتون في منزلها بخمس ساندويشات من المربى التي أعجز عن مقاومتها. أكلت الساندويشات بنهم، وإنني لقادر على التهام أضعافها، فقد كانت المربى أشهى من كل مرة إلى درجة أني لعقت أصابعي بعد أن فرغت من الأكل.

شاهدتني السيدة فتون وأنا آكل بشهية مفتوحة، وابتسمت بحنان عندما انتهيت، وقالت:

- أجيبلك تاني يا حبيبي؟

- دا أنا هاخد البرطمانت كلها وأنا مرقح.

- أنا مجهز اهملك، هنأكل لحد ما تشبع.

ضحكـت ثم شربـت الماء، بينما قـالت:

- قـلتلي بـقـي عـايـز تـسـأـل عن شـجـرـة إـيه؟

- البيـلـادـونـا.

- اسمـها بالـعـربـي «ـسـتـالـحـسـنـ» أو «ـتـوتـالـشـيـطـانـ» عـشـانـ بتـطـرحـ توـتـ طـعـمـهـ مـسـكـرـ بـسـ سـامـ جـدـاـ، وـشـكـلـهـ يـبـجـذـبـ الـأـطـفـالـ عـشـانـ بـيـفـتـكـرـوـهـ بـلـاكـ بـيـرـيـ، لـكـنـ لوـ أـكـلـواـ مـنـهـ خـمـسـ وـلـأـ سـتـ حـبـاتـ يـمـوتـواـ فـيـ خـلـالـ سـاعـيـنـ تـلـاثـةـ، وـأـكـلـ جـزـءـ سـامـ فـيـ «ـسـتـالـحـسـنـ» هوـ جـذـورـهـ. وـفـيـ مـاـشـاـهـيرـ كـثـيرـ فـيـ التـارـيـخـ مـاتـواـ بـسـمـهـ، زيـ الإـمـراـطـورـ أـغـسـطـسـ، والإـمـراـطـورـ كـلـودـيوـسـ. ولـحدـ النـهـارـهـ سـمـ «ـسـتـالـحـسـنـ» يـبـسـخـدـ فـيـ جـرـاـيمـ القـتـلـ. الليـ بـالـنـاسـيـةـ سـمـوـهـاـ «ـسـتـالـحـسـنـ» الليـ هيـ تـرـجـمـةـ لـكـلـمـةـ بـيـلـادـونـاـ عـشـانـ السـتـاتـ كـانـواـ يـبـسـخـدـمـواـ لـوـنـ توـتـ بـتـاعـهـاـ فـيـ التـجـمـيلـ، يـبـعـصـرـوـهـ بـطـرـيقـةـ مـعـيـنـةـ عـشـانـ بـتـخـلـصـوـهـ مـنـ سـمـهـ، وـبـعـلـمـواـ مـنـهـ رـوجـ أوـ أحـمرـ خـدـودـ.

- والـشـجـرـةـ ديـ بـتـنـزـعـ فـيـ مـصـرـ؟

- موطنـهاـ الأـصـلـيـ أـورـوبـاـ، بـسـ بـرـضـوـ بـيـزـرـعـوـهـ فـيـ شـمـالـ أـفـرـيـقـياـ وـغـربـ آـسـياـ، وـيـحـتـاجـ لـشـمـسـ قـوـيـةـ لـمـدـةـ خـمـسـ أوـ سـتـ سـاعـاتـ فـيـ الـيـومـ وـتـهـويـةـ، وـمـشـ بـتـشـرـبـ مـيـهـ كـثـيرـ.

علىـ ذـكـرـ الـمـاءـ، شـعـرـتـ بـجـفـافـ شـدـيدـ وـرـغـبـةـ مـمـيـتـةـ فـيـ شـرـبـ نـهـرـ النـيلـ كـلـهـ، فـلـمـ أـتـرـكـ دـورـقـ المـيـاهـ الزـجاجـيـ منـ يـدـيـ، مـاـ لـفـتـ اـنتـبـاهـ السـيـدـةـ فـتـونـ فـسـلـانـيـ:

- أـجيـبـلـكـ مـيـهـ تـانـيـ؟

- ياـ رـيـتـ، عـشـانـ الشـكـرـ بـيـعـطـشـنـيـ جـدـاـ.

- مـعـلـشـ، أـناـ كـثـرـتـ الشـكـرـ الـمـرـدـةـ دـيـ فـيـ الـمـرـبـىـ عـشـانـ كـنـتـ حـاسـهـاـ فـرـةـ الـمـزـةـ الـلـيـ فـاتـتـ. أـحـضرـتـ لـيـ دـورـقـ آخرـ مـنـ الـمـيـاهـ، بـيـنـمـاـ دـؤـنـتـ كـلـ الـمـعـلـومـاتـ الـتـيـ أـخـبـرـتـنـيـ بـهـاـ، تـمـ سـأـلـهـاـ:

- سـهـلـ تـلاـقيـ بـذـورـ الشـجـرـةـ دـيـ فـيـ مـصـرـ؟

- مـمـكـنـ تـجـيـبـهـاـ مـنـ أـيـ مـشـتـلـ وـتـزـدـعـهـاـ فـيـ الـجـينـيـةـ أـوـ فـوـقـ السـطـوـحـ.

بدأت أشعر بحرقة عيني اللتين اشتققا إلى النعاس، حتى إن إضاءة المنزل ألمتني، فأغلقت جفوني وفركتها، وسألتني السيدة فتون بقلق:

- مالك يا حبيبي؟!

- عيني وجعاني من السهر.

- تحب تطلع تنام ونكمel كلامنا بعددين؟

- لا لا، كملي يا طنط.

- عندي فكرة، بدل ما أنا باصْدُلَك كده تعالَ معايا.

- على فين؟

- عندي حاجة هتفيدك أوي.

ووجدت نفسي في سيارة السيدة فتون البيضاء، متوجهين إلى المقطم، وقد زادت حرقة عيتي وجفاف حلقي وصداع رأسني ورغبتني في النعاس. ليتني لم أذهب معها وأخلدت إلى النوم، فأنا أكره حالي عندما يتمكن مني الإرهاق ويبداً رأسي يؤمن بهذه الصورة الضاربة.

وصلنا إلى منطقة لم أرها في المقطم من قبل تشبه مدينة الأشباح، ليس لأنها تعج بالأشباح، بل لأنها خاوية، ومعظم المباني فيها لم ينته إنشاؤها بعد، عدا قيتين متباعدتين. افترينا من إداهما، لم يكن عليها بؤاب. أخرجت السيدة فتون مفاتحها وفتحت بوابة الفيلا الصغيرة ذات الحديقة النضرة والعشب الأخضر، فقلت محاولاً أن أبعد الإرهاق عن صوتي:

- بيت مين ده؟

- دي الفيلا اللي عمر كان هيتجوز فيها.

عمر ابن السيدة فتون كان أحد تلامذة أمي في القصر العيني، لكنه ثُوّي قبل زفافه بأشهر قليلة.

وقفنا أمام بنت شجرية ارتفاعها متر ونصف، ذات أوراق بيضاء كبيرة، وأزهار بنفسجية تشبه الجرس، وتتدلى من أغصانها الرفيعة ثمار في حجم الطماطم الكرزية لكنها سوداء لامعة.

بدأت أرتجف. أفهم أنني مرهق ومتعب من قلة النوم والجوع، لكن ليس إلى الدرجة التي تجعل نبضات قلبي تزداد ورؤيتي تهتز وعرقي يتتصبب كمن أصابته حمى!

وضعت السيدة فتون يدها على كتفي برفق قائلة:

- إنت كوييس يا نوح؟

حاولت أن أتماسك قائلًا:

- أيوه أيوه.

أشرت إلى الشجرة:

- هي دي بقى ست الحسن؟

قربت يدي نحوها، لكنها أبعدتها قائلة:

- إوعى تلمسها من غير جوانتي، سمهها هيندي جلدك لو لمستها بس.

بدأت ألهث مع أزيراد حفلاً في ثالثي، وقلت مهنتها بيهودي الذي أخذ يغلاش تدريجياً:

- طبع ما دام هي سامة أوي كده، إللي زارها هدا ليه؟

ضحكـت وقالـت بـبرة لم أـعـدـها منها:

- لوح يا حبيـبيـ، أنا مش عارفة دي لـقة فـي ولا سـدـاجـةـ منـكـاـ هوـ إـنـتـ نـسيـتـ اـبـنيـ مـاتـ إـرـايـ؟

كـادـ قـلـبيـ أـنـ يـنـفـذـ مـنـ صـدـريـ، وجـفـ حـلـقـيـ كـصـحـرـاءـ جـرـدـاءـ، وـتـشـبـعـتـ مـلـابـسـيـ بـالـعـرـقـ، وـبـدـأـتـ أـحـلـكـ جـلـدـيـ كـلـهـ وـأـسـعـلـ بـقـوـةـ وـرـأـسـيـ يـتـرـجـحـ وـتـواـزـنـيـ يـخـتـلـ كـمـنـ شـرـبـ بـرـمـيـلـاـ مـنـ الـخـمـرـ.

تجـلتـ مـظـاهـرـ تـعـبـيـ الـذـيـ لـمـ تـعـدـ قـلـةـ النـومـ وـالـإـرـهـاـقـ العـادـيـيـنـ صـدـرـاـ مـقـيـداـ لـهـ، فـأـنـاـ لـمـ أـعـدـ قـادـراـ عـلـىـ الـوـقـوفـ عـلـىـ سـاقـيـ.

سانـدـلـتـيـ السـيـدـةـ فـتـونـ بـرـفـقـ حـتـىـ أـخـلـتـنـيـ إـلـىـ الفـيلـاـ.

كـانـتـ الفـيـلـاـ مـفـروـشـةـ بـالـكـاملـ، كـأنـ هـنـاكـ مـنـ يـقـطـنـ بـهـاـ. خـالـتـ لـيـ جـدـتـيـ مـنـ قـبـلـ إـنـهـ بـعـدـ وـفـاةـ عمرـ، اـعـتـادـتـ السـيـدـةـ فـتـونـ الـذـهـابـ إـلـىـ الفـيـلـاـ لـتـنـظـيفـهـاـ وـالـمـكـوـتـ بـيـنـ الـأـلـاتـ الـذـيـ اـشـتـرـتـهـ مـعـ وـحـيدـهـ.

أـجـلـسـتـيـ السـيـدـةـ فـتـونـ عـلـىـ الـأـرـيـكةـ الـمـرـيـحةـ، بـيـنـماـ جـلـستـ هـيـ عـلـىـ الـكـرـسـيـ الـمـقـابـلـ وـاضـعـةـ سـاقـاـ فـوـقـ الـأـخـرـىـ، وـقـالـتـ بـصـوـتـهـاـ الـحـنـونـ لـكـنـ بـنـبـرـةـ مـرـيـبةـ:

- زيـ الـهـارـدـهـ مـنـ سـنـةـ عـمـرـ كـانـ رـاجـعـ مـنـ الـعـيـادـةـ السـاعـةـ تـلـاثـةـ الـفـجـرـ، طـلـعـ عـلـيـهـ اـتـيـنـ مـنـ أـطـفـالـ الشـوـارـعـ وـكـانـواـ عـاـيـزـيـنـ يـسـرـقـوـهـ، وـلـمـ قـاـوـمـ طـعـنـوـهـ بـمـطـوـةـ وـمـاتـ!

الـعـنـةـ!

يـسـتـحـيلـ أـنـ يـكـونـ شـكـيـ فـيـ مـحـلـهـ!

ـ أـنـاـ اـتـطـلـقـتـ وـعـمـرـ عـنـدـهـ اـتـنـاشـرـ سـنـةـ، مـاـ طـلـعـتـشـ مـنـ الدـنـيـاـ غـيرـ بـيـهـ، فـلـمـاـ جـالـيـ خـبـرـ إـنـهـ فـيـ الـمـسـتـشـفـيـ كـتـ هـاتـجـنـ. اـتـصلـتـ بـجـراحـ صـدـيقـيـ مـنـ أـيـامـ الـطـفـولـةـ، هـوـ الـدـكـتـورـ الـوـحـيدـ الـلـيـ بـالـقـيـهـ، وـاسـتـجـدـتـ بـيـهـ عـشـانـ يـلـحـقـ عـمـرـ، لـكـنـهـ فـشـلـ اـخـذـلـيـ وـمـاـ أـنـقـذـشـ اـبـنـيـ مـنـ الـمـوتـ!

حاـرـيـتـ الشـلـلـ الـذـيـ بـدـأـ يـصـيبـ أـطـرـافـيـ، وـقـلـتـ لـهـاـ:

- الـدـكـتـورـ خـيـرـيـ؟

هذت رأسها باسمة:

- طول عمري باقول عليك ذكي، عشان كده لما قررت أجيبي حق ابني لجأتك إنت بس  
عشان تلاقي القاتل، بس زيك زي خيري، خذلتني وسبت اللي قتل ابني حدا  
وبددت أن أوضح لها أنتي أخذت أوصاف القاتل من روح ابنها بعد مقتله، وبحثت عن قاتله  
في كل مكان ولكنني لم أجده، فأنا لا أعرف له اسفا ولا بللة، وأطفال الشوارع يحمون  
بعضهم بعضًا. أردت أن أصيح بها، وأخبرها أنتي فعلت ما لا يقوى أحد على فعله، وخاطرت  
بكل شيء لاقتصر لها ول Jarvis وصديقي عمر، لكن الوهن هيمن على ولم أتمكن من النطق!  
كنت ملائماً آنذاك، وصلاح هو النقيب المسؤول عن القضية.  
صلاح!

ليتنى ركزت في جملته التي قالها في المكتب راضينا عن تسمم أطفال الشوارع:  
«إيه يا سى نوح؟ نسيت جارك اللي عيل من نول ثبته وغزه؟».  
لم استهترت بكلامه ونسيت أن ذلك الجار هو عمر ابن فتون؟!  
فتون! التي تملك محلًا للورود ومشتلًا، الخبرة بالنباتات، لديها دافع الانتقام، ومن السهل  
حصولها على نبتة «ست الحسن»!

نهضت من فوق مقعدها مع أزيداد رعشتي.  
لم ألاحظ من قبل أنه عند النظر إلى فتون من الخلف فإنها تبدو كالرجل، بقامتها الطويلة  
وشعرها القصير وجسدها المسطح! وأنها لو ارتدت جلباباً أليض فضفاضاً، ووضعت قبعة  
على رأسها، وأخففت عينيها الأنثويتين بانتظارة شمس كبيرة، وامتنعت عن الكلام حتى لا يسمع  
صوتها الناعم، فسيطئنها الناس رجالاً

فتون هي من سمعت أطفال الشوارع والجراح خيري شلهوب! ونوح الالفي!

عقدت ذراعيها قائلة بسخط ممزوج بالحسنة:

- ابني كان بيعالج أطفال الشوارع بالمجان في عيادته. عارف كام مرة المستشفيات  
رفضت تدخل واحد من الجرابيع نول وهو أصر يدخلهم على مسؤوليته الشخصية  
ويدفع لهم التكاليف؟! يقوم الكلاب دول يقتلوه في الفجر ويسبوه ينزف في الشارع!  
حاولت النهوض، لكنني لم أشعر بساقي وقد تمكنت من الإعياء الشديد، لكن فتون لم  
توقف عن الكلام:

ـ أنا اعتبرت خيري زبي أخويا، واستنجدت بيـهـ، لكنه أـتـأـخـرـ، وـفـيـ النـهاـيـةـ خـرـجـ مـنـ العـمـلـيـاتـ  
ـ يـقـولـيـ «ـأـنـاـ عـمـلـتـ إـلـيـ عـلـيـ»ـ!

ـ ضـحـكـتـ مـتـهـكـمـةـ، ثـمـ بـدـأـتـ تـصـيـحـ نـحـوـيـ:

ـ وإنـتـ كـنـتـ زـيـ اـبـنـيـ، فـضـلـتـ أـقـولـ عـلـيـكـ ذـكـيـ وـشـجـاعـ، وـبـوـمـ مـاـ اـعـتـمـدـتـ عـلـيـكـ طـلـعـ  
ـ زـيـكـ زـيـ كـلـ الـلـيـ فـيـ الـمـجـمـعـ الـقـدـرـ دـهـ!ـ أـغـبـيـ وـمـتـقـاعـسـيـنـ وـنـاكـرـيـنـ لـلـجـمـيلـ!

ـ دـنـ هـاتـفـيـ، فـحاـوـلـتـ بـكـلـ مـاـ أـوـتـيـتـ مـنـ قـوـةـ أـنـ مـدـ يـدـيـ لـأـخـذـهـ، لـكـنـاـ أـسـرـعـتـ وـأـخـرـجـتـهـ  
ـ مـنـ جـيـبـيـ، وـعـنـدـمـاـ شـدـدـتـ مـعـصـمـهـ دـفـعـتـ يـدـيـ بـقـوـةـ، فـسـقـطـتـ أـرـضاـ عـنـ الـأـرـيـكـةـ.

ـ أـجـابـتـ عـلـىـ الـهـاتـفـ بـنـيـرـتـهـ الـهـادـئـةـ:

ـ أـيـوـهـ يـاـ إـحـسـانـ، نـوـحـ نـسـيـ مـوـبـاـيـلـهـ عـنـدـيـ فـيـ الـمـحـلـ، اـبـقـيـ قـوـلـيـلـهـ يـبـيـجـيـ يـاـخـدـهـ لـمـاـ يـخـلـصـ  
ـ شـفـلـ.ـ مـاـشـيـ يـاـ حـبـيـتـيـ، سـلـامـ.

ـ حـاـوـلـتـ أـنـ أـصـرـخـ، لـكـنـيـ لـمـ أـجـدـ صـوـتـيـ.ـ حـالـةـ مـنـ الـخـدـرـ الـمـخـتـلـطـ بـالـحـمـىـ وـالـإـعـيـاءـ سـرـتـ  
ـ فـيـ بـدـنـيـ كـلـهـ، وـصـارـتـ لـهـ الـهـيمـنـةـ وـالـيدـ الـعـلـيـاـ عـلـىـ كـلـ حـوـاسـيـ وـاـسـتـجـابـاتـيـ، وـمـاـ زـالـ قـلـبـيـ  
ـ يـرـكـلـ صـدـرـيـ هـلـفـاـ!

ـ الـأـمـرـ بـيـنـ:

ـ أـحـدـ أـطـفـالـ الشـوـارـعـ طـعـنـ عـمـرـ، ثـمـ فـشـلـ خـيـرـيـ فـيـ إنـقـاذـ حـيـاتـهـ فـمـاـ عـمـرـ.  
ـ لـجـاتـ فـتـونـ إـلـيـ فـخـذـلـهـ كـمـاـ خـذـلـهـ صـدـيقـهـ الـجـرـاحـ.

ـ وـمـحـمـلةـ بـالـكـراـهـيـةـ وـالـإـحـسـاسـ بـالـظـلـمـ، ظـلـلتـ عـافـاـ كـامـلـاـ تـقـتـلـاـهـ بـكـوـنـهـ الـأـمـ الـرـاضـيـةـ بـقـضـاءـ  
ـ اللـهـ.ـ لـمـ تـصـرـخـ، وـلـمـ تـبـلـكـ، وـلـمـ ثـظـهـرـ أـيـ نـوـعـ مـنـ السـخـطـ أوـ الـاعـتـراضـ عـلـىـ أـمـرـ اللـهـ، بـلـ ظـلـلتـ  
ـ تـوزـعـ الـورـدـ وـالـعـصـانـرـ وـالـمـحـبـةـ عـلـىـ الـجـمـيعـ، فـجـعـلـتـنـاـ نـظـنـ أـنـهـاـ تـخـطـتـ أـمـرـ وـقـاةـ اـبـهـاـ، بـيـنـماـ فـيـ  
ـ الـوـاقـعـ كـانـتـ تـوـدـ أـنـ تـبـعـدـ عـنـ نـفـسـهـ الشـبـهـاتـ، فـضـلـتـ مـتـمـاسـكـةـ تـحـضـرـ خـطـهـاـ سـرـاـ، فـالـظـلـمـ  
ـ وـالـعـدـالـةـ الـبـطـيـئـةـ التـأـثـيرـ ذـاتـهـ: صـنـاعـةـ إـنـسـانـ يـكـفـرـ بـالـعـدـلـ وـيـؤـمـنـ بـالـأـثـارـ الـفـرـديـ.

ـ بـدـأـتـ بـخـيـرـيـ.ـ دـخـلـتـ مـنـزـلـهـ بـاسـمـهـ التـفـرـ بـحـجـةـ موـاسـاتـهـ وـتـصـيـرـهـ عـلـىـ فـرـاقـ زـوـجـهـ،  
ـ وـأـهـدـتـهـ زـجاـجـةـ عـصـيرـ، سـكـبـتـ لـهـ كـوـباـ، وـظـلـلتـ مـعـهـ سـاعـتـيـنـ أوـ تـلـاثـاـ، حـتـىـ ظـهـرـتـ عـلـيـهـ  
ـ الـأـعـرـاضـ، فـنـقلـتـهـ إـلـىـ فـرـاشـهـ لـيـسـتـرـيـجـ، ثـمـ أـخـذـتـ بـطاـقـهـ الـشـخـصـيـةـ وـالـمـفـتـاحـ حـتـىـ لـاـ يـحـاـوـلـ  
ـ التـوـجـهـ إـلـىـ الـمـسـتـشـفـيـ.

ـ اـسـتـأـجـرـتـ سـيـارـةـ بـيـطاـقـةـ خـيـرـيـ الـمـيـتـ، ثـمـ نـفـذـتـ الـجـزـءـ الثـانـيـ مـنـ خـطـهـاـ، وـوـزـعـتـ عـصـيرـ

«توت الشيطان» على أطفال الشوارع بفرض الانتقام العشوائي ممن كانوا سبباً في موت ابنها.

والآن أتى الجزء الثالث من خطتها، وهو قتلي أنا!

اختارت شجرة «ست الحسن» لسهولة زراعتها وتوزيع سماها، فثوتها حلو المذاق ولا رائحة له، ويمكن للضحية أن تتناوله كتوت طازج أو عصير، أو في حالتي أنا: مربى التوت.

حاولت أن أزحف على الأرضية الباردة نحو الباب، لكنها بعدما أغلقت هاتفي ووضعه في جيبها وقفت تضحك ساخرة من محاولتي البائسة للفرار من الموت، قائلة:

ـ ما تحاولش، كلها ساعة وتحصلهم، محدش هيلحقك زي ما ملحووش ابني!

استمر زحفي حتى متصرف الصالة، وقد بدأت أشعر بتشنجات غريبة.

سحبت فتون حقيبتها، وأخرجت المفتاح قائلة:

ـ ١٠ جبات من توت «ست الحسن» قادرین على قتل إنسان بالغ في ساعتين. تفتقرك ساندويشات المربى اللي أكلتها فيها كام حبابة؟

\* \* \*

كنت أعلم أنني سأموت قبل أن يشيب شعري وتتجدد التجاعيد طريقها إلى وجهي، لكنني لم أتصور يوماً أن السيدة فتون التي علمتني في طفولتي أسماء الورد ومعانيها هي من ستقتلني!

مددت يدي نحو الباب، لكنها ركلتني جانباً، وخرجت من الفيلا وأغلقت البوابة خلفها. بقيت مستلقينا على ظهري أرتعش والعرق يتصلب مني، وصارت الرؤية ضبابية، لكنني سمعت صوئاً:

ـ نوح! مالك؟

لم أرده بوضوح، لكنني كنت متأكداً من أنها روح ياسين التي صاحت فزغاً:

ـ إيه اللي حصلك؟! مين عمل فيك كده؟!

خرج صوتي واهنا وبالكاد يسمع:

ـ سم.. الإسعاف.. باموت.

وقف ياسين حائزاً، وأخذ يدور في المكان عاجزاً عن التقاط أي شيء، فقال مرعوباً:

- مش عارف، مش عارف أمسك حاجة! أعمل إيه؟  
هاجمتني نوبة عنيفة من التشنجات، وصرت أرى أضواءً عجيبة، وأسمع أصواتاً متداخلة،  
لكن صياح ياسين الهلع كان واضحاً:  
أعمل إيه يا نوح؟! ما تموتش!  
اختفت الأضواء، وخفت الأصوات، وساد السكون المظلم!  
يبدو أنها النهاية!

هل يحلم الموتى؟

لا أظن ذلك، فالأرواح لاتنام، فكيف لها أن تحلم؟

إذن كيف أحلم الآن بالبدوية صاحبة الليمونة الصفراء واقفة في متنصف كهف جبل الموتى، وهي بمفردها، بلا أي أرواح أخرى؟

تنظر البدوية نحو يعبيتها الواسعتين، وشعرها الأسود متسلل على كتفيها، وتبتسم إلى بشقتيها المكثرتتين، وتشير إلى أن أقترب! أذهب نحوها محلقا كالطيف الهائم، وقبل أن المس يدعا وأخذ الليمونة أشعر يدي على كففي، فيتغير المشهد، وبختفي الكهف والبدوية والليمونة، وأجد نفسي في غرفة بيضاء كثيبة ذات مصابيح نيون حافظة وسرير حديدي رفيع، ولا يقف فيها غيري أنا وباسين الذي بدا مرتاح البال وباسم التغز قائلًا:

- رعيتني يا أخي!

لم أجبه، كنت مندهشًا ومضطربًا.

وبدت أن أسأله أين نحن، وماذا حل بي، لكنني شعرت أن الساني مريوط، بينما تكلم ياسين بطلقة:

ـ ما تخافش، كل هيبقى تمام.

سمعنا صوت دقة ساعة قويًا خرق أذئي، فنظرت حولي ولم أجد أي ماعة، لكن ياسين قال مت亟لا:

ـ الأربعين يوم خلصوا، دي ساعتي. أنا بتعمل دليلة. خلي بالك منها يا نوح!

بدأ جسده يتلاشى، وهالته تتبدد، ثم سطع ضوء قوي كاد يعميني، فانتفضت مستيقظًا.

\* \* \*

الرؤية ضبابية، لكنني تبييت ضوءاً مرتعشاً في السقف، وعلى الرغم من الرمسي الشديد والخدر الذي انتشر في أوصالي، فإباني سمعت أصوات كل من حولي بوضوح.

ـ نوح! نوح صحي يا طنطط!

كان هذا صوت قطر، يليه بكاء شديد، ثم يدان متعرقان تمسكان بوجهي، ثم تنهال عليه القبلات:

- حبيبي يا ابني! حمد الله على سلامتك!

كانت هذه أمي بصوتها العريض ويديها السميتين وشخصيتها سلاسلها الذهبية ذات الخرز الأزرق والآيات القرآنية.

ومن بعدها جاء صوت جدتي الرفيع المحفل بدموع مكبوتة، تقول ببررة أمرة:

- ما ثطبيقيش على نفسيه كده! مسييه يرتاح!

توالت الأصوات. كانوا جميعاً حولي: نادية، وطارق، وأمي، وجدتي، وقطن، وقد احتاجت إلى بعض دقائق لتوضح الرؤفية.

كانت جدتي تمكّن بالمصحف، ووالدتي تجلس بجواري بملابسها المحشمة وحجابها الطويل وتحيطني بذراعيها، ونادية عند طرف السرير، وطارق وقطن يقفن على يميني بطمأنينة.

بصوت مرتفع لكن مسموع سالت قطن:

- مسکوها؟

صاحب أمي:

- ده أنا أكلت فتون دي بسناني لا ولا قطر حاشني عنها كنت قطّعتها في القسم!

سحبت يدي وخللت تقبela بهستيريا:

- سلامتك يا حبيبي! إن شا الله أنا!

- بعد الشر عليك يا ماما!

قال قطن:

- حد يصدق إن طنبت فتون الملاد دي تعمل كده؟!

صاحب أمي:

- ملاد؟ إلهي وإنْت جاهي تسخطها قردة عشان تبقى عبرة للخلق!

سالت قطن:

- قبضتوا عليها إزاي؟

- لما لقيت الشجرة المسمومة في فيلا عمر، وبعد شوية ربط ومراجعة لتفاصيل فهمت إن

هي اللي وراها، وأول ما واجهناها بيهمها فضلت تزعق وتقول «لازم أطهر المجتمع من المتعاقسين اللي زيكم». مخها لسع، وغالباً هتتحول على الخانكة.

صاحت أمي:

- ربنا ياخدها ويولع فيها ويشفى غليلي منها و...

قاطعتها جدتي بنبرتها المترفة:

- وطني صوتك الهمجي ده!

التفتت إلى الآخرين قائلة بعجرفة:

- يلاً لكم بره، سبوا حفيدي يرتاح.

خرجوا جمِيعاً إلا قطر، فاقتربت جدتي وقبلت جبيني قائلة:

- سلامتك يا روح عيني!

- الله يسلامك يا تيطة.

التفتت إلى قطر قائلة:

- وإنْت يا طويل التيلة اتفضل قدامي.

هم بالخروج لكنني استوقفته قائلة:

- استنى عايزةك.

اعتربت جدتي:

- عايذه في إيه؟! مش وقته كلام في الشفل، ارتاح.

- كلمتين بس يا تيطة وخلاص.

زفت ناقمة، ثم غادرت صافعة الباب خلفها.

مال قطر علي قائلة:

- فاتك نص عمرك، جدتك ومامتك اتخانقوا وكانوا هيموتوا بعض!

- وإيه الجديد؟! ما هما ما بيعرفوش يقدعوا خمس دقائق مع بعض، سبيك. أنا جيت هنا  
إزاي؟

- بالإسعاف.

- ما أنا عارف يا غبي! قصدي مين اللي كلم الإسعاف.

- آآآآآاه، نسيت أقولك.

قال غامزاً:

- الفزة يا عم اتصلت بالإسعاف، وقال لهم العنوان، وفضلت موجودة طول الوقت، وجدتك عمالة تزن وتقولي «مين دي؟ هو نوح مرتبط من ورايا؟»، حلفتها ميت يمين إني ما أعرفهاش ما صدقتنيش. بتصاحب من ورايا يا واطي؟

- فزة مين يا قطر؟! إنت هتهزر؟

- أقسم بالله واحدة زي القمر، بس ما رضيتش تقولي هي عرفت إنك مسموم في الفيلا إزاي و...!

دخلت جدتي بلا استئذان، وبدت منزعجة، فجلست بجواري زافرة بضميق، فسألتها:

- فيه إيه يا تيطة؟

- فيه إنك ندل وأنا ما عرفتش أربى! مين البت اللي بره دي؟

قال قطر:

- دي البت اللي باقولك عليها، قالت إنها هتيجي تنطممن عليك النهارده تكون فقط.

قالت جدتي منفعلة:

- أيوه بقى مين دي؟ ها؟ إنت بتعرف بنات يا نوح؟!

- أومال باعرف سحالي يا تيطة؟ ما تصلي على النبي.

- عليه أفضل الصلاة والسلام. بس ما أقدرش أنا أربى وتيجي واحدة تاخدك على الجاهزا.

قال قطر ببرود:

- هدي أعصابك يا تيطة.

صاحت به:

- أنا باتعصب لما الواد ده يقولي «يا تيطة». أنا مش جدتك يا ناطحة السحاب إنت!

- الله يسامحك يا تيطة.

..! Quelle stupidité».

- أنا متأكد إنك بتشتمني، بس معلش، إنت برضو جدتي.

- أooooوف!

زفرت وقالت لي:

- إنت هتقولي مين البت اللي لازقالنا من إمبارح دي ولا لا؟

- أشوفها، أشوفها بس عشان أعرف هي مين وأرد على معاليكي.

- مش هادخلها غير لما تقولي هي مين.

قال قطرن:

- ملکيش حق تسيبها واقفة بره يا تيطة.

اتجه قطرن ناحية الباب وفتحه بحماس ونادي الفتاة لتدخل.

\* \* \*

لم أعد أفهم، أهذا حلم أم أني ما زلت تحت تأثير هلاوس السم؟

من باب غرفتي في المستشفى، دخلت البدوية التي كانت في مقابر جبل الموتى!

عيناها كحيلتان واسعنان، وشفتها حمراوان مكتنزتان، وأنفها دقيق، وبشرتها رائقة، ووجهها مستدير.

إنها هي مع فارق بسيط، وهو أن شعرها لم يكن طويلاً منسداً حتى خصرها كما كانت في جبل الموتى، بل كان قصيراً كشعر الفتيا، وملابسها توأكب العصر الحالي: جينز أسود، وحذاء رياضي، وقميص حريمي، وسترة جلدية سوداء، وعلى معصمها وشم لمفتاح «صول» الموسيقي، وتضع قرضاً ذهبياً فيه حجر فيروز ينماش مع خاتمتها وسلسلتها الرقيقة.

دخلت الفرفة حاملة باقة من التوليب الأبيض، واقتربت مني على استحياء، بينما قال لها قطرن:

- أتفضلي، أتفضلي.

وكزتني جدتي قائلة:

- آديك شفتها، مين دي بقى؟

لم أتوقف عن الحملقة فيها، لقد كانت البدوية نفسها، لكن بخلة جديدة. ولو لا أن قطز وجدتي حولي ويريانها مثلما أراها لظننتها روخاً، أو لظننت نفسي أهذى.

وقفت ذات الشعر القصير التي ترتدي الاسود من رأسها حتى قدميها، عند طرف السرير، فانعكست أشعة الشمس على وجهها البريء وملامحها الدقيقة، وقالت بصوتها الذي سكن أذني منذ كنت في الثامنة من عمري:

- حمد الله على سلامتك.

مدت يدها بباقة الزهور، لكن من فرط دهشتني لم آخذها منها، فرفع قطز عنا الحرج وأخذ الباقة قائلاً:

- ما كانش فيه داعي تتكلفي نفسك.

طلت جدتي ترميقها بغير مبرر، بينما سحب قطز كرسياً وضعه بجوار سريري لتجلس عليه، ثم قال لجدي التي تشيعت بذراعي كأنها تعلن أني ملكيتها الخاصة:

- يلأ يا تيطة عشان...

- عشان إيه؟ أنا قاعدة جنب حفيدي!

- ما إنت بقالك عشرين سنة قاعدة جانبه! اديله فرصة يتنفس!

telegram: @alanbyawardmsr  
بصعوبة شديدة سحبها من يدها ثم خرجا، ولم يعد في الغرفة غيري أنا والضيفة غير المتوقعة.

ظللت تنظر حولها وتتأمل الأرضية في خجل وهي تداعب خواتتها حتى قالت بتردد:

- إنت بقى نوح؟

سألتها بلا تفكير:

- إنت بتاعة جبل الموتى؟

قطبت حاجبيها بابتسامة فضولية:

- جبل الموتى؟!

- إنت اللي اديتني الملونة؟

- لمونة إيه؟ أنا مش فاهمة حاجة!

- طب إنت اللي كلمت الإسعاف؟

- أيوه، أصل...

هزت رأسها بعوترة:

- لو حكينتكلك مش هتصدقني.

- أنا هاصدق أي حاجة هتفقوليها.

بدأت تسرد بتردد وبكلمات متقطعة:

- بابي مات.. من حوالي أربعين يوم.. لكن من أسبوع كده.. بدأ أحلم بيها.. وكان.. كان يبحكيلى.

اضطربت ونظرت إلى الأرض قائلة:

- كان يبحكيلى عندك.

- إنت بنت ياسين الجارحي؟

اندهشت وأضطربت وتطلّب الأمر بضع ثوانٍ حتى وجدت ما تقوله:

- إنت.. إنت تعرف بابي، صح؟ أصل.. هو قالى إنك بتشوفه وهو ميت.. حكالي إنك بتشوف الأرواح.. وإنك معاه على طول.. وعلمهه إزاى يطلعنا في الأحلام.. وإيمارح وأنا نايمة حلمت بيها مرتين.. الأولى قالى فيها إن النهارده آخر يوم له على الأرض.. وإنك قلتله إن روحه هتتقلّل لعالم تاني.. وبعدها مشي وقالى هيروح يودعك.. بس بعدها ظهرلي تاني وكان خايف.. وقالى إنك اتسممت في فيلا في المقطم.. وإنى لازم أكلم الإسعاف فواز عشان هو مش قادر ينقذك.. قالى أصحى حالاً وانقذني نوح.. صحيت بلغت الإسعاف من غير ما أفكرا.. وما صدقش إنهم فعلًا لقوك وإن كل ده حقيقي مش أحلام.. وجيتلك المستشفى عشان أتأكد بنفسي إني مش مجتونة.. لقيتك زي ما بابي كان بيوصفك بالظبط و...

لم أنزل عيني عنها وهي تتكلم مرتبكة، وقد تعرقت يداها واحمررت وجهتها.

أيمكن للكون أن يكون بهذه الدقة والخشونة في آن واحد؟!

أرى في عمر الثامنة روح بدوية حسناء تعلمني كيفية التواصل مع عالم الأرواح، وبعدها أقابل روح مايسترو قلقاً على ابنته، فأعلمه كيفية الظهور في أحلام الأحياء، فيظل يقصن لابنته في منامها عنى وعن تواصلها مع عالم الأرواح، وعندما أتعرض للموت يظهر في حلم ابنته، ويجعلها تتصل بالإسعاف لتتقدّ حيّاتي، ثم تزورني في المستشفى وأكتشف أنها الفتاة

نفسها التي أغرمت بها طفلاً!

قالت متواترة:

- إنت فاكرني مجنونة، صح؟ أكيد كلامي مش منطقى بالنسبة لك.. بس مش كل حاجة في الدنيا منطقية.. وأنا.. أنا بس كنت عايزه أتأكد إني مش باهلوس.. عشان أنا متأكدة إن اللي كنت باشوفه ده كان بابي.. وكنا بنتكلم بجد مش مجرد أحلام وتخاريف و...

- إنت اسمك إيه؟

اضطربت من سؤالي الذي لا صلة له بما ترويه، لكنها أجابتني خجلة:  
ـ دليلة.

عندما قال ياسين في ظهوره الأخير في حلمي قبل أن أستيقظ في المستشفى:  
ـ أنا بعطلك دليلة. خلي بالك منها يا نوح.

كان يعني دليلة ابنته البكرية التي منعها ظهوره لها في الاحلام من الزواج من خطيبها  
الخائن!

\* \* \*

لو لم أحل قضية طه عبد اللطيف، ما كان اللواء رشوان ليكألفني بقضية تسمم الأطفال،  
وما كنت لاقابل روح ياسين!

ولو لم أعلم ياسين الظهور في الاحلام، ما كان ليمنع ابنته من الزواج!  
ولو لم تسمني فتون، ما كنت لاقابل دليلة، وما كنت الآن على قيد الحياة!  
تلك التفاصيل المتسلسلة التي نغفل عنها، أو نفعلها بلا تركيز، هي جزء من خطة كونية  
كبيرة دبرها الخالق دون أن ندري!

كل ذرة في هذا الكون لها تأثير لا ندركها  
منقدتني ثم دللي «دليلة».

ولسنوات طويلة كانت بالفعل دليتي...

## **شکر خاص**

إلى كل من تكريم بوقته وعلمه لإثراء هذا العمل:

عبير فرات

مايا المهدى

كارى ميريل

ريات وودوارد

ويتنى لاستر

شارون ميليك

رضا محمد

عمر بولندي

رحاب سعدي